

王漁洋詩鈔

王漁洋詩

元祺



王漁洋詩鈔

元祺署



宣統二年六月
時中書局印行

PL
2732
.A56
W3
V.1

重刻漁洋詩鈔序

昔邵子湘鈔漁洋商丘之詩并為一集名之曰
二家詩鈔序而行之時經兵火板久被燬迨來
時中書局蒐集舊書保存國粹於遺書中已
將黃梨洲龔定菴諸家搜遺補墜刊以行世
復得邵書初印欲先以王集刊印而屬予一
言以弁其首予謂漁洋諸集序言存者絕少
金林始精華錄亦祇留虞山一序且謂昔計
改庭欲為山人序漁洋集一月未成僅跋其尾

予之譎陋更非改庭之比何敢妄贅一辭特
時中書局重刻是書之意徒以善本流傳曉
其湮沒實為可惜漁洋舉世宗仰尤為精
要先以鑒閱者之目非有所軒輊也宣統二年
庚戌長夏婁縣八十一叟楊葆光識

王氏漁洋詩鈔目次

濟南王士禎貽上撰

毗陵邵長蘅子湘選



卷之一 古近體詩一百八首

寄趙子

寄任同年

清明後三日鄒平西郭賦詩

宿大谷山房曉起卽事

生生菴僧爲恆禪師乞銘

栗溪往柳菴溪路中作

柳菴曉起同徐五東癡飲溪中作

自石橋尋黛溪遂至摩訶峰下

由榭山入雞山夜自溪路中歸坐無上人山場作

醴泉寺高閣瞻眺有懷范文正公

藤花山下

書堂

復雨

和窟室畫松歌

石龜行爲內叔長白山人賦

雨止

夏日侍兩大人遊南園

養馬行

周文矩莊子說劍圖

七月廿七日雨夜聞牀下蟋蟀

阮亭秋霽有懷西山寄徐五

南唐宮詞八首選五

澣山道中

秋日漫興四首

冬日睡起思以新春踐吳中故人之約戲成

冬日偶然作八首選五
雪後眺望

寄榮大洞門青州
夜行澣山道中二首

春不雨

張忠定公長羨莊別業三首選二

葑圃二首

蠶租行

寄李仲嘿京兆武林

和家兄蠡勺亭觀海三首

秋日遊華不注明湖趵突泉諸名勝仍用清波收
潦日華林鳴籟初爲韻十首選四

懷古詩三篇

贈汪大茗文

贈陳五周量

慈仁寺雙松歌贈許天玉

劉石潭舍人爲書古詩十九首作歌

都門竹枝詞八首選五

十五夜與茗文周量天玉岷瞻遠侯家兄北山坐

雙松下待月作

洗象行

武部拜椒山先生祠二首

題趙雪江仿摩詰羣峰飛雪圖

息齋夜宿卽事有懷故園

鄒能弘還廬陵寄訊韞退

樂口

華不注

宣和御墨枇杷圖歌

採蓴曲四首選二

讀史雜感八首

雪後懷家兄

別麻城萬大屏秀水楊勝林

廣固懷古

得海石山中書時遷高要令不赴

題天然道人院用韋公義濱法師西齋韻

與洞門別二首

卽目

夜經古城作

南園作二首

南園池上

送胡崱孩赴長沙

雨夜與禮吉子側共宿

清涼寺

諸葛武侯廟

鵞鴨城

錦秋亭

雄縣二首

戲爲周量題畫短歌

卷之二 古近體詩一百三十九首

送僧歸苕中

題杜工部秦州像爲梁大曰緝二首

初夏北上過訪愚山督學陶齋有詩貽寄久未奉
荅復聞宣城寇亂感懷二首

九日同曹顧菴彭駿孫用重陽登高爲韻兼寄陳
子更四首選二

巴州歌再送陸子同荅文作五首

題公弼蘇門圖卷
紀事二首

畱別周量
潁山二首

贈勞山隱者
太和莊作

再送魏推官兼寄蜀中故人

午睡過穆陵關覺後感成二首

邵伯舟中

高郵雨泊

淮安新城有感

劉堡雨行

大觀閣上眺白馬湖

界首驛寄家兄

瓜洲道中有感

雨舟偶成

六月七日舟中乍涼試筆二絕句

江上寄程崑崙二首

再過露筋祠

落日

韓侯釣臺歌

送李方壺暫還松江卽赴南寧

修復雙烈祠

眞州道中

青山

江上二首

卽目

瓜步晚眺

瓜步道上作

雨後觀音門渡江

宿弘濟寺曉登觀音巖眺望

曉雨復登燕子磯絕頂

寄崑麓

寄彭十

題徐半山山居圖二首

冬曉高郵舟次

雪泊韓侯臺下

登金山二首

毗陵道中雨

夜泊有懷同家兄子側

毗陵歸舟

潤州懷古二首

招隱寺

由招隱登夾山入竹林寺

竹林寺題壁

海嶽菴拜蘇米二公像

尋瘞鶴銘

晚登焦山

焦山曉送崑崙還京口

海門歌

登北固絕頂多景樓

玉山夜歸

送楊集虛歸盱江

抱琴亭

迷樓懷古

同諸公訪栖靈寺

上方寺訪東坡先生石刻詩次韻

附跋

丹徒行弔宋武帝

呂城雪霽

舟暮

棹歌四首

有序

虎丘

虎丘雪浪軒眺望

五人墓

姑蘇懷古三首

夜雨題寒山寺寄西樵禮吉二首

通安橋舟中

雨夜宿聖恩寺還元閣

卽事

山中寄子側時阻雨許墅舟次

冒雨自法華鐘樓尋米堆山

由米堆山下行至上楊村錢家礪望湖中漁洋法

華諸山

晚坐雨花橋看梅

玄墓竹枝詞八首

第二泉和涪翁韻

聽松菴

惠山下鄒流綺過訪

江上望青山憶舊

江行

訪紀伯紫

和牧翁題沈朗倩石崖秋柳小景

秦淮雜詩二十首選十一

登木末亭拜方正學先生墓

長干絕句四首

燕子磯阻風寄丁繼之

登觀音閣眺望

大風渡江四首選二

清明曲二首

潤州寄張公選考功程崑崙別駕

江上有懷

卷之三 古近體詩一百五十三首

寄鄧尉剖石道人

送家兄子側歸里同舟至淮陰有作六首選三

茱萸灣懷家兄

宜陵

眞州道中絕句二首

眞州城南作

眞州南郭泛舟

眞州卽事

大觀樓新成

再荅吳崑孩長沙書

閏七夕海陵北郭有懷家兄

南曹橋

百花洲上拜宗方城祠

九日風雨往淮陰舟中懷珍示不雕諸子歸吳中

讀唐劉商秋夜聽巴童唱竹枝歌輒衍其意作四絕句傳之好事者選二

和吳淵穎題錢舜舉張麗華侍女汲井圖

和吳淵穎題袁子仁巴船出峽圖

天寧寺

程端伯畫

葉欣畫二首

劉度倣李迪畫

樊圻畫

施霖畫

寄荅茗文吳中二首

送涓來侍讀歸楚二首

頻歲

淮陰雪夜

送徐存永歸閩攜家之湖南

寄竹林寺諸道人

雜題蕭尺木畫冊六首選三

二月五日淮陰作

送苔文之京

寄陳伯璣金陵

贈蔣虎臣先生

紅橋絕句二首

閔園曉起作

秋日題閔園水亭

眞州絕句六首

新秋楊子橋舟中

和李退菴侍郎讀水經注懷洞庭之作

憶眞州舊遊有感

渡江泊京口閘下

將抵毗陵寄雲孫訐士文友

青陽道中四首

梁溪西路曉發

高橋曉望惠山卻寄修遠畱仙心甫流綺

舟中望惠山口號

毗陵道中寄珍示我建

同楊西印副使蔡韶若秀才夜登觀音山眺曲阿

後湖放歌

潤州曉渡用皇甫冉萬歲樓韻卻寄蔡芬

別公融後卻寄二首

鑾江舟中雪霽月出卽事題鄒詰畫

葛一龍枇杷

寒林獨釣圖

送家兄禮吉歸濟南兼寄子側

又絕句二首

戲倣元遺山論詩絕句三十六首

白沙江上別家兄西樵赴金陵四首選二

登金陵

登文遊臺放歌

紀異行

夜遇伯璣卽別

方山道中二首

甓湖舟夜讀渭南詩集偶題長句

秦郵雜詩八首選六

茅山進香曲四首

冶春絕句二十首選八

春杪登平山堂眺江南山

送彭十羨門遊粵二首

登雞鳴寺

雞鳴寺眺後湖

烏龍潭

卞忠貞公墓下作

題靈谷廢寺

宿長干寺

雨入高座寺

六朝松石歌寄鄧簡討

荅朱錫鬯過廣陵見懷之作時謁曹侍郎於雲中

金陵曉發

夜登觀音巖弘濟寺贈終南融道人

泊朱家嘴

卷之四

古近體詩九十五首

夜泊江口聞笛寄家兄

江上讀韋詩作

瓜步鎮渡

宿弘濟寺

瓜步道上感成寄西樵先生

枕上聞鴈懷家兄二首

召伯斗野亭懷古寄于皇

舟中卽目寄招西樵先生

黃子久王叔明合作山水圖歌

白沙江上雪卻寄家兄揚州

鑾江大雪歌寄家兄西樵

眞州北郭卽目

曉次盱眙用韋韻

南將軍廟行

蓮塘薄暮懷石步黃子

王氏詩集卷之三
奉酬西樵先生閣夜聞鶴垂示之作

送家兄西樵遊黃鶴山 家兄信宿焦山有寄

焦山古鼎詩三十四韻

上巳辟疆招同潛夫其年亦史山濤修禊水繪園
十首選五

上巳後二日吳陵舟中雨霰甚寒因懷家大人與
家兄已次吳江 再泛水繪園看月作

雨夜懷其年園居 雨登湘中閣眺望

真州天寧寺 牛首同方爾止

登天闕望金陵懷古 中峰澗二首

德雲菴曉起

雨中將往華山同爾止坐紫峰閣

龍潭登舟棲霞僧相送 江行迴望攝山絕頂

金陵輓陳士業徵君四首選二

高寶道中再別追送諸故人

寄宗定九

沂水卽事二首

穆陵關南作

分賦得館娃宮送子吉編修歸吳

又賦得角里村

昭陽顧符稹畫棧道圖歌

趙雪江畫

鄒詰畫

胡元潤畫

八冊小景

石谿畫

題李御史水亭

荅曹淡餘廷尉送梅之作兼示令兄升六解元
送陶季之潞州

送楊東子孝廉歸廣陵兼寄費此度

送沈康臣歸越中兼寄姜鐵夫

膠東張雉畫葛洪移家圖歌

送耿十三承哲赴高州推官

送同年袁秋水僉事覲事畢歸甘州

瓶中荷花開偶成二首

過草橋橋西二水清濁劃然至橋東乃合流土人云清者自西山來濁者渾河也

朱錫鬯自代州至京奉柬一首

送座主蒲公祭告北鎮二首

世祖章皇帝御畫渡水牛戲以指上螺紋成之賜中官

臣從黃州通判臣宋犖得觀恭賦一章

送宋牧仲歸黃州

送楊鄂州職方奉 詔安南

六月十二日喜雨晨起爲錢宮聲題周靜香長橋

煙雨圖

金籠鸚鵡曲

廢宮曲

沙民歎

巫山高

愁霖行

竹枝三首送陸冰修

爲王山史賦獨鶴亭

奉荅蘇門孫徵君

再送吳雯歸中條二首

雙劍行孫退谷侍郎席上作

徂徠山下田家

題九展成新樂府四首選二

雪中寄宗定九東原兼呈司勳先生

冬日讀唐宋金元諸家詩偶有所感各題一絕於

卷後凡七首

卷之五 古近體詩一百三十七首

送劉生赴甘肅二首

題施愚山少參賣船詩後

又賦賣船詩二首

和汪樊桐虞部 孝陵于役詩二首

大宗伯龔公招同荔裳愚山顧菴繹堂湟溱西樵

伯紫鐵夫穀梁集黑龍潭分得下字

題張魏公墨蹟後

和榮洞門水部山行覽古之作

題吳歷畫

送愚山遊嵩山

送愚山遊嵩少再賦

送程崑崙赴耀州

聞林茂之先生已葬鍾山

送張簣山學士歸廬陵

送陶季之曲陽

九月十五夜哭師兒三首

荅李武曾過武陵見夢之作

送孫古隍赴南靖

初春四日休沐同荔裳方山西樵往西山道中作

香山寺月夜

由磴道上洪光寺二首

觀祕魔崖至龍潭作

盧師山

晚望翠微寺

登石景山浮圖絕頂眺望

皇姑寺

碧雲寺

魏忠賢葬衣冠墓宏麗甚慨然有作

臥佛寺

晚入退谷卻寄孫北海先生

赤松亭

曉起至五華寺尋水盡頭作

明景帝廢陵懷古

玉泉

裂帛湖雜詠六首

雨夜懷荔裳

贈謝方山舍人二首

雨中懷彭駿孫因示訥菴

七月一日出都感寄西樵先生

寄內

保定懷古

眞州寄鄭次公水部

七夕宿獲鹿縣話別感成

雨中度故關

井陘關歌

故關寄訥菴

胡桃園夜雨

平定涌雲樓故址

七月初九夜宿平定州夢兒渾忍涕成詩

壽陽驛題韓文公詩後

觀射

祁縣飲酒

郭有道墓下作

冷泉關道中

霍太山

洪洞與劉子方

猗氏往蒲州道中有感

望中條山

河中感懷寄諸兄

中條山下作

首陽山

河上寄從兄山史

望見華山二首

潼關

拜楊伯起墓道

華陰道中

雨宿岳廟萬壽閣

望華山

華州道中

華州齊雲樓

遇仙橋卽事

渭南道中

豐原

金氏陂

寄題華州西溪

驪山懷古八首

望終南山

新豐

灞橋寄內二首

銅人原

咸陽

渭橋懷古

望終南雲氣

漢武帝通天臺

咸陽早發

茂陵

馬嵬懷古二首

飛龍務

望太白山卻寄劉戶部介菴

武功道中

武功懷古

鳳翔府

和東坡開元寺憶子由韻

寶雞道中

寶雞縣

石鼓山

益門鎮

宿觀音菴

大散關

和尚原

煎茶坪

自長橋至草涼樓

鳳縣

鳳嶺

寄家人

棧道懷歸

柴關嶺

雨度柴關嶺

南星雨發

雨趨畱壩

畫眉關南渡野羊水

武關寄家書

馬鞍嶺

觀音碓

七盤嶺

閏七夕抵褒城縣

卷之六 古近體詩一百五十八首

漢中府

漢臺

故宮曲

漢中偶題排悶

虛谷菴二首

南鄭至沔縣道中雜詠二首

女郎廟

沔縣謁諸葛忠武侯祠

武侯琴室

定軍山諸葛公墓下作

大安驛

五丁峽

雨度五丁峽

寧羌州

寧羌夜雨

夜至黃壩驛短歌

龍背洞

朝天峽

廣元縣作

廣元舟中聞棹歌

昭化縣

桔柏江

昭化夜泊

虎跳驛

夜泊雙漩子聞笛

蒼溪縣

閬中縣二首

閬中感興四首

藥物

望劍州懷喬文衣

寄綿州守

龍山驛雨

富村驛雨

天馬山雨行

鷺溪

鹽亭縣南渡梓潼江

秋林驛雨

晴

涪江

潼川懷少陵

潼川夜雨忽夢行臨安道上旁人指示曰此臨平

也覺而有作

建寧驛

中江縣

天柱山

天柱山絕頂望見岷山作

連山鋪夜雨

山中有蟲聲如擊磬甚清越蜀人謂之山子又有
花名龍爪甚豔偶成絕句

題漢州驛壁

望青城山

彌牟道中望八陣圖遺址

新都縣題楊升菴先生故宅

閬中懷沈繹堂

懷汪鈍翁

懷曹顧菴

防秋

王氏詩集卷之三
登成都西城樓望雪山

金方伯邀泛浣花溪二首

九日謁昭烈惠陵

武侯祠別鄭次公水部

金花橋道中作

雙流縣

新津縣渡江

修覺山下

眉州謁三蘇公祠

雨發

眉州松江

夾江道中二首

九盤望峨嵋

竹公溪二首

入嘉州卽問丁東院無知者過高望山趾廢寺鄭
生曰丁東寺也訪方響洞尚存感而賦詩

登高望山絕頂望峨嵋三江作歌

三登高望樓作

曉渡平羌江上凌雲絕頂

漢嘉竹枝五首

犍爲道中

犍爲縣

敘州鎖江亭晚眺

江安縣

清溪

江陽竹枝三首

敘州流杯池瀘州使君巖皆山谷先生舊遊都不

及訪悵然賦此

合江縣

合江早發

西涼神祠曲

王氏詩集卷之三
登成都西城樓望雪山

金方伯邀泛浣花溪二首

九日謁昭烈惠陵

武侯祠別鄭次公水部

金花橋道中作

雙流縣

新津縣渡江

修覺山下

眉州謁三蘇公祠

雨發

眉州松江

夾江道中二首

九盤望峨嵋

竹公溪二首

入嘉州卽問丁東院無知者過高望山趾廢寺鄭
生曰丁東寺也訪方響洞尚存感而賦詩

登高望山絕頂望峨嵋三江作歌

三登高望樓作

曉渡平羌江上凌雲絕頂

漢嘉竹枝五首

犍爲道中

犍爲縣

敘州鎖江亭晚眺

江安縣

清溪

江陽竹枝三首

敘州流杯池瀘州使君巖皆山谷先生舊遊都
不

及訪悵然賦此

合江縣

合江早發

西涼神祠曲

棹歌

渝州夜泊

題三忠傳

塗山絕頂眺望

舟出巴峽

長壽縣弔雪菴和尚

涪州石魚

壤塗早發

萬縣有感

岑公洞

雲陽縣

晚登夔府東城樓望八陣圖

灤西謁少陵先生祠五首選二

登白帝城

謁白帝城昭烈武侯廟

巴東秋風亭謁寇萊公祠

抵歸州

歸州書感

秭歸夜泊

新灘二首

空舸峽

黃陵廟二首

登蝦蟆碚

十二碚

抵彝陵二首

西陵竹枝四首

歐陽公絳雪堂

荊州懷古

黃叔度墓

漢江望鹿門山

習家池

襄陽口號

峴山和孟公韻

劉景升冢

大堤曲四首

估客樂三首

新野道中

南陽

過長沮傑溺耦耕處

葉公祠

望石門山高鳳隱居

襄城道中

拜李元禮墓

潁亭

滎澤渡河

渡河西望有感

新鄉望蘇門山懷孫鍾元先生

卷之七

古近體詩九十六首

寄東癡

七月廿一夜雨哭長兄

輓姜貞毅先生

過念東先生兼贈唐濟武太史五首選三

江正鹿角膠墨

謝施愚山寄敬亭茶著書墨四首

漫興十首

秋日過子吉讀書齋有懷茗文

謝孫思遠送茶笋

戴嵩牛圖

用東坡先生清虛堂韻送黃無菴僉憲歸甘肅兼

寄許天玉

同湘北子端二學士子吉侍讀登慈仁寺閣再用

清虛堂韻

通州水月菴三用清虛堂韻

陳真亭僉憲殉節詩

楊茶菴僉憲闔門殉節詩

劉富川江屏殉節詩

蘭谿丞徐君殉節詩

定邊堡守備劉君夫婦殉節詩

贈郝侍御二首

秋夜同容齋說巖二學士聽楊山人彈琴

與曹升六舍人食蟹

雜感四首

送嶽生都諫休沐歸渭南二首

用韻荅別容齋說巖二學士訢菴侍讀

阜城感僞齊劉豫作

過古城

五君詠

西堂甘橘初熟招東癡二首

趙北口作

雪中送酒與東癡二首

題黃鶴山樵畫卷

朱璧揭鉢圖

臘月六日大雪遊兔柴登西佳樓

雪中登黃山

贈南村張處士二首

呂忠節公輓詩二首

張友石戶部得雷氏琴

送許竹隱之紹興三首

贈葉井叔三首

展子虔高歡歸晉陽圖

吳道子鍾馗小妹圖

沈周秋林讀書圖

移竹戲題

雷雨

句龍爽蠟屐圖

題畱仙然竹集卻寄

夢中作

聽張晴峰員外彈琴

招魂

詠古二首

秦中凱歌十二首選六

寄汪鈍翁堯峰隱居四首選二

題汪季角百尺梧桐閣卷二首

再題梧桐閣卷

聞季角言平山堂已修復賦寄豹人定九孝威舟

次

和曹陸海舍人壽良懷古二首

卷之八 古近體詩七十四首

仇英九成宮圖

腳痛

牛捕魚追述淮上所見

悼亡詩三十五首選十六

北山兄約遊摩訶菴不果往卻寄

聞方山與北山諸公連日出遊戲寄

曹升六謝千仞攜酒過飲宋牧仲張杞園亦至同

賦長句二首

又賦絕句

曹正子邀同家兄子側及諸君豐臺看芍藥晚過

祖氏園亭八首選五

秦鏡詞爲袁松籬作

送韓武康

黑兔

與董蒼水彭駿孫小飲子吉學士齋同限箇字寄
諸乾一進士
友人送白蓮花爲詠

張晴峰員外園亭聽金山人彈琴同詠菴學士北

山都諫作

送浦潛夫

文姬歸漢圖

西蜀

送蒼水入閩同詠菴限韻

哭劉公戡吏部

送洪昉思由大梁之武康

座中聞陶季江辰六詠洞庭詩并話湖南山水二

首

賜貢茶三首選二

賜櫻桃漿

大西洋貢師子歌應制

寄竟陵吳旣閑兼懷胡君信二首

蘇門三賢詩

有序

藝圃雜詠十二首選七

爲姜學在賦

陳其年索詩送王生之襄陽

題毛會侯垂竿圖

王咸中石鵑山房四首選二

送宋牧仲員外權贛州四首

荅徐東癡隱君小雪見懷之作

同施愚山陳謁公集山史從兄昊天寺寓觀唐子

華水仙圖

題龔節孫種橘圖二首

送陳子萬之黎城丞二首

題喬子靜桃花流水圖

卷之九 古近體詩一百十二首

二月二日大雪晨起懷愚山淵公耦長

雪中簡對巖

荅愚山耦長西山見懷之作

同楊爾茂富磐伯兩宗伯李湘北閣學張素存宮

庶從兄信初侍御遊摩訶菴二首

送吳僧尚德歸堯峰

雨後出西郭懷冰修子湘耦長

被園偕隱爲沈鳳于賦

見李武曾樂府後補題愛其工絕隲括詞意成五

絕句

題子綸漪亭讀書圖

送吳天章歸中條山六首選二

送孫豹人授正字歸廣陵

顏脩來吏部寄孔廟碑十二種

題顧樵水畫宗定九詩意

左安門外讀宛陵先生詩卻寄耦長

午食得鱸

早過洪太常水亭訪丁武選不遇

寄牧仲贛州

午睡

月夜冰修子湘耦長見過同做宛陵體三首

愚山侍講送敬亭茶

戲題兩髯行後贈其年子湘

送姜西溟歸慈谿

得陳子文書兼知天章消息

寄青浦丞李青立

題元氏長慶集後

送冰修歸海昌兼寄朱人遠二首

陳其年簡討見和綠雪之作復遺芥茶一器索賦
詩

送葉井叔歸樊上六首

送邵子湘之登州

讀馮圃芝餘事集因題天章還山詩卷

和田子綸郎中移居

題鈍翁洞庭詩後

風氏園老松

寄山史從兄兼懷陳藹公

問鈍翁編修疾

又戲呈二絕句

健松齋詩爲方渭仁編修賦

爲愚山侍講題蓀友簡討畫用韻

送鄭郎赴粵西幕府

謝耦長送木瓜

賈兵部改中條別業爲巢雲菴索賦二首
爲尤展成簡討題耦長畫

聞奮威將軍保寧大捷喜賦

近有

喜聞官軍已復保寧

同愚山侍講弘衍菴看海棠柬耦長四首選二
健菴宮贊送金陵伊氏扇

盆魚

送張仲誠知資縣

東丹王射鹿圖念東先生席上作

題耦長畫寄千峰轉運二首

李渭清簡討以龍鬚二莖見贈來書云有風鬟霧鬢之態非火鬣朱鱗比也戲報長句

齋中三詠

題吳漢槎秋笳集

劉子端舍人惠琴魚

瞿山畫松歌寄梅淵公

送同年伊翁菴中丞開府雲南二首

雨夜再題瞿山畫松

供奉某君歸吳門索詩五首選二

進馬

聞蜀警懷茂衍大參

不得宋荔裳紀綱入蜀接取妻孥消息

聞官軍復瀘州

王氏漁洋言金目
爲山長從兄題耦長雜畫三首

蔡圖爲牧仲郎中賦

送侯大年歸嘉定

送楊岱楨侍御赴宣鎮

王若水古木鳴禽圖爲子昭郎中作

送袁士旦之玉田

寄唐濟武太史

送李松客令高淳託訪詩人邢孟貞遺集

懷崔不雕

荅汪扶晨

送念東先生予告還山八首選四

再送念東先生八首選五

荅冒青若兼寄巢民三首

傅青主徵君寫荷竹見寄奉荅兼懷戴楓仲

聞貴州大捷寄蔡尚書 送吳園次湖州太守

卷之十 古近體詩一百一首

初拜國子祭酒釋菜太學作

行玉河上懷故鄉有作 何處故鄉思二首

有序

給事幼華弟屢寄新詩題卷後

繪川書院詩二首爲侍講湯荆峴先生賦

後湖卽目 早入瀛臺作

寄金穀似讀書玉泉 城西一首

湘水行送良輔宰零陵 題王安節小畫同子側

竹閒螢火同子側

輓伊翕菴中丞四首

羅塞翁猿圖

立秋日雨中用樂天韻

贈許生

送湯荆峴侍講使浙江

七月二十一日瀛臺

賜宴恭紀六首選三

送元式歸崑山

雨中懷兄子側往津門

中秋後得富順范生嘉州帥生書知其陷賊不辱

僞命遂有是作

送李生茂斯重赴宣鎮幕

寄李鄴園尚書二首

哭兄東亭先生四首選二

慟哭

遂安毛貞女詩

十一月十八日紀事

和徐健菴宮贊喜吳漢槎入關之作

臘月六日雪卽事

吳孟舉奇宋槧徂徠先生集羅小華墨

送汪舟次史林石來舍人奉使琉球六首選三

上陵歌五首

鍾山司業見過述芳山幽居之適尋以山僧所送

芍藥分餉賦謝一首

戴氏鼎

多父敦

雨後至天寧寺

幼華給事招同愚山健菴大可舟次季角集祝氏

別墅

戲示老圃

摩厓碑

滇南凱旋歌六首

定武蘭亭跋尾二首

朱浙清明河上圖二首

感懷西樵東亭兩兄寄禮吉什兄

秋杪獨遊善果寺感懷亡友華文敏公

聞陳子文轉餉入蜀

送虞虞山通參予告歸雲南

元祐黨籍碑

輓陳共年簡討

牛孝標寫柴門深竹圖見贈

冬夜詠說巖翰長貽詩感舊賦懷兼呈容齋侍郎
贈趙大理聲伯

題張杞園浮家泛宅卷三首選二

送孫子立編修周星公禮部奉使安南二十四韻

玉泉

鄆人王明府十洲酒閒述漢陂高冠潭石淙之勝

因賦二絕句

爲高澹人侍讀題匡堰草堂圖

興州

古蹟三首爲岳給事賦

有序

嚴人弘寫碧山吟社圖題詩畱別用韻送之

懷山長赴澄海令

樹百軒前小山成

送黃自先之官平遠

過宣城館有感

賦得滄浪亭送九悔菴簡討

牧仲寄示秋日巡海雜詩

與趙秋水話申鳧盟遺事感賦

戲書屏風絕句

輓孫子立編修因懷愚山侍讀

雪中靈轡道人同楊水心見過

題趙伸符編修寫真

筵上贈周卽墨岷公

雪中聞東癡先生歿於德安二首

憶山居示兒子

題樊圻畫爲紀給事

卷之十一 古近體詩一百六十四首

雄縣道中雪

任丘憩李性符東園同澹心賦

從山公乞滄酒

趙簡子渡河處

德州蒼山公通政畱別之作

恩縣

在平懷古四首

望小洞庭

東平思王墓

東平憲王墓

王氏清江詩集卷之三
大雪次汶上題路氏北堂壁

少陵臺

雪後過嶧山

昭陽湖

荊山口待渡

徐州渡河

彭門懷古八首

宿州東門道曰汴堤古隋堤也作隋堤曲

臨淮

崔白濠梁人賦詩弔之

梅心驛南作二首

將至桐城

雨中過陳默公滌岑

張敦復宗伯招飲新齋感舊兼寄說巖都憲

潛山道中雪

自沙河至唐婆嶺卽事

龍山晚渡

張睢陽廟

除日宿松道中

下五祖山

大雪渡潯陽江

琵琶亭晚望

入廬山口號四絕句選二

自蓮花峰下至東林寺

石門澗

圓通寺示杲菴禪人

歐亭

蘇亭

登石亭寺釣天閣

樟樹鎮王文成公誓師處

峽江縣

吉水道中望楊誠齋故居

吉水絕句

泰和夜泊雷雨

萬安道中

十八灘三首

阜口雨泊

梁口

攸鎮雨泊

黃金洲見桃花

贛州謁王文成公祠

同丁鴈水僉憲登八境臺三首

題鴈水篋園

南康縣

題南安寶界寺

大庾嶺

張文獻公祠

紅梅驛

始興江口

韶石

彈子磯

觀音巖

潯江

峽山飛來寺

半山亭

抵清遠

南海神祠

登浴日亭

與諸公集光孝寺

蒲澗寺贈范公

濂亭寺

登粵秀山

歌舞岡

廣州竹枝六首

僞漢劉龔冢歌

羚羊峽

七星巖石室

上屏風巖磴道未及霄關而返

登閱江樓二首

重遊飛來寺

黃石磯夜雨

大廟峽

大廟峽寄黃庭表太史

十五夜峽口對月寄廣州諸故人

雨入湏陽峽

湏陽峽

歸度大庾嶺

抵南安

舟入雙牌峽

贛州別鴈水

吳城登望湖亭寄周南康星公

鄱陽湖舟中望廬山

與豹人星公往白鹿洞次迴流山

自白鹿洞至三峽澗

三峽橋

玉淵潭

栖賢寺

彭蠡守風送豹人往南昌

開先瀑布

萬杉寺

佛印松

招隱橋

南唐元宗讀書臺

青玉峽

王文成紀功碑

大孤山

卽事二絕句

江上看晚霞

皖城懷古四首

泊夏家口二首

曉望銅官山

荻港

三山磯

蜺磯靈澤夫人祠二首

江行望識舟亭

天門山歌

采石太白樓觀蕭尺木畫壁歌

然犀亭

蛾眉亭

烈山

石城橋示倪鴈園太史

江浦道中田家

雨過醉翁亭

望琅邪寺

晚至豐樂亭

西澗

清流關

符離

雨中渡河望黃樓

嶧山卽事

大汶口

奉符古城

徂徠山

楊家碛

甕口峽

大洪泉

卷之十二 古近體詩一百十八首

過丁香院訪張杞園不遇題壁

爲朱悔人題王叔楚畫竹卷二首

題汪舟次乘風破浪圖四首

將乞假歸省批家書尾示兒凍

訪賓公大谷山居 柳菴同賓公寶菴作

題張賓公采芝山堂

王氏源流言金目三
長白雜詩八首同賓公作選五

宿唐濟武太史志壑堂卽事

戊辰人日雪行華山下作

趙北口

歸經鵲華二山閒卽目

女郎山

許山舖

嘯園詩十首

戲書蒲生聊齋志異卷後

題查夏重蘆塘放鴨圖四首

題張力臣寫真二首

題沈客子林屋幽居圖五首選三

寄題念東侍郎載酒堂 追和徐東癡釣臺懷古

憶石帆亭寄兒涑汭汧四首

題趙松雪畫羊 寄題念東先生松巢

玉峰相公齋中蕉花開索賦六首選四

浮梁令介初兄輓詩

五月初七日雨中瀛臺啓事

初八日晴入瀛臺再成 荅陳元孝寄懷之作

趙伸符宮贊書來云秋雨霑足山泉四溢臨流坐

石日誦莊騷賦寄三首

小憩高梁橋

三民詩話卷三
寄懷尤悔菴太史四首選二

題姜西溟洞庭秋望圖

米海岳研山歌爲朱竹垞賦

再題研山絕句示竹垞

題河梁圖送俞蒼文歸雲閒

題魏禹平水村圖四首

題朱竹垞雪景寫真四首

題竹垞小長蘆圖卷三首

對雪懷吳天章徵君趙伸符宮贊

謝盤山拙公惠芝

送方位齋出守登州

冬日出署戲作

題羨門閣學采藥圖

送張寶菴宰新野

送李伯含郎中出守都勻六韻

送劉君宰建德

東陳藹公於昊天寺

送陸次公判撫州兼寄牧仲中丞

退朝雪中懷拙菴禪師

題畫龍虎二首

聞滕王閣落成寄宋二牧仲開府

遙題牧仲煙江疊嶂堂堂在北蘭寺

題張敦復大宗伯賜金園圖

寄題齊河王氏園

和趙伸符宮贊寄洪昉思絕句

汪子鼎寄始信峰草堂志

送吳商志之大梁二首 烏目山人歌贈王石谷

得同年張蔚生郡丞書

石谷與門人合寫谿堂詩思見贈題其上

爲王令詒題松南柳磯圖二首

悼亡詩十二首選七

文華殿大學士吏部尚書諡文襄鄴園李公輓詞


四首選二


題牧仲中丞述鹿軒詩卷二首

寄荅余澹心

甲戌除夕前二日雪集姜西溟吳商志蔣京少查
夏重宋山言周策銘殷彥來分賦得錢思公

王氏漁洋詩鈔目次終





PL
2732
. B56
W3
11.2
王氏漁洋詩鈔卷一

寄趙子

日落揚子江江上丹青樹寒雁下蕪城遙山隱瓜步天
末懷佳人前期邈煙霧

寄任同年

陽羨六斑茶蘭陵十千酒古來佳麗區遙當五湖口君
家罨畫溪花竹使人迷牕內溪流滿雲中煙樹齊我家
東海漵不識吳中路昨日懷佳人夜夢江南渡彷彿渡
江船見子滙湖邊飄搖碧雲裏嘯傲青峰巔憶昔燕山
別楊柳花如雪望遠抱遙悲傷離紛暮節邇聞顧丹陽



騎驢來帝鄉禁樹啼鶯合御河春草芳扶風門下客半
在江南北倘過黃公壚裴徊定相憶都城三月時楊柳
又如絲應有南來使瑤華當見貽

清明後三日鄒平西郭賦詩

雨歇西原上鶯花事事妍青山環縣郭白鳥破溪煙墟
落明流外園林霽景前永懷蘭渚客行悵暮春天

宿大谷山房曉起卽事

草堂今夜宿清夢雜諸峰不辨羣溪響遙傳何寺鐘春
禽喧磳戶涼雨滴杉松猶有前山約煙中好曳筇

生生菴僧爲恆禪師乞銘

白鳥破山翠宛然開士居溪痕侵佛座樵路逼僧廚籬
引羣峰入林傳遠澗虛那能石城墓不作道衡書

栗溪往柳菴溪路中作

遙望千峰合依然一澗通修林皆窈窕環渚亦玲瓏山
鳥名難識哀泉聽不窮豈知精舍近猶隔虎溪東

柳菴曉起同徐五東癡飲溪中作

清夢失山曉啓牕朝日東諸峰亂蒼翠巖壑光瞳矐振
衣出危橋晞髮臨清淙旭光射迴泉漾若盤螺空曲岸
蔭喬木懸磴披幽叢淡淡流白雲習習來谷風俯玩羽
觴流石罅參差逢素鮪映沙石悠然明鏡中遐思永和

遊母乃古今同

自石橋尋黛溪遂至摩訶峰下

日落山氣涼清流自迴轉窮源不知勞漸忘溪路遠幽
石各奔峭修樹亦婉孌遙睇徑難測迴矚途屢變寂歷
衆山響蕭條晚風善微徑暮樵出懸崖歸鳥見須臾夕
霏收殘陽四山遍新月忽清揚餘霞自舒卷稍覺葛衣
輕幸藉孤筇健平生丘壑人茲言庶能踐

由榭山入雞山夜自溪路中歸坐無上人山場作
西登榭山巔遙望雞山足崇岡帶迴谿竹篠森相束斂
屨下靈壑振衣陟高麓險逕非術阡幽懷玩空曲奇石

益妍妙古花發春綠向背無端倪纏綿屢迴複日落空
靄集山火自相屬路暝失來蹊巾裾亂藤竹屐聲鬪石
齒鳥路入窮谷風葉恐夕心攀林識遙陸遂逢虎溪僧
共坐青溪澳夜寂泉更響月出山如沐明星錯迴巒微
雲映溪穀印臺儼北望犁箭麗南矚東眺象山峰蒼翠
相斷續誓隱懷五鳧談禪喻九鹿殘月聞清鐘卻就支

公宿

印臺犁箭
皆山名

醴泉寺高閣瞻眺有懷范文正公

風雨湖上來蕭條灑飛閣殷雷起眉際極目窮寥廓遙
天壓煙水空濛氣磅礴大澤盤蛟龍斜風偃鵬鶚卻眺

三日游詩金卷一
鴻濛中日光遠迴錯草木暗四山急淙鳴萬壑悵然思
古人大雅何時作

藤花山下

麥隴參差碧岸頭藤花山下晚風秋一時殘雨兼虹盡
百道清泉入澗流

書堂

絕澗已千仞磴道仍九盤直上若懸溜縵屬勢難安右
顧踐鹿跡左顧憑鳥翰日落空山中蕭然風氣寒精舍
壁閒出洞門天際看奇石壓巖戶孤立何巒岈突兀拔
澗底窈窕凌雲端入門渡飛梁傍夕聞驚湍幽軒宛初

構几榻皆峰巒頗意雷雨時雲氣生戶閒諸天發鐘磬
星斗方闌干惆悵此靈境畢然懷懶殘

復雨

花枝濛濛日將暮颼颼涼颼起庭樹雨腳射地晝陰晦
急溜鳴簷不知數連年左輔嗟大無有蜚多糜仍屢書
良民重累背鄉縣姦民攻剽成萑苻天南干戈未寧息
男罷農耕女廢織長沙江中多戰船祝融峰頭尚兵革
羽書日日下山東秭秭轉輸動千億苦竹黃楓猿晝啼
舟子征人少顏色掘冢鑄幣旣不能展轉呼天猶力稽
今年稍稍宜雨暘黍稷撲撲稻葉長長官鞭朴那敢避

努力公家輸酒漿

和窟室畫松歌

孫黃門家園今爲林氏別墅石几上有黃門畫松歌頗極奇偉乃和之

黃門園中有窟室背枕亞祿山名臨滄溟石壁磊砢一千
丈入眼髣髴生精靈橫壁老松誰所作海風怒攫山欲
傾盛陰五月凜霜雪怒姿萬變盤雷霆疑是溟渤含日
氣不然天上來星精我來盛夏變冬序白晝慘淡生晦
冥顛毛亂指舌上擣寒肌起栗心骨驚上下蒼茫有神
鬼左右騰跳飛颺颺江南吳生昔爲此一下筆皆龍
形昔者吳道子畫壁天宮寺將軍劍舞何蔚跂興酣筆
落氣磅礴萬夫動色嗟神異吳生畫松已百載鐵幹霜

皮終不改南榮曝背亦吾儔
偃蹇龍鱗好相待

石龜行爲內叔長白山人賦

長白山人何經奇等身萬卷酒百鴟
西京古碣手自搨汲冢殘書無不窺
城霞閣高一千尺牕底青山日畱客
顰蹙不數思陵藏奩罍盡飽先秦色
中有石龜最奇絕雷文屈曲蚪螭結
鸞迴鵠顧疑鬼工坼背皴鱗宛鏤鱗
左右撲朔短脰蹲古苔猶帶僂句痕
于闐綠玉琢不就隴西魚龍差等倫
紺紫純尼映璫路半尺錦囊寶光聚
靈姿未入山陰譜妙質定許任城賦
山人太息爲余言此物尚識崇禎年
白頭老璫賣都市飄零不直千銅錢

已失復得何倉卒神物由來不輕出更乞公家白石琴
流玩花前破愁疾

石琴亦公
家珍物

雨止

碧漢歇微雨美人橫素琴
牕前明月影洞口綠蘿陰
丘壑結遙想茅茨清道心
稍聞西澗水寂歷響空林

夏日侍雨大人遊南園

長夏氣清和鳴鳥響林木
時復巾我車駕言越川麓
曲徑隱茅茨水茭雜修竹
歡宴侍二人琴書宛家塾
是時微雨收高原遍禾菽
溪流亂榕葉池聲靜幽谷
斜景染疏峰煙臯漸微綠
屈指當秋成田家酒應熟
貧賤多好

懷素心良已足

養馬行

建旗臂隼號一萬爲馬大小九倍之碧眼駱駝足千里
此軍云是舟山師濟南城西駐大帥秣稭芟芻日三饋
三十二縣何苦辛昨朝兵去蝗旋至

周文矩莊子說劍圖

後有董宗伯書
說劍篇及小跋

古今人物誰第一晉有衛協吳曹興南唐周生更奇雋
行筆瘦掣姿峻嶒此圖在世踰千載墨光黯淡生光晶
君王隱逸各有態蠶絲煙篆交迴縈目瞋鬢突五劍客
短後之衣曼胡纓二人旁立目左顧劍如星日光縱橫

昂首右顧者三士二人按鐔神欲生一人拔劍作虎步
怒如截兕吞長鯨使筆如劍劍氣出此公無乃能鐵兵
莊生說劍固豪快十步千里無畱行千年奇論佐奇筆
揮毫潑墨皆飛鳴雲閒墨妙更適絕鍾王腕底紛鬪爭
自云昔見吳興書說劍恨不作圖雙妙并今逢此卷信
神物又恨作書非趙卿徘徊三歎出金石煥然妙蹟如
神明我聞周生妙得後主作字法秋胡謝女風格清秦
淮花月汴京土感此傷人今古情

宣和御藏文矩有秋胡
故實謝女寫真等圖

七月廿七夜雨聞牀下蟋蟀

夏閏涼偏早秋初氣已深西堂聞落葉又聽暮蛩吟和

雨侵燈暗餘哀入壁沉流黃機上婦爲爾罷寒砧

阮亭秋霽有懷西山寄徐五

孤亭新霽後藤竹夜涼生忽憶西峰寺曾經采藥行夕
陽雲木秀秋雨石泉清不見煙霞侶相思空復情

南唐宮詞八首選五

內苑年年試揀芽滙湖陽羨味無加後宮近日添新貢
別尚松溪的乳茶

曾邀醉舞媚君王鬢朶珠翹別樣粧紅燭當筵新破就
更將金屑譜霓裳

簾錦鸞綾萬卷殊澄心堂裏皂羅廚保儀玉貌空傾國

三
妙選深宮但掌書

御溝桃葉水潺潺姊妹承恩并玉顏
花底自成金葉格
宮中齊唱念家山

花下投籤漏滴壺秦淮宮殿浸虛無
從茲明月無顏色
御閣新懸照夜珠

許山道中

澤國晨涼宿雨餘秋聲四起客懷孤
寒山歷歷聞秋雁
遠水蕭蕭響斷蒲

秋日漫興四首

露下秋高蕙草摧楚人搖落感恢台
猿啼白帝江聲合

雁入蒼梧木葉哀海氣不分韓信壩朔風如近李陵臺
清商慷慨燕歌發潦倒吾廬濁酒杯

秋來日日報烽煙楚塞風高羽檄傳飛曠衆軍全出甲
熊湘千里盡開邊中原鳥鼠多空壘江介鷄鷄少鬪船
戰士只愁輸輓竭大農早計水衡錢

之萊形勢至今存潮打秦皇舊石罇士馬防邊猶越舊
樓船飛渡已津門關城貂錦秋風暖海嶠魚龍白日昏
左輔祇今憂不細島田十萬恐成屯

千年東冶襟喉地蛋戶徭人指顧閒但有戈船橫荔浦
豈無精甲阻黎關鑿空未見張騫入賜印虛傳陸賈還

桂蠹文犀他日事幾時庭實慰天顏

冬日睡起思以新春踐吳中故人之約戲成

八尺湘藤晝生縠翡翠翎橫研山麓碾茶汲雪清夢回
定州花蘂過寒玉江南溪山諾已宿入夢時時感幽獨
春風花鳥落帆亭好著蜻蛉破江綠

冬日偶然作八首選五

北風三日雪陽溪成堅冰衆泉亦不流雪竇紛微明澗
道晝寂歷亭午無樵聲向日開南牕散書臨前楹饑鳥
啄堦粒馴人不復驚靜坐巖戶閒紛紜觀物情觀物卽
觀我忘機自沉冥

舊買捲角特近買千金牯毛角雖不同頗復能俊快夜
縮啣霜草晨媵臥煙稗寢訛就風日逍遙謝瘁疥聊此
冬日閒忘彼三時憊蚩蚩千里駁瑩蹄可爲戒

太史下蠶室坎壈誰見知發憤傳貨殖千古同悲噫郭
縱出鑄冶翁伯起販脂灑削旣鼎食胃脯亦連騎志士
守蓬蘿不如交馬醫索帶披敝裘不如規魚陂

阿瞞有才子懷抱羅春雲飛翰一絕跡超然離垢氛展
巧試作劇邯鄲歎天人傅粉復袒拍擊劍如有神胡舞
五椎鍛逸氣凌衆賓馳突窮古今妙義縱橫陳劉楨賦
公讌王粲歌從軍奴輩苟容媚呖訾安足論

玉田詩集卷一
九
吾家有方平雅志托林壑拂衣早歸耕貂裘行採藥卜
築沃川墅垂釣上虞郭邈矣孔阮儔遐哉箕潁樂瑯琊
多龍鸞羨此雲中鶴

雪後眺望

曉日上寒洲行人東渡頭諸峰照晴雪山樹夾清流淡
碧參差沒空青遠近收何當黃鶴手潑墨記同遊

寄榮大洞門青州

楚江黃橘金不如吳山楊梅如貫珠青州五月來禽熟
光福龍洲甘作奴

夜行澣山道中口號二首

遠浦堅冰後蒼山微月初
茆茨寒不啓慘澹語鵓鵲
南望醴泉山范公棲隱處
積雪滿西溪何人夜來去

春不雨

西亭石竹新作芽遊絲已
冒櫻桃花鳴鳩乳燕春欲
晚杖藜時復經田家田家
父老向我說穀雨久過三
月節春田龜坼苗不滋猶
賴立春三日雪我聞此語
重歎息瘠土年年事耕織
暮聞窮巷叱牛歸曉見公
家催賦入去年暘雨幸無
愆稍稍三農獲晏食春來
穀賤復傷農不見饑鳥啄
遺粒卽今土亢不可耕布
穀飛飛朝暮鳴春草作飯
藜作羹吁嗟荆益方用兵

張忠定公長羨莊別業三首選二

卽麗注
魚子水

選勝來幽墅探奇問水經月河千曲瀨魚子一拳亭竹
翠當杯合山嵐入座青麥風長夏裏秋氣已冥冥園有亭
名魚子
幾曲通袁水沿洄直到門偶來石鏡裏獨坐聽潺湲返
照莓苔冷微風竹樹翻清音遲眺聽山水欲忘言

葯圃二首

高閣望雲峰危欄俯煙浦支謝盡名流蕭然問漁父

岸上
舟

環眺已皆山天水復清曠微雨山中來晚涼生水上

曠哉
亭

蠶租行

丁酉夏有民家養蠶質衣釧鬻桑而催租急遂
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日徧簾篠

一解

東鄰有少婦養蠶方一壠夜夜伴蠶眠桑葉恐不周

二解

朝出南陌頭倚倚望桑柔亦不見桑柔堪子醉鳴鳩

三解

歸來見蠶饑徘徊當奈何脫我耳邊釵鬢我嫁時襦

四解

阿夫持襦去里正持符來漢中索軍租不得還顧私

五解

里正且上坐黽勉具晨炊但緩一月餘蠶成賣新絲

六解

新絲亦難賣新穀亦難收不見馬上郎雉尾紅錦裘

七解

再拜謝里正丈人且旋歸鬻我嫁時襦脫我耳邊釵

八解

蠶應黑瘦盡軍租持底當痛哭視孤兒畢命朱絲繩

九解

阿夫還入門不復見故妻生既爲同衾死當攜手歸

十解

寄李仲嘿京兆武林

第四橋頭裊柳絲
扁舟常醉水仙祠
鐵崖去後風流絕
誰向西湖唱竹枝

和家兄蠡勺亭觀海三首

春浪護魚龍
驚濤與漢通
石華秋散雪
海扇夜乘風
徐市荒唐後
秦臺滅沒中
扶桑試晞髮
朝日萬山紅

歸墟吞吐處
終古混虛無
日月光何極
乾坤氣盡孤
樊桐天帝宅
扶木羽人都
搔首窮寥廓
青天但一隅

吾廬臨少海
及此更空蒼
飛觀圖雲氣
靈槎著日旁
十洲真浩渺
六博足翱翔
乘躋何年去
重來覽下方

秋日遊華不注明湖酌突泉諸名勝仍用清波收

潦日華林鳴籟初爲韻十首選四

華注削寒碧日入風景清倒影散平楚翠色連州城花
萼跼明水虎牙刺空青安得白鹿翁從彼昇天行

層臺蔭華池蕭晨展遊眺明玉何亭亭水泉復瀟照岱
陰多伏流灤源更清峭誰能結漁菴坐學桐廬釣

西望亦有嵒東望亦有華兩峰鬪蛾眉明湖如絳紗司

徒泣楓影滄溟悲藕花李駒與邊習千載令人嗟

習字仲學華泉

子能詩有父風

名士軒中臥水西亭外漁菰蘆風日好枕簟復觀書壁
上水田服人閒開士居鉤簾一西笑睂際落金輿

名士軒水西亭

皆在明湖有子瞻
子由子固題詩

懷古詩三篇

魯仲連陂

七雄旣龍鬪陳寶歸嬴秦師出函谷關六國咸逡巡邯鄲日夜急咄嗟誰解紛蕩陰師旣頓新衍謀豈倫先生畫奇策長揖平原君僕妾愧萬乘大義明君臣縱橫數千言顧卻虎狼軍功成不受賞飄然歸海垠蹈海旣高義肆志寧辱身至今齊趙士倜儻希清塵我來古陂上遺祠蔓荒榛甃道竄蒼鼠天風吹白蘋緬懷田巴語景行跂千春

王逸詩餘

王漁洋詩鈔

顏觸墓

末世寡尚志薄俗希乘軒豈不貴纁帛形役神不全吾
高顏夫子抗節藐齊宣鐘簴寧足論殿上呼王前晚食
與安步詎以榮利遷監門良自賤趨士理亦賢俛仰二
千載弔古悲荒阡墟墓絕樵採清風激頽頑古道邈難
作悲哉東逝川

轅固里

漢初尚黃老儒術闇不章齊魯誕諸儒五經如載陽遐
哉清河傳卓爲羣倫倡抵掌論湯武大義非荒唐曲學
誠孫弘微言詒后蒼訓詞列學官星日同琅琅我生睽

千載桑梓寧異鄉寤寐思哲人流風一何長生慚齊魯
學私淑附師匡

贈汪大茗文

玉泉山下花欲飛潭柘菴邊鶯亂啼故人三年復相見
贈我懷中瓊樹枝回首春風與君別官楊馳道千絲結
石湖煙水幾春秋胥臺雲樹遙明滅君今詞賦滿當時
我亦浮沉倒接羅但成騎省閒居賦好遣天涯倦客知
贈程五周量

我聞羅浮三千六百丈峰巒拔起朱明天黃猿白鶴去
不返麻姑遺跡今依然又聞西樵突兀出海底驚瀑下

與洪波連程子亭亭秀南海結廬正在羅浮巔金橙桂
子散秋色璽瓏萬樹搖風煙濯髮欲泛溟渤去讀書自
抱雲霞眠一朝上書動天子上林筆札人爭傳山鬼竊
窺歲旣宴翩然挂席滄江邊七載相思一傾倒雄談岸
幘如飛泉我今荷衣正憔悴有文百軸誰當憐卽君聲
名滿天下袒褐徒步猶迍邐吁嗟乎男兒結交貴意氣
錢刀馳逐胡能然何當從君羅浮乞數椽共卜茅茨傍
花首青羊作御時周旋

慈仁寺雙松歌贈許天玉

我昔登泰山舉手攀秦松東南雲海幾千里夜懸日氣

開鴻濛山人出山已三載復見金元雙樹在攬髯石骨
青銅姿古貌荒唐閱人代長夏蒼蒼秋氣深風來絕磧
蛟龍吟仙人五粒不可見但有玄鶴飛陰森蚴蟉詰屈
宛相向千曲盤拏氣初放一任支離拔地生那須天矯
排雲上我來高枕石壇邊耳畔往往聞驚泉白日沉沉
不到地颯然雷雨生空天煙色欲暝鐘復起雄談岸幘
波濤駛千秋萬歲知者誰聞海奇人許夫子

劉石潭舍人爲書古詩十九首作歌

昔有羽人王次仲始變古隸遺秦皇鴻濛不復蒼頡祕
至今二翮猶昂藏東京之末誰擅塲仲將筆法傳中郎

中朝風流逮江左千秋此道歸鍾王唐宋元明歷千載
吾子突起雄豫章孟津大名動天下偏師摩壘來相當
方今天子好文藻蘭亭古本千金裝羨君高步登明
光御屏一灑千百行玻璃妙硯犀象管賜來天上神飛
揚三年一別顏色改重逢燕市多感傷請君爲寫十九
首雲鴻天際紛翱翔辰韓白碯玉爲色上黨碧松蘭作
香雞林重價購不去光華夜夜騰空囊酒酣更乞寫三
百直將筆力窮周商

都門竹枝詞八首選五

都人夾道看龍旂戰士投戈盡錦衣更道縣官新賜第

東華門外義王歸

西勾橋上月初升西勾橋下水澄澄綺石迴廊都不見
遊人還問米家燈

曾向西山見蹙凌于闐白玉色峻嶒櫻桃已過茶香減
銅梳聲聲喚賣冰

玉水輕陰夾綠槐香車笏轎錦成堆千錢更賃樓牕坐
都爲河邊洗象來

七夕針樓看水痕家家小婦拜天孫明朝得巧拋針線
別買宣窑蟋蟀盆

十五日與茗文周量天玉妃瞻遠侯家兄北山坐

雙松下待月作

今夜碧天月何似山中時
山中流泉動石壁飛灑萬古
青松枝醉聽泉聲臥松杪起當山月吹參差自遊京洛
忽徂夏山人怪我歸何遲玉壺有酒更嘉客良夜爲君
斟酌之螢火流光出深殿仰看星漢光離離眼前松月
況如此散髮從君歌采芝

洗象行

水關蒼蒼柳陰碧寶馬流蘇紛絡繹日中傳呼洗象來
玉河波射珊瑚赤須臾鉦鼓干雲霄萬夫聲寂如秋宵
虎毛蠻奴踞象頂丘山不動何峒嵒岸邊突兀二十四

直下波濤若崩墜縱橫欲蹴鼃鼃宅騰踏還成鷺鶴隊
乍如昆明習鬪戰萬乘旌旗眼中見又如列陣昆陽城
雷雨行天神鬼驚奴子胡旋氣適壯忽沒中流狎巨浪
撇波一躍萬人呼幡然却出層霄上今年宰相收夜郎
扶南盤況求王章遠隨方物貢天闕屹然立仗金階旁
聖朝自不貴異物致此亦足威遐荒黃門鼓吹暮復動
海立山移浩呼洶大秦師子多威神山林豈是天家珍

武部拜椒山先生祠二首

祖德靈長日孤臣報國年九原終不死兩疏到今傳異
代還祠廟明神儼豆籩關西二夫子家學仰前賢

今皇崇氣節隔代復旌忠

順治十二年以表忠錄頒賜羣臣

斧鉞文章氣丹

青社稷功君臣存世廟禮樂續關中

公從苑落先生學樂律

再拜生

遙慨松陰起暮風

題趙雪江仿摩詰羣峰飛雪圖

寒色冥冥下巖壑千峰萬峰雪初落瀑布無聲溪澗凍
紅樹微茫敞孤閣閣中有客方縕袍當杯氣與蒼山高
遙看飛鳥落何處如聞落木鳴東臯崖橫路斷少人跡
稍見老樵下巖隙高低遠近一溪通晦明合沓千重隔
右丞昔日居藍田山水落筆窮自然雪岡漁市盡高妙
樂瀨欹湖紛眼前此圖曾入宣和譜董巨荆關焉足數

三山詩話卷一
兵火相尋六百年玉躡金題幾更主雪江老筆妙入神
臨摹古本幾亂真卽教唐宋多能手未必常逢如此人
息齋夜宿卽事有懷故園

夜來微雨歇河漢在西堂螢火出深碧池荷聞暗香開
牕鄰竹樹高枕憶滄浪此夕南枝鳥無因到故鄉

鄒能弘還廬陵寄訊韞退

聞道廬陵縣雙流直到門江山紛近郭笋橘散沙村風
土詩應美艱危道更尊螺川歸棹遠愁思與誰論

樂口

樂口千家聚煙波遠近村沙鷗飛水市石瀨到閒門山

翠曉將滴蘋香秋正繁臨流魚鳥興瀟灑獨開樽

華不注

天半落空青孤峰削翠屏雲霞紛罨靄洞壑祕神靈
弔古思仙棹探奇驗水經登臨近重九風日接滄溟

宣和御墨枇杷圖歌

盧橘蒼蒼橫幹起故印依稀識天水煙枝雨葉不關愁
慘淡如披靖康史宣和文物劇風流繡褫錦贖窮千秋
畫學歲收五嶽觀圖書盡識太清樓盛衰轉瞬如飛電
牟駝岡上紛刀箭紫筠花木摧爲薪西風落日青城殿
此本流離出禁庭過江千載歎飄零昔日興亡如在眼

還同麥飯哭冬青

采蓴曲四首選二

不食上湖苻但采下湖蓴
緣流棹歌去西風愁殺人
采蓴臨淺流采蓮在深渚
歡似蓴心滑那識蓮心苦

讀史雜感八首

王謝烏衣六代同名家
龍虎盛江東可憐東邸鑾輿出
僕射終當愧侍中

過江名義共推袁
宋室孤臣念愍孫
千古消魂石城曲
司徒家世本陽源

鑿地蓮花映雉頭
卻忘鼙鼓下荊州
白門一決須臾事

枉向宮中拜蔣侯

結髮從戎老戰爭揮鞭立就十三城
涼風堂側桃枝戲絕勝平陽九道兵

江陵士馬控西疆坐使吹脣沸建康
湘土尋戈同氣盡卻教韋粲死青塘

殿中擁槊唱無愁江左重開南豫州
十萬敵軍齊北哭至今淝水不曾流

汾上軍書夜刺閨天池較獵未言歸
不愁粉鏡恩恩去更語官家殺一圍

芳華苑裏奏名倡積翠池邊舍利裝
衍得魚龍新散樂

大家恩賜學曹王

雪後懷家兄

竹林上斜照陋巷無車轍千里暮相思獨對空庭雪

別麻城萬大屏秀水楊勝林

別鶴念湖海離羣秋夜心風聲郢口暮江色禦亭深去
路分吳楚相思各滯淫關門今夕雨蕭颯動寒砧

廣固懷古

夕陽遙指慕容城亂後春田半廢耕峴口似聞迎晉騎
洛陽無復下秦兵金刀玉璽千秋淚鐵馬銅駝萬古情
若向秣陵尋舊蹟琅琊邸第草痕生

得海石山中書時遷高要令不赴

夕陽下西南琅琊杳何處聞君頗學道山中樂遲暮松
牕讀書開禪堂飯僧住蒼蒼鐘磬音渺渺漁樵路柴門
三日雪不辨原上樹斷雲南山來時過北山去閒尋盧
敖隱遠躡僧紹步旣愜躬耕懷復抱臨深懼如何嶺頭
人冥行畏多露

題天然道人院用韋公義濱法師西齋韻

到來澗聲小寂歷聞初磬嘉樹帶修廊蕭然悅幽性香
散維摩室日入采樵徑相對坐忘言徘徊遠天暝

與洞門別二首

三
日
清
言
金
卷
一
二
齋堂夕鐘罷衆鳥歸飛急相送虎溪頭徘徊仍竚立
苔色砌邊合禪扉林下開誰能伴都講獨有許詢來

卽日

蒼蒼遠煙起槭槭疎林響落日隱西山人耕古原上

夜經古城作

我行牛山下寒墟帶平楚不見齊王宮空城半禾黍疎
星耿不明白楊夜深語

南園作二首

曉起思園林昨夜西堂雨負杖眺前山初陽散平楚淥
池萍始合芳樹禽交語庭戶寂無人慨焉念終古

夜雨雜花落衡門綠苔生誰能捉坐席共作林下行圓
荷舒午景茂林含夕清歸禽赴斜照稅駕此山楹

南園池上

清言不覺暑纖月生西林苔徑少塵色夜猿清道心漁
樵晚多侶風壑靜同音會學涓高術陰潭鳴玉琴

送胡崱孩赴長沙

青草湖邊秋水長黃陵廟口暮煙蒼布帆安穩西風裏
一路看山過岳陽

雨夜與禮吉子側共宿

高館多梧桐微雨飛向夕清談不能寐入夜轉蕭索餘

王氏漁洋言金卷一
三
香歇幽幌暗蟲響階石夢破忽沉吟悵然赴鄉客

清涼寺

朝日出浦口遙見清涼寺深竹不逢人經聲在空翠

諸葛武侯廟

不見錦官城猶聞蕩陰里蘆荻夕陽中空祠映寒水

鷺鴨城

傳是慕容城殘荷沒碑影復道阿超年金鷺記元鼎

錦秋亭

蘇公不可見湖水猶今昨斜日古亭閒水花自開落

雄縣二首

暮雲沙磧路驅馬獨行吟落日雄關險悲風易水深天
低圍朔漠地古界遼金百戰黃圖盡蕭條榆樹林
慘淡幽并色雄圖果壯哉六羸分帳出萬騎射雕來上
谷風沙晚漁陽鼓角哀太平須士馬突兀羽林材

戲爲周量題畫短歌

龜茲葡萄新吐蔓青州來禽色凌亂木瓜冰桃紛錯陳
妙筆何來眼中見我客漁陽別舊山千林垂實夢中攀
高堂絹素生秋色苦憶田廬未得還

王氏漁洋詩鈔卷一終

王氏漁洋詩鈔卷二

送僧歸苕中

還持杯渡鉢言返道場山定識珠旛寂心依玉磬閒
衲衣行雪後溪水出人閒苕霅煙波裏花時好閉關

題杜工部秦州像爲梁大曰緝二首

杜陵人不見遺照自輝光離亂經天寶艱難剩草堂
東屯田父宅西閣楚人鄉才子千秋淚青蓮亦夜郎

靈武中興日秦州旅食年羌戎常雜處崖谷到今傳
意氣凌天馬幽愁拜杜鵑瞻依思往事攬涕一潸然

初夏北上過訪愚山督學陶齋有詩貽寄久未奉

王曰漁洋言金卷二
荅復聞宣城寇亂感懷二首

迴飈起天末落葉滿山城
嘉會一相失羈愁自此生
花殘惜湖路雁帶魯門情
自枉瑤華贈無由遠寄聲

烽照青溪柵新林鬪艦多
王師殊不戰盜賊竟如何
春穀空煙水梅湖剩薜蘿
江南離亂後庾信幾悲歌

九日同曹顧菴彭駿孫用重陽登高爲韻兼寄陳子更四首選二

大漠斜陽裏千山紫翠重
寒煙生獨鹿古戍隱盧龍
搖落辭芳樹蕭條起禁鐘
故鄉望不見莫上最高峰

薊丘臨朔漠慷慨此同登
古塞三千里荒煙十四陵
鼓

笳秋慘淡鵬鶚暮飛騰憑弔悲今昔風前意氣增

巴州歌再送陸子同荅文作五首

西望三川紅樹秋秦雲蜀棧兩悠悠此中水似離心曲
天際長懸巴字流

使君擁傳暮春時蜀道花濃錦浪吹雲盡水連巴子國
月明人到竹郎祠

李巖城邊粉水清相如橋外錦江明錦江遊女粉江水
南部風流無限情

巴東驛路接巴西薄暮清猿到處啼自是行人聽不得
嘉陵江上草萋萋

巴兒妙舞得人情巴女清歌舊有名碧玉樓中無吏事

垂簾歌舞臥桃笙

巴人以竹簾爲桃笙

題公馘蘇門圖卷

曾學如鸞旨心懷汲縣遊秋清嘯臺月竹映百泉流小
隱何年卜名山一卷收聊當共嵇阮把臂向林丘

紀事二首

龍旂豹尾急傳呼詔幸昌平出上都復土重增新宿衛
期門先召大句臚

天壽蒼涼石獸陳荒原驚見翠華春君王淚灑思陵樹
玉盃金鳧感侍臣

畱別周量

忍作病中別遂爲千里行
征蓬辭朔吹急雪黯王程
粵海無消息天涯幾弟兄
祇應親藥餌聊以慰離情

澣山二首

書堂高在南山巔日射峰頭生紫煙
昨夜雨消春水漲雲中飛下百重泉

寺裏人看寶誌迴湖邊簫鼓晚仍開
撐船直入花深處雲葉當頭山雨來

贈勞山隱者

何許藏名地秦山海上深
半夜白日出風雨蒼龍吟靜

王以濟詩集卷二
三
侶行道處不聞樵采音清冷魚山梵寂寞成連琴曉就
諸天食暝棲簷蔔林因知安居法一契無生心我亦山
中客悠悠悔陸沉

太和莊作

林薄稍縈帶溪流清且長人家掃殘雪雞犬臥朝陽石
路初迴曲前峰轉鬱蒼子眞思谷口涉此悔行藏

再寄魏推官兼寄蜀中故人

送爾居然萬里行東風殘雪照離旌啼猿曉渡青衣水
落木秋臨白帝城益部山川皆秀麗華陽士女最聲名
漢南親故如相憶共聽渝歌一愴情

午睡過穆陵關覺後感成二首

崎嶇驛路萬重山鄉夢猶能夜夜還
忽聽竹雞驚午枕白雲已失穆陵關

穆陵關南煙草愁穆陵關北棟花秋
關門鎖斷清溪水不寄離心向北流

邵伯舟中

一望遙天闊茫茫泛夕槎樹分甃湖水月上楚人家
野戍寒蟲亂迴隄古廟斜蕪城前路近宮柳欲棲鴉

高郵雨泊

寒雨秦郵夜泊船南湖新漲水連天
風流不見秦淮海

寂寞人閒五百年

淮安新城有感

澤國陰多暑氣微
一城煙靄晝霏霏
春風遠岸江蘿長
暮雨空隄燕子飛
四鎮蟲沙成底事
五王龍種竟無歸
行人淚墮官橋柳
披拂長條已十圍

劉堡雨行

寒色起菰蘆
川光晝有無
天低寶應縣
雲壓射陽湖
淺澤魚龍蟄
高空雁鷺呼
春來添肺疾
撥悶強枝梧

大觀閣上眺白馬湖

千仞憑欄俯射陂
亂帆暝色去何之
鐘聲遠出寒林寺

白馬湖頭落日時

界首驛寄家兄

楚天風送采菱舟
菱葉青青稻葉秋
兄弟相思二千里
木蘭亭北驛南樓

瓜洲道中有感

垂楊垂柳拂關河
白舫朱樓映逝波
春雨蕪城寒浪靜
夕陽京口暮山多
雷塘事去空禾黍
螢苑人稀罷綺羅
欲向江頭頻望遠
不堪灑淚石城歌

雨舟偶成

推篷失清曉
渺渺雜人煙
夜雨迷黃浦
繁花滿白田
漁

家杭稻外野寺鷺鷥邊慚愧垂竿叟長謠過我前

六月七日舟中乍涼試筆二絕句

蘆荻何蕭疎風日始清美葉葉隔林帆秋心滿煙水
茆屋映迴汀漁罾挂高樹秋氣感人懷況近陳琳墓

江上寄程崑崙二首

白浪金山寺青山鐵甕城故人今不見楊柳作秋聲
江北望江南祇隔江津水日暮寒潮生愁心滿揚子

再過露筋祠

翠羽明璫尚儼然湖雲祠樹碧于煙行人繫纜月初墮
門外野風開白蓮

落日

落日下長川揚舲去安極不辨水禽聲十里菰蒲色

韓侯釣臺歌

西風吹淮水倒流落颿一弔淮陰侯棘叢藤蔓斷碑蝕
三尺釣臺成古丘嗟昔英雄悲蓐食垂竿憔悴無顏色
壯懷不屑典連敖形容安用時人識一朝騰蹕起風雲
登壇突兀驚三軍帝子晚能知大將漂母早解哀王孫
雲蒸龍變陳倉道京索滎陽疾於掃已聞傳檄定三秦
拔幟還驚下全趙丈夫生卽爲真王崩通豈必謀非臧
食人之食死人事不知鳥盡良弓藏左右早能分楚漢

三
日
清
言
金
卷
二
雲夢之遊可三歎全身惜不如文成意氣殊羞伍絳灌
千秋鍾室淚滂沱乃公感激大風歌尸黥醢越事已矣
縱有猛士當如何雉離宮中恨終古白日蒼茫照淮楚
有酒但酹韓侯臺不灑長陵一坏土

送李方壺暫還松江卽赴南寧

斜陽對京口送子去江東歸棹青楓外家山綠橘中十
年耽故隱萬里逐飄蓬地勢三江會人煙八桂通楚峰
名落雁粵水號秋風冬實枕榔碧春花荔子紅語音蠻
峒異伏臘楚彝同下瀨初休戰磨崖待勒功若過銅柱
側莫讓伏波雄

修復雙烈祠

寶應祀漢
臧洪陳容

炎德旣銷歇羌戎亂神京洛陽泣銅狄日望關東兵黃
巾未殲滅黑山勢縱橫淮南有布衣思扶社稷傾進說
廣陵守慷慨酸棗盟袁張乖末路同袍戈矛生磊落東
郡長淒涼東郡丞掘鼠饗諸將白日照忠貞一時兩烈
士意氣奪幽并我來安宜縣懷古緬儀刑空祠出蝙蝠
枯木飛颺颺荇花被寒渚秋蘼翳山楹有司罷俎豆居
人薦蓴羹斷碑重拂拭欹簷理茅荆三歎陳記室空傳
千載名

子源與孔璋生同里臧
有荅陳琳書詞義嚴正

真州道中

蕪城西望人煙遠
秋風斜日蟬聲晚
青草迷離野渡橫
行人指點隋家苑

青山

晨雨過青山漠漠
寒煙織不見秣陵城
坐愛秋江色

江上二首

揚子津頭鴈影遲
建康城畔柳如絲
秋來無限傷心色
況值鑿江暮雨時

吳頭楚尾路如何
煙雨秋深暗白波
晚趁寒潮渡江去
滿林黃葉鴈聲多

卽目

蕭條秋雨夕蒼茫楚江晦時見一舟行濛濛水雲外

瓜步晚眺

眺遠空江上雙峰列翠屏莓苔瓜步碣風雨石帆銘黛
色迎船綠嵐光潑棹青戰場悲太武濤氣晚冥冥

瓜步道上作

佛狸祠邊苦竹叢符融山外桂枝風隔江暮雨秋千里
愁聽西風白下鐘

雨後觀音門渡江

飽挂輕帆趁暮晴寒江依約落潮平吳山帶雨參差沒
楚火沿流次第生名士尚傳麾扇渡踏歌終怨石頭城

王荅淵江詩金卷二
八
南朝無限傷心史惆悵秦淮玉笛聲

宿弘濟寺曉登觀音巖眺望

擊楫凌滄洲投宿招提境入門優曇香聞鐘夜方永高
枕聽濤聲層軒抱江影曉來微雨過紅葉滿高嶺憑欄
見萬里雲物殊清迥長山去蜿蜒上流壓江郢海門控
金焦蒼煙翳朝景信美睇山川霸圖遞煙冷何如學無
生抗跡雲峰頂

曉雨復登燕子磯絕頂

岷濤萬里望中收振策危磯最上頭吳楚青蒼分極浦
江山平遠入新秋永嘉南渡人皆盡建業西風水自流

灑酒重悲天
塹險浴鳬飛
鷺滿汀洲

寄崑麓

青溪竹林寺日暮
竹林深雪後無人跡
哀猿時一吟

寄彭十

蕭寺鐘殘時
燕山霜落夜對牀
語清夕流連不知罷
落葉一紛飛
離鴻遂南下
湫浦近青山
依稀見君舍

題徐半山山居圖二首

先生竟學道
自製水田衣
獨臥寒林靜
故人相見稀
晚涼松鼠落
曉日竹雞飛
亂葉千峰裏
行歌何處歸

濃淡寫山木
依稀聞亂流
雲中敬亭日
煙際宛谿舟
身

三石齋詩集卷二
預名僧會裝成五嶽遊邈然巖壑裏長嘯憶丹丘

冬曉高郵舟次

野鴨鳴漁村霜清知天曉開牕一長望湖氣何窅渺煙
寒遠樹稀水落沙洲小昨泊秦郵城明及安宜道搔首
汜湖陰漁樵可終老

雪泊韓侯臺下

漂母祠前雲欲垂淮陰城外暮鐘時寒林蕭瑟炊煙靜
野水蒼茫鶴鶴饑亭長功名終古盡假王事業幾人悲
荒臺雪下寒流急國士傷心酹一卮

登金山二首

振衣直上江天閣懷古仍登海嶽樓三楚風濤杯底合
九江雲物坐中收石簾落照翻孤影玉帶山門訪舊遊
我醉吟詩最高頂蛟龍驚起暮潮秋

三山縹緲望如何有客褰裳俛逝波絕頂高秋盤鸛鶴
大江白日踏鼃鼉泠泠鐘梵雲閒出歷歷帆檣檻外過
京口由來開府地不堪東望尚干戈

毘陵道中雨

曲港迴汀暗野橋斜風吹雨暮蕭蕭江南烏桕紅千樹
望斷春申浦上潮

夜泊有懷同家兄子側

三民詩話言金卷二
十
蘭陵城邊楓樹蒼芙蓉圩上雨淋浪估帆競落孤舟暝
那得逢人問故鄉

毘陵歸舟

泊船西蠡河解纜東城路涼月澹孤舟遙村隱紅樹杳
杳暮歸人悠悠渡江去

潤州懷古二首

楚雲直下大江流鐵甕城高落木秋宋帝南徐猶作鎮
蕭公北顧更名樓江山勝蹟畱三國海道烽煙動五州
見說孫盧西犯日青燐白浪使人愁

興亡六代已銷沉對此茫茫思不禁黃鵠山頭寒雨暝

佛狸帳外暮濤深
兵聞北府千年勁
雲入西津一片陰
興劇且傾京口酒
三山披豁足開襟

招隱寺

筍輿越黃鶴
連岡帶平楚
歷歷南朝松
風吹落寒雨
石楠紅始垂
沙泉碧方吐
遂造戴公山
風氣何清古
山門映殘照
雙泉咽寒嶼
玉蕊不復見
空亭閉荒塢
戴公昔通隱
風流照巖戶
漱泉彈名琴
東巡動人主
清風一銷歇
初地畱空宇
金碧漸凋殘
林壑自清舉
蕭條黃葉落
寂歷幽禽語
迴澗起涼吹
經堂罷齋鼓
緬想剡中人
蒼茫久延佇

由招隱登夾山入竹林寺

籃輿俯高嶺石磴轉幽谷諸峰亂空翠澄江疊輕縠迴
望戴公宅秋氣益蒼肅紺壁隱奇杉危亭蔽荒竹孤僧
遠獨歸山鳥暮相逐樹杪見古寺松栝散林麓絕壁尚
千尋紆逕非一曲初蠟阮公屐逝將訪金粟暝坐竹林
深山山靜寒綠

竹林寺題壁

日暮南山裏山僧遠獨歸竹林覆殘雪石礧掩荆扉行
道花常落焚香鳥自飛京江泉壑好朝夕在清暉

海嶽菴拜蘇米二公像

前輩風流地爲菴易研山淨名猶故蹟磨衲識清顏江
月長如此高人去不還惟應餘翰墨終古照人閒

尋瘞鶴銘

我思華陽人古銘傳瘞鶴披蘚下崩崖天寒水方落

晚登焦山

長松古竹覆山根小艇探幽破蘚痕枯木堂中齋磬晚
水晶菴外大江昏洞開三詔臨青壁浪打雙峰矗海門
醉下高巖尋瘞鶴寒濤激石暮崩奔

焦山曉送崑崙還京口

山堂振法鼓江月挂寒樹遙送江南人雞鳴峭帆去

海門歌

岷峨東下江水長遠從井絡來吳鄉奔濤萬里始一曲
古之天塹維朱方北界中原壯南紀魚龍日月相迴翔
中流一島號浮玉登高眺遠何茫茫長空飛鳥去不盡
江海一氣同青蒼山外兩峰遠奇絕雙闕屹立天中央
左江右海辨雲氣如爲八裔分紀疆江流到此一縛束
早潮晚汐無披猖燭龍曉日出雲海山光照曜連扶桑
年來海戍未停罷我舸大艦來汪洋胡豆洲前起烽火
徒兒浦上披衲襠古聞京口兵可用寄奴一去天蒼涼
我願此山障江海七閩百粵爲隄防作歌大醉臥巖石

起看江月流清光

登北固絕頂多景樓

金焦一棹乘風下
放眼來登北固樓
梁帝旌旗寒浪沒
孫郎勛業甕城秋
千層臺閣凌雲起
萬疊江山拍座浮
自到三山清興極
便乘暇日坐銷憂

玉山夜歸

渺渺空江路
人歸獨夜舟
迴看玉山暝
遙下石簾流
佛塔鈴相語
漁篷火未收
霜天聞急柝
髣髴辨瓜洲

送楊集虛歸盱江

聞君讀書處
門對金船峰
齋閣花時雨
寒林定後鐘
諸

三
日
言
金
卷
二
三
天朝共食樵客晚相逢入洛思前事還山邈去蹤凌煙
拂鸞鶴散髮弄芙蓉板渚潮痕落邗江酒思濃談經時
有暇爲寄別來悰

抱琴亭

寒叢響凍禽曲檻鳴修竹幽人獨抱琴雪壓池邊屋

迷樓懷古

東都無復翠華遊樵牧千年識廢丘錦纜銷沉餘落照
垂楊憔悴覆寒流祇今清楚畱初地自昔迷藏有舊樓
回首穠華盡黃土斷煙渺渺見邗溝

同諸公訪栖靈寺

平山堂外柳如煙古寺同尋第五泉風靜鐘聲臨岸曲
雨晴山色隔江天雷塘有徑生春草板渚無波作墓田
惆悵隋唐一彈指不如初地老棲禪

上方寺訪東坡先生石刻詩次韻

附跋

昔出蜀岡道黃葉鳴秋蟬今來上方寺綠萼破春煙坦
步寶帶側延眺隋城顛古刹龍象寂殘碣蛛絲懸緬思
峨嵋人文采真神仙贈詩日南使賓佐皆豪賢邈然竟
終古漱墨畱春泉老筆欲飛動妙態殊便娟空堂響人
語怖鴿飛聯翩後遊慨今昔憑弔當同然

寺有泉
名第一

右大蘇先生送李孝博使嶺表詩凡十韻碑在上方寺斷仆已久鐵崖道人猶
及見其墨澤謂風骨過顏柳不在二蔡下今年春維舟竹西別墅步往上方尋

三石記
此石所在拂拭出之摩娑三歎如與公晤言酬唱於當日而信廉夫之言不虛也歸舟取元韻次之并刻石斷碑之側云

丹徒行弔宋武帝

曲阿之北京口東寄奴王者真英雄新洲伐荻殺龍子
大業遂建丹徒宮桓家小兒亂天紀投袂勤王夜中起
擣蒲百萬皆人豪龍行虎步非凡理從茲大運屬彭城
中原趙魏歸經營硤口千軍五龍涸藍田一戰二嶠平
南北推移幾千載太息雄圖竟何在宿麥寒原少昔人
神鴉社鼓成空塞王氣銷殘帝宅荒悠悠江水不勝長
忠臣徒歎袁開府天命還歸蕭建康

呂城雪霽

雞鳴呂城鎮日出市橋東雪屋迴汀口煙檣野竹中鳥
飛皆貼水舟泛若乘空古蹟成荒壘行行慨阿蒙

舟暮

向晚金牛道林寒響宿禽雪晴煙樹小日夕竹園深川
路通蕭港扁舟動越吟蘭陵今夜酒無那故鄉心

棹歌四首

有序

昔人云今之竹枝詞雖鄙俚尚有三緯遺意有
先以歛乃發聲而後歌者有旣歌而以歛乃爲
餘音者其聲清遠其意悽愴舟行丹陽道中戲
成棹歌四首令舟人歌之猶元次山湘中之歛

乃曲耳

潤州城北江水流丹陽城下蜀河舟江船風浪多顛險
河船安穩不須愁

觀音山在官河傍山外長湖是練塘山邊驛卒撾津鼓
湖上人家插稻秧

犇牛鎮接呂蒙城大雪連朝人不行簫鼓喧喧南復北
驛夫牽纜候雞鳴

柵口傍邊是妾家門臨秋水照菱花朝來卜得南陵信
鷗鷺雙飛上釣槎

虎丘

闔廬霸業夕陽沉鐘梵空山自古今劍去虎丘青嶂在
水枯鶴澗碧苔侵吳宮歌散聲猶苦越絕書成怨不任
惟有生公臺畔石年年白月照禪心

虎丘雪浪軒眺望

高閣滴春雪溪山如畫圖輝輝浮震澤靄靄眺吳都遠
近清暉合瓏璵碧樹扶諸天坐來暝香積下饑烏

五人墓

流連虎阜遊宛轉山塘路石門映迴波英靈此中聚滿
壇松桂陰落日青楓樹生傍伍胥潮死近要離墓千秋
忠介墳鬼雄誓相赴酹酒拂蒼碑寒鴉自來去

姑蘇懷古三首

爭長黃池未濟師餘皇舟已徙熊尸山川終古迷商魯
花草千年怨種蠡故國魂消吳苑水行人腸斷越溪絲
竹枝聲裏春將盡破楚門東暮雨時

斜日停橈喚奈何橫塘聲散采蓮歌青山古道通閶闔
綠黛春風憶芡蘿廢苑悵悵花欲暮長洲淼淼水空波
千金枉鑄鴟尸像鳥自高飛避網羅

山徑何時葬玉鳧興亡轉瞬日西徂越人已自籌三策
秋祭當年竟五湖雨過麋城空碧草春深鶴市半青蕪
傷心更有南陽宰不獨寒潮泣子胥

文種歎曰南陽之
宰而爲越王之禽

夜雨題寒山寺寄西樵禮吉二首

日暮東塘正落潮孤篷泊處雨蕭蕭疎鐘夜火寒山寺
記過吳楓第幾橋

楓葉蕭條水驛空離居千里悵難同十年舊約江南夢
獨聽寒山半夜鐘

通安橋舟中

煙鬟紛出沒濃綠潑行舟竹葉藏山塢梅花映水樓平
生一丘想今日五湖遊颯颯蒲帆駛風煙直似秋

雨夜宿聖恩寺還元閣

梅樹初花石澗流滿山香雪送行舟三更蕭瑟湖邊雨

王氏漁言金卷二
百尺高寒水上樓師子窟中嵐翠合法華山外暝煙收
霜天欲曉鯨音起萬壑聲從何處求

卽事

雨過長旂嶺花開朝士塢時見雨中人遙遙隔花語

山中寄子側時阻雨滸墅舟次

平生兄弟遠遊心世外玄棲約共尋澗道名花任開落
湖天春水半晴陰何山往事思求點五嶽前期負向禽
遙憶孤篷宿煙雨青芝南望白雲深

冒雨自法華鐘樓尋米堆山

僧樓鳴鐘罷徘徊向山路遠眺米堆山蒼蒼積煙霧溪

澗窅然深岡巒緬非故千重修竹林一徑江梅樹花香
上寒衲石流濕芒屨山靄接湖雲日夕自來去迢迢五
雲洞欲問誅茅處

由米堆山下行至上楊村錢家礪望湖中漁洋法

華諸山

策杖信忘疲行行畫圖裏崎嶇下雲壑蒼茫望煙水石
徑何盤紆疎籬照梅蕊寥落重湖濱柴門數家市居人
太古風但解數雞豕語我種植法敦樸有奇理冬作多
晏眠春寒常晚起雖非角里儔頗謂桃源比逶迤到湖
濬浩渺歎觀止震澤控三江波瀾此方始法華表東陲

三山詩話卷二
漁洋正相似煙雨春空濛峰巒暮俶詭昨朝梵天閣遠
眺如隱几豈知方丈山忽落芒屨底欲乞五湖長垂釣
將已矣

晚坐雨花橋看梅

寒湖望已遠迢迢暮歸寺修竹隱山門金碧眩空翠清
溪枕飛梁花氣增明媚綠萼紛競發翠羽時一至拈花
悟禪心作賦識仙意高低垂繁條明滅見湖次縹緲吹
笙人逍遙布金地微微蓮花漏蕭然遠塵思

元墓竹枝詞八首

二月梅花爛熳開遊人多自虎山來新安塢畔重重樹

畫舫清油日幾迴

左連光福右眞珠南北湖山總畫圖四十里中花作障
人家多半住花鬢

渠儂家住上楊村烏鉢峰青恰對門纔過焙茶梅又子
風光何似武陵源

鄧尉山頭片雨晴司徒廟下晚潮生卻登七十二峰閣
玉柱銀房相向明

西施洞望米堆山夕翠朝煙擁髻鬟不道鴟卮曾載去
至今人在五湖閒

西來銅井又銅坑山勢高低有二名試上龜峰光福塔

王氏清言金卷二
白波翠巘兩邊生

楓橋估客入山來
盤子多從木瀆開
瑪瑙冰盤堆萬顆
西林五月熟楊梅

綠黛遙浮玉鏡閒
峰巒千疊水灣環
居人卻厭真山好
玄墓南頭看假山

第二泉和涪翁韻

春山細雨三人俱
藤笈親攜桑苧書
縛亭甃石幾年事
至今浣沼噴明珠
山人形癯味道腴
九塢不老將焉如
軍持銅鉢此生畢
買田卽傍芙蓉湖

聽松菴

碧山夜來雨孤松鬱蒼質石上流白雲松閒拂瑤瑟

惠山下鄒流綺過訪

雨後明月來照見下山路人語隔谿煙借問停舟處

江上望青山憶舊

長江如練布颿輕千里山連建業城草長鶯啼花滿樹
江村風物過清明

江行

九派來吳會三江下楚關微茫失瓜步清切望礬山晚
戍烽臺白春花戰血斑從來天塹地鐵鎖至今閒

訪紀伯紫

閒踏春泥著屐來
煙波百曲孝侯臺
柴門徑僻少人跡
門外野棠花亂開

和牧翁題沈朗倩石厓秋柳小景

宮柳煙含六代愁
絲絲畏見冶城秋
無情畫裏逢搖落
一夜西風滿石頭

秦淮雜詩二十首選十一

結綺臨春盡已墟
瓊枝璧月怨何如
惟餘一片清溪水
猶傍南朝江令居

桃葉桃根最有情
瑯琊風調舊知名
卽看渡口花空發
更有何人打槳迎

潮落秦淮春復秋莫愁好作石城遊年來愁與春潮滿
不信湖名尚莫愁

當年賜第有輝光開國中山異姓王莫問萬春園舊事
朱門草沒大功坊

新歌細字寫冰紈小部君王帶笑看千載秦淮嗚咽水

不應仍恨孔都官

弘光時阮司馬常以吳綾作朱絲欄書燕子箋諸劇進宮中

舊院風流數頓楊梨園往事淚沾裳樽前白髮談天寶
零落人間脫十娘

傳壽清歌沙嫩簫紅牙紫玉夜相邀而今明月空流水
不見青溪長板橋

新月高高夜漏分
棗花簾子水沉熏
石橋巷口諸年少
解唱當年白練裙

小姑居處本無郎
白石青松可斷腸
便使仙人逢玉斧
已無西浦杜蘭香

十里清淮水蔚藍
板橋斜日柳毵毵
棲鴉流水空蕭瑟
不見題詩暨阿男

男有秋柳句云棲鴉流水點秋光

西曲吳歌子夜聲
齊梁舊部可憐生
如何北地燉煌樂
一夜流傳滿石城

登木末亭拜方正學先生墓

石子岡頭木末亭
振衣千仞攬青冥
遙看江色縈新練

迴眺山光列翠屏
古墓松杉悲靖難
高臺花雨罷談經
未須憑弔傷今昔
且繫長干雙玉鉗

長干絕句四首

高樓夾淮水
十里盡朱欄
春蘭一花發
香遍小長干
欲向長干寺
還登木末亭
雲中一江白
煙際萬峰青
繡閣隱芙蓉
屏掩瀟湘綠
小小住長干
解唱長干曲
三月襄陽去
音書好寄將
江湖不相負
朝夕到橫塘

燕子磯阻風寄丁繼之

醉別冶城花
醒見棲霞樹
浦口晚潮生
江天數帆暮

登觀音閣眺望

三
幕府山頭晚吹涼登高望遠極蒼茫濛濛夕照開棠邑
葉葉風帆下建康畫閣臨江飛鳥外丹崖拔地暮雲旁
娑羅花發香林淨坐聽微鐘出上方

大風渡江四首選二

鑿翠流丹杳靄閒銀濤雪浪急潺湲布帆十尺如飛鳥
臥看金陵兩岸山

紅襟雙燕掠波輕夾岸飛花細浪生南北船過不得語
風帆一霎剪江行

清明曲二首

花朝節後雨如麻寶障河邊水似紗十二紅欄捲珠箔

滿城香送玉蘭花

燕子初飛春社時
隋皇故苑裊煙絲
北方風物南中少
不見秋千雙畫旗

潤州寄張公選考功程崑崙別駕


天塹橫分吳楚長
臨流百感集茫茫
人憑水閣收殘雨
山隱江光淡夕陽
祠近佛狸曾弔古
愁如洗馬自神傷
年年枕上雙峰影
舊約金焦未敢忘

江上有懷

江流淡無際
塔影挂晴空
川歇西津雨
山明北固虹
紫髯銷霸業
錦里颯寒蓬
千古魚龍宅
鐘聲出梵宮

王氏漁洋詩鈔卷二終





7L
2732
A56
103
1.3
王氏漁洋詩鈔卷三

寄鄧尉剖石道人

最難忘處還元閣坐臥層巒疊嶂圍修竹萬竿陰講席
梅花千片點僧衣洞庭煙雨春如夢笠澤漁簑晚竟違
終作都維那弟子一瓢一鉢遠峰歸

送家兄子側歸里同舟至淮陰卽次有作六首選

三

帆影已辭瓜步樹人家漸近甃湖煙別來好記聞鶯地
八寶城西是白田

前程畏說近淮陰無那風帆去不禁今夜拖樓聞玉笛



三
清淮真與淚痕深

共賦寒山寺裏詩故園兄弟軫離思那堪握手淮陰驛
卻憶寒山夜雨時

茱萸灣懷家兄

雨歇茱萸灣返照村墟夕淮水去悠悠何處還山客

宜陵

寥落青蕪晚進船明霞起處水生煙斷雲斜日宜陵道
一路臨風聽暮蟬

真州道中絕句二首

返照在船頭新月出船尾玉沙何粼粼清暉滿葭葦

河漢有風露夜涼川上秋幽人攬明月一棹下清流

眞州城南作

眞州城南天下稀人家終日在清暉長橋漁浦晚潮落
曲港叢祠水鶴飛新月初黃映江出遠山一碧送船歸
白沙洲上樓臺靜好與提壺坐翠微

眞州南郭泛舟

出郭江山好行吟步履斜稻苗香積水竹葉隱漁家遙
見江南樹時逢洞口花拏舟新月上直至長風沙

眞州卽事

夕陽沉沉水增綠萍花柳花相斷續十尺長橋八幅舟

王氏漁洋言金卷三
人家何似青谿曲

大觀樓新成

如練江光照素秋，增城縹緲見飛樓。
披襟欲攬三山色，濯足真臨萬里流。
帆出雲中開島嶼，人從鶴背俯滄洲。
泠然竟日能忘返，蠟屐何妨續勝遊。

再荅胡端孩長沙書

嶺表音書闊湘江，驛使稀。春風斑竹長，暮雨鷓鴣飛。
地濕官仍拙，時清願豈違。那能衝瘴癘，十月夜郎歸。
時歸自黔中

閏七夕海陵北郭有懷家兄

臨秋水增綠，向夕景微涼。捲幔層城外，停橈嘉樹旁。
坐

深魚鳥興行惜蕙蘭芳太息鳴蜩晚能令楚客傷

南曹橋

十日湖頭賣蓮子不知菡萏尚能花
南曹橋畔田田路
舟入香風一道斜

百花洲上拜宗方城祠

懷古城南路輕舠溯碧流典型一茅屋
風物百花洲
野渡神鴉集西風苦竹愁斯人如旦暮
三歎獨淹留

九日風雨往淮陰舟中懷珍示不雕諸子歸吳中
泥滑天陰廿四橋一帆送汝過金焦
維摩樓畔飛寒鴈
伍相江頭落暮潮別路茱萸灣漠漠打船楓葉雨
蕭蕭

王日漢詩金卷三
劇憐佳日翻成別臨水登山思轉遙

讀唐劉商秋夜聽巴童唱竹枝歌輒衍其意作四

絕句傳之好事者選二

白鹽山下虎蹄新笠子蓑衣穩稱身朝見行雲暮行雨
峽中三月杜鵑春

綠蕪千里水連天雲裏依稀下峽船斷鴈冷猿齊淚落
巴東何處有人煙

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花濕露啼宮鴉
鹿盧曉汲銀河水黃奴慵起倚隱囊瓊枝壁月交輝光

貴人夾坐詩先就狎客擘牋歡未央玉樹歌闌方競媚
桃葉山前陳鐵騎青龍飛出建陽門羣鳥空呼奈何帝
可憐拂檻曉粧時入井倉皇那得知千載畫圖猶省識
石欄紅淚黦胭脂

和吳淵穎題袁子仁巴船出峽圖

桃花夜汎三川水蜀中估船日千里錦官城外指東吳
萬里行當自茲始金牛玉壘向天開朝雲突兀瞿塘堆
飛流一瞬下萬仞長年屏息顏如灰峽中無人但煙霧
杜宇聲悲客行處巴巫迎神歌竹枝忽見雲安郭邊樹
上峽懸幢下安流東風吹送江陵舟卻從一幅鷺溪上

髣髴三刀夢益州

天寧寺

黃葉城東寺閒將坐具來談禪
松子落畱客竹園開幾日過
休夏何年見渡杯相逢有都講
初地一徘徊

程端伯畫

憶向蟠螭山下過虎橋松畔暫停舟
依稀光福雲中塔春雨新添上崦流

葉欣畫二首

秋山高不極草閣煙深處紅樹覆驚湍
青松蔭枉路欲訪山中人前溪幾迴渡

偶來獨立碧谿頭石礧茅亭白日幽風雨欲來山欲暝
萬松陰裏颯寒流

劉度倣李迪畫

清溪當谷口石徑入寒林晚向前峰去溪流應更深

樊圻畫

蘆荻無花秋水長澹雲微雨似瀟湘鴈聲搖落孤舟遠
何處青山是岳陽

施霖畫

叢篠陰中破竹廊四圍山色鬱蒼蒼道人閒卽支牕坐
坐愛青溪白日長

寄荅荅文吳中二首

光福鎮前白鶴飛
崦東崦西雨霏微
舊遊正及梅花發
憶爾漁陽桑葉稀
三載漫求方朔米
此行真息漢陰機
烽煙滿地憂租稅
石室金庭少是非

夫君蟬蛻辭軒冕
徑欲石公山下居
秋晚洞庭收橘實
月明震澤釣鱸魚
直從角里尋真隱
莫問明庭有薦書
抗跡何妨五湖長
由來名士半樵漁

送涓來侍講歸楚二首

送君遊九華
婀娜江帆起
一聞秋浦猿
淚滴池陽水
解纜銅陵江
是向黃州路
不見雪堂人
江關邈煙樹

頻歲

頻歲孫恩亂，飄檣壓海頭。
傳烽連戍壘，野哭聚沙洲。
司馬能清野，天吳漸穩流。
江淮非異土，飄泊汝何憂。

淮陰雪夜

昨歲釣臺大風雪，今來風雪又維舟。
枚臯里畔樹不辨，淮陰祠前冰亂流。
俯仰古今可太息，側身天地多煩憂。
苦聞渤海金笳動，故國何因得散愁。

送徐存永歸閩攜家之湖南

舊家楓嶺外，去住復何言。
海上田園失，歸途雨雪繁。
家移建溪水，人聽楚山猿。
未弔長沙傳，知君已斷魂。

寄竹林寺諸道人

瀟灑城南寺亭亭干竹林澗流殘雪積春氣遠江陰石
壁牕中直梅花臘後深戴公山下路扶病憶登臨

雜題蕭尺木畫冊六首選三

笳簪沿溪踏亂流秋深蘆荻風颼颼若得五湖三畝宅
便須隨汝釣槎頭

平生酒態嵇中散目送飛鴻坐竹林閒向梅花彈一曲
落花亂點碧流深

松有萬古色瀑如三峽流何人白雲裏濯足對清秋

二月五日淮陰作

二月五日春已半淮南風物劇駸駸麥苗亂茁垂楊岸
蝴蝶交飛花樹林白羽徵兵吳會遠黃巾掠地海堧深
何時戍罷狼煙淨擊壤常從田父吟

送苔文之京

淼淼江湖春水生淮南風景過清明故人恰向愁中至
感激真從難後平竹外寒煙瓜步鎮花時細雨廣陵城
謝公埭下通宵語酒冷香殘十載情

寄陳伯璣金陵

東風作意吹楊柳綠到蕪城第幾橋欲折一枝寄相憶
隔江殘笛雨蕭蕭

贈蔣虎臣先生

盧橘已垂實楊梅初滿林仙人一相訪樽酒話同心天
台煙霧遠華陽丘壑深平生山水意茲夕寄瑤琴

紅橋絕句二首

舟入紅橋路垂楊面面風銷魂一曲水終古傍隋宮
水榭迎新秋素舸自孤往漠漠柳綿飛時時落波上

閔園曉起作

江城曉日上林壑如初沐庭戶闌無人茗香睡方足荷
氣吹枕簟禽聲媚幽獨鳬鷗破溪白莓苔覆山綠淡坐
欲忘言清風灑修竹

秋日題閔園水亭

南人習煙水結屋如舫居眞州水木多城市通樵漁一
溪納三江潮汐相盈虛茆亭碧谿上浦溆臨前除曉風
斷蒲響夜露幽花舒孤雲散天末好鳥鳴午餘緬懷華
林歎持此謝簪裾

眞州絕句六首

揚州西去是眞州河水青青江水流斜日估帆相次泊
笛聲遙起暮江樓

白沙江頭春日時江花江草望參差行人記得曾遊地
長板橋南舊酒旗

三
曉上江樓最上層去帆婀娜意難勝
白沙亭下潮千尺直送離心到秣陵

江干多是釣人居柳陌菱塘一帶疎
好是日斜風定後半江紅樹賣鱸魚

江鄉春事最堪憐寒食清明欲禁煙
殘月曉風仙掌路

何人爲弔柳屯田

柳耆卿墓在城西仙人掌

十三嬌女髮初齊解事春來夢大隄
嫁與襄陽賈人子
牕中學唱蹋銅蹄

新秋揚子橋舟中

秋聲渡揚子一雨涼颼發秣陵
暮潮歸瓜步殘鐘歇無

事悲客心曠如久離別橫笛起宵闌孤篷見微月

和李退菴侍郎讀水經注懷洞庭之作

楚望經時入宵冥岳陽樓上數峰青曾臨南極浮湘水
坐對西風憶洞庭斑竹好從春後長落梅猶向笛中聽
新詩吟罷愁多少腸斷當年帝子靈

憶真州舊遊有感

夢裏白沙洲茫茫始欲愁佳期不可見風雨上西樓

渡江泊京口閘下

京口煙波路茫茫集百端斜陽半江暝殘雪五州寒水
向東吳去山從北固看候潮愁不寐轉覺夜漫漫

將抵毗陵寄雲孫訐士文友

初罷丹陽酒天寒旅思驚
暗潮黃歇浦殘雪呂蒙城
水驛煙中飯山橋樹杪行
作書報諸子傾倒極平生

青陽道中四首

畫舫煙中樹青山水上樓
澄江風物好殘臘只如秋
黛色橫天際蒼蒼秦望山
東巡殊不返流恨此山閒
修竹被晴川淪連映空曲
日夕雪初消人家在寒綠
門對青陽橋家近芙蓉湖
與郎相憐惜爲郎歌拔蒲

梁溪西路曉發

梁溪五湖口曉望亦悠哉
翠嶂九峰合明流一鏡開
潮

連申浦去帆映錫山來好趁樵風便輕舟任溯洄

高橋曉望惠山卻寄修遠畱仙心甫流綺

清盥披衣起開簾見九峰煙深微辨樹潮落緩聞鐘秦
塢望中近高流何處逢無能品泉水與爾趺長松

舟中望惠山口號

芙蓉江上迴飄鼓漁具簑衣一夜還買得蜻蛉小如葉
唯看煞九龍山

毗陵道中寄珍示我建

歲晏江南客栖遲歎敝裘青山吳苑路紅樹晉陵舟幾
處霜前鴈誰家水上樓尺書知未達遙夜夢蘇州

同楊西印副使蔡韶若秀才夜登觀音山眺曲阿

後湖放歌

我昨南渡登金焦鯨魚跋浪生風濤更上君山俯震澤
長江萬里窮秋毫五日探奇興不盡曲阿城畔來登高
觀音山高高百丈星辰羅列捫層霄懸崖絕磴挂猿臂
崇巒疊嶂森松毛山巔作亭瞰飛鳥湖光山色相週遭
練湖一萬六千頃勢與江海爭迢遙淵注渟著古所歎
蒼桑磨滅非前朝風景不異謝郎死我來憑眺凌寒宵
長嘯空山荅山鬼驚飛鵬鵠求其曹滄波混茫接元氣
有如盂水浮堂坳冰厓擊鼓百靈集金支翠羽光飄搖

是時月黑風怒號萬弩突射錢塘潮蛟龍鱗鬣時隱現
靈胥慘淡天吳驕高麗長山互鉤帶六州一氣迴斗杓
楊公蘄黃昔開府坐清江漢真人豪蔡生白晳美無度
頗能飲酒歌離騷東吳菰蘆有君輩力鞭巨石驅神鼇
練塘一勺好栖托結鄰未卜心空勞酒闌歌罷意惆悵
煙江明日橫輕舠

潤州曉渡用皇甫冉萬歲樓韻卻寄蔡芬

練湖分艇悵何依北渡迴看雲樹微白下西來潮正落
丹陽南去鴈還飛笛殘遠步新愁集酒醒江關旅夢稀
鐵甕城邊重懷古當年萬馬蹴重圍

別公馭後卻寄二首

三年一相見相見還成別今夕滁陽人應夢鑾江雪
江天一夜雪不辨孤村路時聞斷鴈聲遙向江南去

鑾江舟中雪霽月出卽事題鄒詰畫

拂曉春寒重揚帆急霰侵月明生水際積雪滿空林岸
火推篷近漁菴閉戶深平生剡溪興茲夕是山陰

葛一龍枇杷

洞庭詩人葛震父畫成盧橘亦清蒼想他縹緲峰頭坐
快寫西林五月黃

寒林獨釣圖

江湖欹枕夢風雪折竹斷橋人不行
笳簫在船簑在背
漁洋山下足吾生

送家兄禮吉歸濟南兼寄子側

謝公隄外夕陽樓樓下關河急暮流
江浦碧雲孤鴈遠
淮南水驛數蟬秋對牀雨夜還如昨
罷酒人稀始欲愁
阿大中郎會相憶竹西風露夢揚州

又絕句二首

龍山晴雪馬蹄長山翠湖雲罨畫香
好到旗亭寒貰酒
雙鬟低按小秦王

錦秋湖邊稻花涼錦秋亭下鱸魚香
垂虹秋色一千里

秋到吳淞思故鄉

戲倣元遺山論詩絕句三十六首

附猶子
浣注

巾角彈棋妙五官搔頭傅粉對邯鄲風流濁世佳公子
復有才名壓建安

五字清晨登隴首羌無故實使人思定知妙不關文字
已是千秋幼婦辭

青蓮才筆九州橫六代淫哇總廢聲白紵青山魂魄在
一生低首謝宣城

挂席名山都未逢潯陽喜見香爐峰高情合受維摩詰
浣筆爲圖寫孟公

右承愛襄陽挂席幾千里名山
都未逢之句因爲寫吟詩圖

杜家箋傳太紛拏虞趙諸賢盡守株苦爲南華求向郭

前惟山谷後錢盧

牧齋有讀杜小箋
德水有讀杜微言

漫郎生及開元日與世聾牙古性情誰嗣篋中冰雪句

谷音一卷獨錚錚

谷音杜清碧撰
宋末逸民之作

風懷澄澹推韋柳佳處多從五字求解識無聲絃指妙

柳州那得並蘇州

中興高步屬錢郎拈得維摩一瓣香不解雌黃高仲武

長城何意貶文房

草堂樂府擅驚奇杜老哀時託興微元白張王皆古意

不曾辛苦學妃稀

京兆風情粉黛叢
鬢絲晚惜落花風
湖州箋記揚州夢
綺語翻教詆白公

廣大居然太傅宜
沙中金屑苦難披
詩名流播雞林遠
獨愧文章替左司

豈有文章替左司白
公刺蘇州時詩也

獺祭曾驚博奧殫
一篇錦瑟解人難
千年毛鄭功臣在
猶有彌天釋道安

琴川釋道
源字石林

涪翁掉臂自清新
未許傳衣躡後塵
卻笑兒孫媚初祖
強將配饗杜陵人

山谷詩得未曾有
宋人強以擬杜
反來後世彈射要
皆非文節知己

詩人一字苦冥搜
論古應從象罔求
不是臨川王介甫

誰知暝色赴春愁

唐人晚渡伊水詩首句或作暝色
起春愁王云若作起誰不能道耶

苦學昌黎未賞音偶思螺蛤見公心平生自負廬山作

才盡禪房花木深

歐公欲倣常尉破山寺作一聯而不能坡云公厭芻豢反思螺蛤耶

林際春申語太顛園林半樹景幽偏豫章孤詣誰能解

不是曉人休浪傳

山谷謂氣蒸雲夢澤波撼岳陽城不如雲中下蔡邑林際春申君疎影橫斜水清淺暗香浮動月黃昏不如雪

後園林才半樹水邊籬落忽橫枝也

鐵厓樂府氣淋漓淵穎歌行格儘奇耳食紛紛說開寶

幾人眼見宋元詩

李杜光芒萬丈長昌黎石鼓氣堂堂吳萊蘇軾登廊廡

緩步崆峒獨擅場

藐姑神人何大復致兼南雅更王風論交獨直江西獄

不獨文場角兩雄

三代而還盡好名文人從古善相輕君看少谷山人死

獨有平生王子衡

海內談詩王子衡春風坐遍魯諸生鄭繼之詩也二公初不相識鄭死王見此詩數千里入閩經紀其喪

正德何如天寶年寇侵三輔血成川鄭公變雅非關杜

聽直應須辨古賢

昔人論鄭善夫詩以爲時非天寶位靡拾遺譏其無病而呻故駁之

十載鈴山冰雪情青詞自媚可憐生彥回不作中書死

更遣怱怱唱渭城

分宜早年詩有王章之風貴後皆應制腐惡之作耳

接跡風人明月篇何郎妙悟本從天王楊盧駱當時體

莫逐刀圭誤後賢

翩翩安定四瓊枝司直司勳絕妙詞底事濟南高月旦

僅存水部數篇詩

安定謂皇甫兄弟滄溟撰詩刪入選者子約一人耳

中州何李並登壇弘治文流競比肩詎識蘇門高吏部
嘯臺鸞鳳獨適然

文章煙月語原卑一見空同迴自奇天馬行空脫羈勒

更憐譚藝是吾師

鸚鵡五集所謂名句如文章江左家家玉煙月揚州樹樹花乃吳派之卑卑者

詩好官卑顧九華梁鴻溪畔弔殘霞鍾嶸去後殷璠死

玉鹿風流自一家

顧起綸號九華山人撰國雅所居惠山別墅曰玉鹿玄丘即鄒氏愚公谷

濟南文獻百年稀白雪樓空宿草菲未及尚書有邊習

猶傳林雨忽沾衣

邊司徒華泉先生仲子有詩一卷佳句云野風欲落帽林雨忽沾衣又云薄暑不成雨夕陽開晚晴

楓落吳江妙入神思君流水是天眞何因點竄澄江練

笑殺談詩謝茂秦

來禽夫子本神清香茗才華未讓兄徐庾文章建安作

悔教書法掩詩名

香茗賦鮑令暉作以擬馬邢卿慈淨

海雪畸人死抱琴朱絃疏越有遺音九疑淚竹娥皇廟

字字離騷屈宋心

鄭露南海人抱琴而死集名海雪詩多在瀟湘洞庭之間

澹雲微雨小姑祠菊秀蘭衰八月時記得朝鮮使臣語

果然東國解聲詩

明崇禎中朝鮮使臣過登州作

溪水碧於前渡日桃花紅是去年時江南腸斷何人會

只有崔郎七字詩

曾聽巴渝里社詞三閭哀怨此中遺詩情合在空舲峽

冷鴈哀猿和竹枝

九歲詩名銅雀臺三年畱滯楚江隈
不如解唱黃鸝者新自王戎墓下來

白沙江上別家兄西樵赴金陵四首選二

相送方山頭躊躇罷歡晏回首十年中
與君幾相見風葉梁王園煙波揚子縣
同此後夕心楓林暝遙岸

相逢纔一夕揮手復千里隋苑已消魂
誰堪別離此征人眼中淚流作建康水
江水日東流離恨何時已

登金陵

庾家墓上獨澆酒江令宅邊同看花
何處秋風正愁絕

王氏清言金卷三
三
空江潮滿日西斜

登文遊臺放歌

玻瓈江上謫仙人東來萬里辭峨岷熙寧元豐不得意
翩然戲弄淮南春龍圖學士忤權要祥符宰相餘王孫
黃樓一賦軼屈宋無雙國士推髯秦四公相逢向淮海
酒酣耳熱氣益振珠湖三十六陂澤高臺下瞰何嶙峋
錦繡詩篇照天地與臺光景常鮮新雲煙過眼一飛鳥
黃河曲注江東奔人民城郭半遷改此臺屹立當湖濱
惠州僭耳垂萬死後生望古傷吟魂何人請籍元祐黨
至今泚頽慚安民豈如此臺好名字永絕狐鼠芟荆榛

我來遊眺歲幾度溪毛明信古所敦遠帆如鳥樹如薺
湖光雲霧相摩吞嚴冬沆瀣但一氣大雪片片鋪龍鱗
酹公一語公莫嗔作詩一笑君應聞

末卽坡公題
太白像語

紀異行

景泰年中五月雪竹木摧枯麥苗竭如聞雙鶴語堯年
父老流傳尚能說前年辛丑夏雨霜眞州災告連丹陽
壬寅七月海東嘯崇川化作黿鼉鄉今年雨雹殺禾稼
雉臯民徙龍爲殃

有龍見如臯境內
挾巨艦飛空中

冬十一月大雷電百蟲

奮蟄難閉藏天心仁愛有深意洪範何嘗諱災異江淮

連歲困租庸請備他年五行志

三上江言金卷三
夜遇伯璣卽別

聞君返西江崎嶇歲將暮不知秋浦歸復此吳陵遇煙
暝失漁村雪消數江樹怊悵聞荒雞別君立前渡

方山道中二首

沙尾千竿竹清江一葉船春潮來建業暮雪淨長干箭
筍初抽玉刀魚不計錢明朝沽酒去取醉冶城邊
前山白雲外繚繞一江橫漁舍參差見風帆自在行煙
花憐故國湖海寄浮生洗盞船頭坐一聲沙鳥鳴

甓湖舟夜讀渭南詩集偶題長句

少陵不作昌黎死大峨仙人落僊耳渭南老子來堂堂

鬱律蛟龍蟠筆底
半世功名梁益閒
拓弦橫稍劍門關
白頭鏡水江湖夢
夜夜山南射虎還

秦郵雜詩八首選六

夾岸人家短竹籬
鴨頭新綠雨如絲
幾年寒食秦郵路
拂面楊花被酒時

露筋祠前水拍村
平湖水暖生蘭蓀
靈風斜日畫旗捲
時有神鴉歸廟門

濤聲東走海陵倉
蛾子紛紛割據場
三百年來陵谷變
居人猶是說張王

張士誠元末據此

三十六湖如玦環
青蘋風起白銀灣
紅橋四百姑蘇郡

王氏漁村詩集卷三
徑合移來著此閒

前溪柳色碧沉沉醉寫新詞付阿音法曲淒涼鬢絲改
畫衣何處舊泥金

小桃初紅柳垂陰麋社湖中花水深鷗頭十五竹枝曲
不聽歌聲何處尋

茅山進香曲四首

楊俗舟人歲以三月進
香茅山戲爲作進香曲

家住茱萸灣復灣年年三月上茅山白沙江邊吹笛去
赤山湖上賽神還

遙指三峰次第青五雲深處擁雲輶猿啼日暮神靈雨
知是茅君欲現形

雷平峰前雲氣開池中隱約起風雷何人戲取華陽劍
真割乖龍左耳來

江淮兒女愛孤篷水宿煙餐西復東但祝茅君賜安穩
年年不怕石尤風

冶春絕句二十首選八

同林茂之前輩杜于皇孫豹人張祖望
程穆倩孫無言許力臣師六修禊紅橋

酒閒賦
冶春詩

今年東風太狡獪弄晴作雨遣春來江梅一夜落紅雪
便有天桃無數開

紅橋飛跨水當中一字闌干九曲紅日午畫船橋下過
衣香人影太怱怱

東風花事到江城早有人家喚賣餠他日相思忘不得
平山堂下五清明

坐上同矜作達名畱犁風動酒鱗生江南無限青山好
便與諸君荷鍤行

海棠一樹澹胭脂開時不讓錦城姿花前痛飲情難盡
歸臥屏山看折枝

當年鐵礮壓城開折戟沉沙長野苔梅花嶺畔青青草
閒送遊人騎馬回

寂寂園林花覆苔停撓休遣棹歌催桃蘇髻子新梳掠
三五池亭鬪草來

故國風流在眼前鵲山寒食泰和年

元遺山濟南詩句

邗溝未似

明湖好名士軒頭碧漲天

時祖望談吾郡山水之勝名士軒在明湖曾子固守郡時所作

春杪登平山堂眺江南山

鱖魚出水浪花圓北固樓前四月天卻憶戴顓山戶裏
櫻桃風急打琴絃

送彭十羨門遊粵二首

大姑彎彎眉黛長小姑窈窕宮亭粧三日潯陽風信好
雙姑早晚嫁彭郎

萬里南荒弔尉佗芭蕉林裏越禽多好將延露新翻曲
乞與珠娘蹋臂歌

登雞鳴寺

雞籠山上雞鳴寺紺宇凌霞鳥路長古埭尚傳齊武帝
風流空憶竟陵王白門柳色殘秋雨玄武湖波澹夕陽
下界銷沉陵谷異楓林十廟晚蒼蒼

雞鳴寺眺後湖

魚鳥華林路渟泓復此湖三秋人易怨八代感何殊蕭
寺寒聲急鍾陵返照孤塘蒲今已晚憔悴庾肩吾

烏龍潭

杖策陵岑椒空潭暫遊目四山積空翠一水蕩寒淥秋
色澹楊柳映波如膏沐輕颺悴菡萏散作迴塘綠潭南

多隱居茅茨帶水木罌愚吹落花蠨蛸網新竹雲景翳
林園鐘磬閔幽獨平生畏城市蓬藿思空谷儻遂一丘
心詎羨八州督

卞忠貞公墓下作

松柏何蕭蕭云是卞公墓背踞冶城顛前臨大桁路緬
昔永嘉時流人競南渡舉國扇清言作達相矜慕惟公
執鄙吝巖巖如峰距一朝荒倉來旌飛歷陽樹取節慚
王公種薤笑諸庾堂堂卞將軍授命青溪渡父子忠孝
俱大節光國步快意溫平南屨及雷池成一戰翦長鯨
鐘簏仍如故握爪識忠貞死綏表風素英爽載雲旗陟

三石齋詩集卷三
三
降神靈雨咫尺袁司徒異代同金鑄

題靈谷廢寺

爲愛蔣山山色好
筍輿終日不逢人
杖藜入寺花扶屐
巖谷迎秋雨墊巾
王舍城中荒草遍
樂遊原上野麋春
誌公衣履今還在
苑外悲風臥石麟

宿長干寺

支公邀我宿清夜
開南軒龕燈照維摩
跏趺寂無言下
簾啓北牖山夕煙
景昏中夜微風作
涼雨灑林園宿鳥
稍驚起時聞嘉樹
喧枕簟生夕涼
鑪香歇微溫勞生
疲
津梁聊息應對煩

雨入高座寺

山雨滴清曉山僧門未開六朝高座寺千仞雨花臺近
壑流清梵長廊覆碧苔偶然問禪窟詎似鬪場來

六朝松石歌贈鄧簡討

壽陽太史好奇古邀我來觀六朝之松石不辭重墊一
角巾此生當著幾兩屐入門大叫走欲顛袍笏淋漓狂
太劇蟠根近連瓦官寺吹香正鄰虎頭宅蒼皮黛色磨
青銅老幹樛枝拓金戟蕭梢上摩白日暗輪囷下瞰蒼
煙積千年爲醫誰得見已有脂香化靈珀石勢嶙峋不
相讓元氣盤盤絕繩尺蒼苔剝盡元祐字

石有溫公題名

劫火不

受陳宮厄

陳叔寶三品石

終南太華若在眼咫尺壺中苦崩迫誰

遣史書宋星隕將無神受秦鞭斥晦冥豈非鬼物庭風
雨當防巨靈擘王謝衣冠失江左齊梁人代成今昔建
康宮殿幾青燐此石此松閱朝夕一物亦荷皇天慈懷
古茫茫百憂集擊琴欲罷且高吟謾謾寒風灑巾幘

荅朱錫鬯過廣陵見懷之作時謁曹侍郎於雲中
桃葉渡頭秋雨繁喜君書札到黃昏銀濤白馬來胥口
破帽疲驢出鴈門江左清華惟汝在文章流別幾人存
曹公橫槊懸相待共醉飛狐雪夜樽

金陵曉發

月落驃騎航潮生鎮西宅濛濛遠林樹煙景紛如積煙
際下漁舟樹杪帶行客何處金陵思秋江葦花白

夜登觀音巖弘濟寺贈終南融道人

登臨建業暮鐘時楚客憑高一寄思森森寒潮孤鳥去
冥冥微雨數帆遲遠江人語驚山鬼方丈燈明叩導師
借問龐眉老尊宿空山雨雪是前期

泊朱家嘴

纔聞弘濟鐘忽見方山樹白浪何茫茫寒蘆自相語旅
客不成眠臥聽空江雨

王氏漁洋詩鈔卷三終

王氏漁洋詩鈔卷四

夜泊江口聞笛寄家兄

雲水正寥落，笛聲何處生。
颯然秋思滿，不覺有離情。
涼月閣邊水，西風江上城。
何須武溪曲，辛苦怨南征。

江上讀韋詩作

彈琴向空江，夜靜見江月。
水波正遙裔，河漢坐超忽。
五絃泛波濤，餘音散林樾。
沙邊鶴唳遠，煙中人語歇。
何處楚山青，孤帆遠將沒。
獨有韋郎詩，依依伴清絕。

瓜步鎮渡

秣陵方悵望，瓜步屢迴泂。
漁浦連江口，歸潮落渚田。
風

三日清江言金卷四
帆入空靄雲木秀通川一聽濯纓曲深知漁父賢

宿弘濟寺

名藍敞積翠遙夜開禪關山半聞清鐘夢覺心亦閒飛
雨灑江介流雲滿空山五載復投止塵勞慚昔顏

瓜步道上感成寄西樵先生

烏柏紅梨漸有霜雲山頽澹滿斜陽一行新鴈滄江闊
十里西風杜若香飽及侏儒臣朔死放來正則子蘭狂
與君南北愁俱老下澤何年返故鄉

枕上聞鴈懷家兄二首

年來畏作寄兄詩吟不成聲萬淚垂信有車輪腹中轉

誰憐石闕口銜悲綿綿夜雨傷神日寂寂高齋聽鴈時
午夜旁皇攬衣起附書一寄老坡知
重陽風雨又漫漫揚子潮迴木葉殘問事經時稀北客
思兄何日脫南冠黃楊巧厄偏逢閏松柏難凋且耐寒
最苦魂飛湯火日淚痕持寄卯君看

召伯斗野亭懷古寄于皇

蘇公與少遊莘老諸公賦詩地

斗野亭前望平楚依然遠碧水連空羣賢翰墨思元祐
六代風流續謝公蟹舍蕭條楓柏外漁蠻煙火狄蘆中
詩成吟望無人會寫寄黃州杜水東

于皇詩馮將骨與青山誓老號詩人杜水東

舟中卽目寄招西樵先生

時初蒙恩宥

三石齋詩集卷四
二
慚愧滄洲漁父賢
枳花門巷枕清川
翁孫竹向沙頭長
子母鳬來舍後眠
何氏弟兄今已老
柏臺魂夢苦相牽
須知菰米江東美
待詠槎頭縮項鱸

黃子久王叔明合作山水圖歌

有客示我七尺練
云是黃王之合作
粉墨駁蝕神淋漓
巖谷高深氣盤礴
長林巨壑來畏佳
飛鳥流雲去寥廓
空堂白晝生風霆
飛瀑千尋競噴薄
老松撐突夜叉臂
怪石縱橫驚鸛啄
澹如閒衲洗鉢坐
怒如將軍拔劍斫
石稜松鬣若無路
忽向青冥得樓閣
峭壁無梯爰臂絕
天外孤茅誰所縛
將無洪谷與關雎
筆有琴心師賀若

滿堂動色神悄然題字依稀辨黃鶴吳興清遠鷗波亭
家法賢甥宛如昨意匠慘澹經營成范緩倪迂大張拓
富春老人年九十煙雲供養窮三樂扁舟訪舊雪川來
偶從縑素論丘壑爲添樵逕螺髻旋遠峰一角空中落
遠人無目樹無枝妙解通靈失糟粕吳興富春幾百年
此意天然殊斧鑿山人癖如阮宣子蠟屐猶堪代芒屨
惜無劉尹買山錢苦向畫圖耽寂寞此中三日容坐臥
便擬拂衣永棲託明年借汝春晝閒梅老無花竹生籜
白沙江上雪卻寄家兄揚州

停舟揚子縣支枕夜寒侵人語煙初暝雞鳴雪漸深江

天多曠望漁浦極楓林不見梅花閣煙波愁暮心

鑾江大雪歌寄家兄西樵

夜聞觱發曉瀼潏衝寒四顧江天朗雲氣欲壓揚子津
濤頭直突仙人掌平生愛雪勝瓊貝況復橫江發奇賞
朔風獵獵犯貂裘急霰霏霏灑烏榜大澤蛇龍避寒蟄
高天鵬鵠盤空響江南羣山張畫屏玉笏嶙峋袤百丈
隔江心馳茅山洞咫尺波濤絕來往遙憶茅家好兄弟
驂鸞騎鶴三峰上學仙不能且學劍耳後風生致慨慷
西郊大道接符離霹靂鳴弓穿宿莽玉䟽神驅氣清峻
金毛胡鷹颯蕭爽雄狐狡兔那得避雨血風毛灑原壤

橫吹聲中歌競病據鞍盤稍真吾黨歸來一笑臥煙篷
浙浙江風吹五兩

真州北郭卽事

同雲壓江城曉出真州郭郭外斑竹林風吹殘雪落

曉次盱眙用韋韻

宵征望煙火際曉投山驛漁市連浦橋風帆競朝夕山
從淮楚青水下荆揚白誰識越鄉心棲棲廣陵客

南將軍廟行

在泗州南公
霽雲乞師處

范陽戰鼓如轟雷東都已破潼關開山東大半爲賊守
常山平原安在哉睢陽獨遏江淮勢義激諸軍動天地

時危戰苦陣雲深裂皆不見官軍至誰歟健者南將軍
包胥一哭通風雲抽矢誓讎氣慷慨拔劍墮指忠輪囷
賀蘭未滅將軍死嗚呼南八真男子中丞侍郎姚公閭也同日
亡碧血爛斑照青史淮山峩峩淮水深廟門遙對青楓
林行人下馬拜秋色一曲淋鈴萬古心

蓮塘薄暮懷石步黃子

薄暮蓮塘驛山家正夕炊憶君殘雪外疋馬向鍾離

奉酬西樵先生閣夜聞鶴垂示之作

楚江煙鶴鳴風雪蕭蕭夜十載別離心相對寒燈下

送家兄西樵遊黃鶴山

抱琴向黃鶴言訪戴公家山路霽春雨遠江明落霞風
吹石楠樹露泣櫻桃花明日西津渡從君問釣查

家兄信宿焦山有寄

聞君遊松寥託宿招提境佇待江潮生茶香酒初醒松
風流夕梵蘿月散清影暝坐歸鳥稀晚飯鐘魚靜昔遊
不可忘夢向焦仙嶺

焦山古鼎詩三十四韻

曉入枯木堂怪禽驚翩翩清露滴松杪下見古鼎蹲寶
光耀昆吾中有飛廉魂上文爲雷回下文爲雲紘獰狀
饕餮伏兵氣蚩尤昏辛壬與丁甲世次迷夏殷初疑周

虎彝復惑虞雉敦尊從不可辨牛豕誰能論瑰怪壓綠
鼎譎詭旅紀魘蛟龍雜蚪蚪五指不敢捫在昨想鼉鼉
識字驚蜥蜴月黑鬼神泣峽束波濤奔籀書失趯趯斯
篆摧窺輶爰歷邁府令凡將駭文園史游久已歿皇象
不復存甄豐與董道抉剔窮本根不遇博雅流孰爲洗
煩冤諒比岐陽狩或同泗水淪山僧與道古感激聲還
吞分宜昔枋國氣勢傾崑崙斯鼎出京口上燭光綢繆
役使萬指衆負戴千蹄健大哉宗廟器詎屑豪貴門威
力鎮禪窟寂寞歸祇洹午夜鳴鐘魚清晝啼林猿閱人
恆沙劫如彼蟲在禪我昔訪焦先望氣齡不言五年隔

揚子無翮思騰騫吾兄癖好古八書探河源三日松寥
遊坐臥忘囂喧扁列析螺書卷尾搜蠆文作爲奇偉辭
大海搏鵬鯤春江壯風霆響激雲濤渾三歎繼高唱海
門上朝暾

上巳辟疆招同潛夫其年亦史山濤修禊水繪園
十首選五

碧琉璃上雙玉壺蘭橈宛轉沿春蕪未傳洛下羊酪法
且醉淮南櫻筍廚射雉城中煙景暮流鶯喚人且須住
回頭笑謝襄陽兒詎可搖鞭背花去

平山堂下五清明

甲辰紅橋賦
冶春句也

草長鶯飛無限情不怪老顛

三
日
江
言
金
卷
四
六
裂風景名園上日相逢迎銀箏初彈阮初擘此夕畱髡
應十石春衣明歲杜陵遊憶汝狂歌拓金戟

暮春三月爲水嬉棠梨葉大山禽啼田家社酒壓缸面
雪白橙香玉練槌夜聽醉頭滴春雨曉報提壺如潑乳
醉鄉大戶百分空起喚花奴自撾鼓

谿谿一逕略徇紅地肺疑與朱陵通沅湘春水蒲桃綠
江蘿蘭杜愁煙空主人少年登嶽麓祝融峰頭幾迴宿
七十二峰羅戶庭日汲湘潭然湘竹

西樵山人剡中去古益山人廣陵住漁洋山人來東臯
三日三吾對芳樹人生聚散不可忘且須痛飲累百觴

名山遊罷共歸老笑玩麻姑手爪長

上巳後二日吳陵舟中雨霰甚寒因懷家大人與
家兄已次吳江

小雪春陰水上城背篷獨聽短長更吳船此夜松陵驛
又過姑蘇一日程

再泛水繪園看月作

林塘自幽映況復清夜月輕舟漾浦潏習習涼飈發竹
深禽響亂徑僻人蹤滅島嶼已千尋川涂更百折月影
散水木光景紛奇絕孤篷泊煙霜澄懷抱冰雪我有素
心友掩關事禪悅嗽粥日消散觀道離言說示我秋水

王日清詩言金卷四
篇邈然寄寥次遠寺傳鐘魚空山鳴蜻蛚流連印渚遊
惆悵林中別

雨夜懷其年園居

久客春向暮歡遊罷不適孤館歇清漏臥聞春雨滴暗
蛩吟幽草寒燈耿虛壁念我同心人咫尺何由覩雨聲
湖上來蕭條散蘆荻此時掩關臥應聽林閒笛

雨登湘中閣眺望

曠望臨清湘楚天夜來雨合沓連江潮空濛散洲渚野
鳬濕不飛墟落遠堪數漁榜公迴谿停撓飯孤嶼不見
煙中人但聞煙中語

眞州天寧寺

修竹有微徑朝日莓苔痕塔影落煙郭經聲殷寺門簷
鈴風中語江燕雲際喧心清無住著遂契無生言

牛首同方爾止

天闕迢迢畫不如松陰一道入清虛稻花風外聞山磬
田水聲中度筍輿白氎書藏雙樹裏赤髭僧記六朝餘
龍眠詩老能招隱兜率巖前擬卜居

登天闕望金陵懷古

我登牛首山天闕何厓屨上造青雲端下瞰無端倪壯
哉六朝都佳麗誠在茲龍虎氣盤鬱將相羅雄姿緬思

赤烏年爰逮太元時五馬浮渡江一馬獨權奇桓桓始
興公幕府陳軍麾懿此帝王宅雙闕衛京師青山似洛
陽大江環四垂智力邈千載興廢如奕棋江山看不殊
俯仰自生悲北眺元武湖蔣山虧蔽之博望峙西南列
戍多旌旗時清異偏安憑弔將奚爲落照橫江流萬里
天風吹壯心不可已淚下如綆縻

中峰澗二首

中峰新雨後石瀨濺人衣時復長松下山僧夜獨歸
石流經屢涉迢迢還獨往舉頭望中峰猶在青霞上

德雲菴曉起

宿鳥驚寒解報更夜聞林雨達天明迢迢絕澗千重瀑
寂寂中峰一磬聲

雨中將往華山同爾止坐紫峰閣

寂歷山中雨僧房晝掩門還來紫峰閣解帶共清言危
溜千巖落中峰一澗喧誰知江令宅今是給孤園

龍潭登舟棲霞僧相送

昨朝山中雨惆悵中峰別回望上方人雲嵐但明滅龍
潭復相送江晚潮如雪瀏瀏巖際風皎皎波閒月世外
本忘情幽懷無斷絕終卜僧紹鄰長茲味禪悅

江行迴望攝山絕頂

順流快張帆北風利夕渡臥聞舟人語遙指棲霞樹絕
頂見茅茨正在雲生處昨爲攜筇客心知籃輦路復茲
局務牽悵別青山去

金陵輓陳士業徵君四首選二

昨朝揚子縣遠接豫章書五字詩殊妙三都序不如士業序余

論詩絕句人來青溪曲葉下白門初再有西江信真成腹

痛餘

板蕩崇禎末先生宰晉州中山翻得謗孟博竟同收歸

隱康王谷讀書章貢樓君所居曰章貢讀書樓悲哉耆舊盡流水咽

三洲

高寶道中再別追送諸故人

白蘋洲長鳥倦飛
煙中鴉軋櫓聲稀
暫時並舸珠湖水
卻恐船頭逆浪歸

寄宗定九

東原讀書處夏木紛成結
江潮門外落煙岫
牕中列誰言謝公
埭復作零陵別懷中團扇詩
睠此清秋節

沂水卽事二首

沂水清不極
沂山如畫屏
行人秋色裏
終日對空青
清流映文石
大可羅胡牀
白鷺翻飛去
前溪應更長

穆陵關南作

三日沙洲言金卷四
煙火田家曉秋清望不稀溪聲接東莞山翠滿臨沂

分賦得館娃宮送子吉編修歸吳

館娃宮中花蕊紅美人白紵嬌春風館娃宮中煙草綠
蝴蝶雙飛井欄宿回首穠華能幾時羨君一舸逐鷗
五湖淼淼煙波闊何處黃金鑄范蠡

又賦得角里村

笠澤濛濛水煙夕細雨丹楓浪頭白先生去後幾千年
角里之名今尚傳玉堂晝臥夢煙水卻挂扁舟尋角里
我亦江湖舊散人尊鱸思逐秋風起

昭陽顧符稹畫棧道圖歌

顧生畫學李思訓九工棧道兼騾綱丹青金碧妙銖黍
近形遠勢窮毫芒褒斜山色一千里子規啼處煙蒼蒼
女郎祠邊人跡絕但見哀猿連臂叫嘯青崖傍江水如
油下南鄭閣道似髮通陳倉紅氍毹背笠覆首人物結
束疑唐裝車馬班班入雲際如蟻緣垤相扶將秦川渭
水望不到蠶叢直上天茫茫仰家扇子冰雪色一莖斑
竹磨瀟湘如何方寸懷袖裏宛然置我蜀道青天長揚
一益二古天險譙周鬻國謀非臧阿瞞四紀作天子青
騾西幸何倉皇三十年來蜀道塞況從古史論興亡因
君妙蹟發遙慨如聽鈴聲替戾岡

三民詩言金卷四
趙雪江畫

以下九首青州爲櫟園雜題畫冊選五

山如十斛新螺子柳映雙谿舊鴨頭
圩外秧針初刺水鰲魚時節坐扁舟

鄒喆畫

山深樹色變黃綠天高石氣摩青蒼
何人寫著盧鴻乙便是終南舊草堂

胡元潤畫

白波青嶂非人境憶住江南過五年
今日長征老鞍馬菰蒲春雨夢江天

八冊小景

八冊西風曉鏡鋪家家網得四腮鱸水鄉風味江南思
何日扁舟鶯脰湖

石谿畫

慈竹林中一徑微曾尋石窟叩禪扉雲山舊衲渾忘卻
欲借僧雛壞色衣

題李御史水亭

野夫乘興坐水閣鵲沙燕參差飛煙中人語釣船過
昨夜雨來蘋葉稀角里昔遊那在眼魯陂舊業空懷歸
棹歌一曲杳然去夢向滄江漁父磯

荅曹淡餘廷尉送梅之作兼示令兄升六解元

江南雪霰春凌亂憶向蟠螭穩泛舟雙屐曉穿光福樹
萬株香壓太湖流瑤華久別應無恙佳句遙傳一畔愁
竹屋紙牕燈火裏與君斟酌話前遊

送陶季之潞州

先生昔日登武巨鐵船峰頭看奕棋中冠離支三百顆
酒酣自擘輕紅肌峰頭爛睡忘甲子坐笑曾孫生白髭
張帆伐鼓下黃鶴欲濫三湘窮九疑披襟蘭臺發高唱
快哉不辨風雄雌平生名岳屐齒遍風塵京雒嗟衣緇
投我奇文浩千頃蛟龍大澤纏躩踞謂我四海一知己
譬若莊休從惠施高齋茗飲坐清晝風爐活火分槍旗

我時無事似犀首酒鱗浮動銀畱犁豐臺紅藥花照眼
驪駒忽告將西馳壯心猶作驥伏櫪適志無如泥曳龜
我聞上黨天下脊當年潛邸傳臨淄飛龍荒宮沒煙莽
斷碣髣髴開元詞紛紛梁晉夾河戰鴟兒萬騎陳軍麾
錦囊負矢盛意氣歌聲慷慨畱三垂時平不用弓箭手
空老昭義千熊羆戰場下馬問亭長鬼燐颯颯寒飈吹
君家草堂臨射陂門前五柳藏東籬何時單舸徑歸去
北牕高枕談黃義

送楊東子孝廉歸廣陵兼寄費此度

淮南三月春江綠遊子歸帆指江曲客路驚逢黃鳥新

到家正及櫻桃熟楊郎風調絕世殊少年能讀等身書
手將玉麈都無別瓊樹瑤林定不如去年壯遊輕萬里
灩澦瞿唐片帆耳崢嶸赤甲羅胸中突兀黃牛壓篷底
司馬橋頭駟馬歸杜陵花發試春衣長安官舍一杯酒
卻憶揚州初見時揚州城西蜀岡路猶記當年冶遊處
歸語成都賣卜人乘槎欲訪支機去

楊費皆成都人寓淮南

送沈康臣歸越中兼寄姜鐵夫

鏡湖五月蘋風涼蜻蜓著水菡萏香越女如花棹舟去
一曲前溪能斷腸沈侯詩瘦如東陽家臨鏡湖開草堂
野艇晚釣語黃帽北牕春雨抽蒼筤會稽竹箭天下良

僑盼更出菰蘆鄉一朝來摩烏集闕蹴踏枚馬提班張
羽林伙飛識名字落筆觀者如堵牆紙尾一鷺萬金直
題肯定須煩庾郎持梁躍馬有底急羨汝墨妙工文章
櫻桃紅過棟花老潞河曉峭千帆檣榜人長嘯指於越
衣冠送客臨高梁白魚入筯淮楚近綠橘照眼吳山蒼
吾友姜梗與君厚寄言別夢南天長安得與君夾清漳

張南周北劉中央

用南
史語

膠東張雉畫葛洪移家圖歌

下簾臥清晝遠夢生羅浮覺來北堂上素練橫滄洲依
稀三萬六千丈風吹絕壑紅泉流何人攜持雜負戴全

家避地來山幽先生身騎烏犢牛丹雞白犬隨行輶鮑
家小女兩丫髻手把芙蓉居上頭惠懷之際那可道萬
乘不洗金墉羞王家寧馨失三窟華亭鶴唳悲清秋回
首銅駝洛陽陌名士對泣新亭囚伏波將軍不受賞丹
砂欲就來交州大鵬詎可伍鷦鷯跛鼈坐笑追驂騑張
生妙筆擅黔陬令我逸興生丹丘夙昔讀書慕仙意望
而不見中心愁十年婚宦願麤畢青鞵快作逍遙遊刀
圭爲我畱井竈此生未作坳堂舟

送耿十三承哲赴高州推官

何代名藩地軍城遍草萊轅門飛鳥落行殿野棠開感

激碣州蹕悲涼洗氏才撫時思將略巾幗亦雄哉

送同年袁秋水僉事覲事畢歸甘州

白馬黃金柑蹀躞思邊疆河西四郡天萬里中分弱水
臨河湟漢家天子重邊冊大開張掖連燉煌陽關以西
盡亭障屬國一氣通諸羌遠求汗血歷絕域玉門使者
遙相望輪臺之悔復何補弛刑十萬空雄張苜蓿離宮
待天馬蒲桃大郡酬伊涼至今祁連古邊塞控弦士馬
多精彊衙帳雲屯雜回鶻部落星散延燒當當年武皇
用兵處傳烽高並天山長祭酒布衣諸生耳虎頭食肉
何昂藏紅鹽池邊開幕府羌女如花羅酒漿安西都護

三日清言金卷四
受成事戍己校尉停秋防使君能令金作粟使君能使
馬如羊使君今且爲急裝還報 天子開明堂特賜安
車圖未央五星歲歲臨東方

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花紅明
鏡生瀟照清流澹惠風別來一千日相見膽瓶中

魯連陂上路十里白蓮花遙夜孤舟泊無人山月斜斷
橋三汊水籬落幾漁家津市垂楊岸何人繫釣查

過草橋橋西二水清濁劃然至橋東乃合流土人
云清者自西山來濁者渾河也

垂楊匝地板橋橫沙路青驢得得行偶坐濠梁忘日暮
可憐泉水在山清

朱錫鬯自代州至京奉柬一首

短後曾將代馬騎談兵絕塞偃牙旗錦囊舊事悲唐壘
碧玉春流寫晉祠燕市雪深衣褐敝吳江楓冷酒船遲
鴛湖若買三閒屋得便從君下釣絲

朱有晉祠
記最工

送座主蒲州公祭告北鎮二首

閶闔晨開遣上卿玉函金簡下承明貂裘雪壓遼西郡
虎跡秋高右北平山指醫閭盤重鎮江迴鴨綠抱神京
渝關楊柳初搖落橫吹聲中出塞行

風雲莽蒼黯平蕪直指營州接上都九塞東來圍朔漠
羣山北折走徐無勁鵬晚日摩霜磧老馬當年識霸圖
喜見太平新望秩神光初起萬靈趨

世祖章皇帝御畫渡水牛戲以指上螺紋成之賜中官

某臣從黃州通判臣宋犖得觀恭賦一章

章皇握乾符武功燁旁魄孚齋

世祖宮中遊息之地

春晝長遊藝

睠圖籍泉壑窮窈窕煙雲羅幽蹟寶繪賜近臣往往等

球壁常從青箱堂

禮部尚書王公第

奎藻覩赫奕營丘及河陽到

眼堪一擲想見憂勤暇勝情寄山澤戲作渡水牛生態
妙盤辟肉怒垂星圓筋突陰虹直脰似滿黃鐘角堪扣

白石彈指九牛毛森疎如刻畫水波稍演迤浮鼻未沒
脊髣髴綠楊風掩映春蕪碧神武十八載文教洽重譯
干戈與弓矢包用黃牛革小雅賡宣王爾牛何濕濕旄
旗牧人夢考牧周官職應知翰墨餘與世登衽席龍髯
去已遠謳思遍荒僻雲漢爛天章典謨布方策 聖主
念紹庭率由正無射小臣沐皇風流涕記飛白

送宋牧仲歸黃州

詞賦梁園憶勝遊一麾雲夢澤南州三分誰似周郎少
九辨深知宋玉愁烏鵲南飛河漢轉大江東去古今流
山川如此容高嘯羨汝黃泥坂下舟

送楊鄂州職方奉

詔安南

時國王黎維禧侵奪都統使
莫元清高平地故有是命

于闐玉帶橫腰身猩紅袍蹙金麒麟使者青霄下千仞
旌節遙臨日南郡日南郡縣古交州唐家都護天南頭
大長叩關奉朝請比于佩印爲通侯咫尺高平亦王土
誰使穴中鬪羣鼠要令萬里靖烽煙先見兩階列干羽
楊郎意氣不可當談兵畫省神揚揚雄才常擬略印笮
壯心更欲規河湟此去烏蠻過銅柱曾是伏波用兵處
卽看金馬獻彤庭不用飛鳶愁毒霧朝來祖帳城東門
羣公冠蓋如雲屯虎頭食肉志亦得新婦帷車安足論
六月十二日喜雨晨起爲錢宮聲題周靜香長橋

煙雨圖

松枝麈尾壁角懸桃笙火出晝不眠長安五月旱太甚
自郊徂宮空告虔昨宵新涼生枕簟五更簷溜聲奔泉
大江萬里瀉春漲濤頭泛泛何滇滇豁如毛摯去酷吏
身傳兩翮思騰騫坐憶江南此時節流水泱泱鳴稻田
錢郎打門送急遞鼠鬣煤尾交雲煙青松短壑妙結構
高崖巨瀑紛鉤連長橋煙雨更奇絕空濛似欲無山川
濕篷折疊緯掠水黃泥曲岸相夤緣江南舊遊入夢寐
彷彿五湖春水船錢郎自號五湖長此圖日在衡門邊
胡爲歛段來長安披裘帶索履後穿我欲與君同扣舷

青簑窮笠隨長年詩成閣筆一笑粲簷前急雨衝回旋
金籠鸚鵡曲

隴上黃鸚鵡紅味金毛衣渴飲隴阪泉倦飛隴樹枝安
西邊將好遊獵可憐誤入君罟罟黃金作籠大秦飾萬
里作供來京師回首隴上雲去去從此辭漢家天子賤
異物開籠詔放鸚鵡歸鸚鵡歸鳳凰來紫庭阿閣當儀
之

廢宮曲

小車何檻檻大車何哼哼陂陀如上天千夫力竭萬牛
奔車上何所有雕楹畫桷盤龍蹲昔日帝子全盛時高

臺邃宇檻層軒方連刻網戶曲瓊懸朱門一朝人事浮
雲變歟如風裏霜蓬根東邸青棠雨中折西邸泉聲去
嗚咽飛藁旭日起重城戟門初開聞角聲

沙民歎

沙洲連袞幾千里昨日高門今廢址稻黃如雲不敢收
欲獲恐遭君馬箠朝來官長親驅逐雞狗無家苦遷徙
東鄰西里半燒焚微命何堪驅螻螳連江大帥如雲屯
紅旗金印開轅門江頭戰鼓一聲動中堅魚爛前狂奔
但願盧循徐覆一朝死身同精衛填海水

巫山高

巫山高高際天蜀江駛如箭吐弦山高江深自終古世人誰知五丁苦五丁力盡黃牛死巫山蜀江險如此開府下令求朱提萬人委命當蛟螭山崩石壓水深黑毒龍腊人如脯糜貝闕龍堂萬靈怪何輕民命爲水嬉安得五丁更生黃牛出開山獻我金百鎰使我遺黎返家室

愁霖行

歲在涪灘陰氣凝愁霖不絕如貫絙江星動搖陽景匿蝦虹閉藏潦霧增玄駒戴粒蟻封穴白躋涉波豕出繒恢台變節百草死縱有紈扇須何曾立秋八日又七夕

不見河鼓低玉繩肅時雨若哲燠若此事無乃非休徵
今年災異亦太劇延慶早魃嗟頻仍太白失舍晝不入
白青夜見生芒稜左輔銅龍翻地軸川竭水涌騫高陵
汝南桑田化滄海洧淵白日蛟龍騰我讀劉向五行說
天意人事如相乘渙梁之會書地震龍鬪於鄭梁山崩
吁嗟盛世詎有此胡爲變易違其恆何時扶桑日東升
重霾一掃天宇澄野人爛睡曲兩肱晨炊不復愁薪爇

竹枝三首送陸冰修

白翎雀飛山雪寒譜入琵琶馬上彈沙鷗鷗春江上
蘆葉青青水滿灘

北人不識竹枝歌
沙磧春深牧駱駝
南人苦憶江南好
明鏡夾城春始波

才過蘇州是秀州
垂虹亭下水爭流
吳山的的如迎客
吳女摻摻解蕩舟

爲王山史賦獨鶴亭

園林華山下水石
遠人閒獨鶴來
江海蕭然相對閑
博臺殘雪散仙掌
片雲還騎向三峰
頂遙遙不可攀

奉荅蘇門孫徵君

戰地山河改中原
耆舊存嘯歌
惟甕牖今古一
蘇門伏臘畱田舍
羲皇到子孫
悠然太平世
嘉遯老丘園

再送吳雯歸中條二首

二月春蕪綠紛紛蝴蝶飛花朝逢暮雨寒食減征衣道
路誰知己登臨不當歸中條多水竹此去掩荆扉

愛汝王官谷他年擬借居三峰當戶牖五姓足樵漁田
舍堪懷古茅茨宜讀書獨憐身手好歸去注蟲魚

中條山下有五

湖姓

雙劍行孫退谷侍郎席上作

其一魚腸其一有銘云吳季子之子永寶用劍凡九字

延陵季子不忘故千金之寶帶丘墓我聞此語餘千年
何來虎氣騰重泉天精下觀罔兩伏雷公擊橐蛟龍纏
古綠光射人瓜皮出土爭新鮮錯落黃金書列星明滅

三民詩言金卷四
三
蒼浪天五步殺一人易如削豚肩又有古魚腸形製殊
蜿蜒貫甲洞胸不濡縷立戟交軋如浮煙幽州十月風
折綿雪片墮地飛烏鳶是時看劍夜置酒快若渴驥奔
長川句吳舊事足感激悲來清淚忽潺湲延陵已蹈子
臧節誰令密室生戈鋌太湖魚炙事亦逆蘇臺鹿走今
誰憐鱗諸要離匹夫耳屬鏤之賜吾悲焉孫公八十目
如電博古直擅歐劉前爲公作歌驚四筵烏尾畢逋河
漢懸燈明酒盡雪亦止回看劍氣相騰旋

徂徠山下田家

行行空翠裏明晦更多姿碧樹通村路青山向嶽祠林

深雞犬靜雨足隴苗滋他日龜陰稼躬耕亦不遲

題尤展成新樂府四首選二

南苑西風御水流殿前無復按梁州飄零法曲人間遍

誰付當年菊部頭

展成樂府順治中曾進御覽

千金七首土花斑兒女恩讎事等閒他日與君論劍術

要離塚畔買青山

題黑白衛傳奇

雪中寄宗定九東原兼呈司勳先生

一冬不雪春融融江梅岸柳俱空濛黃紬衾暖睡初足
起看牕紙何瞳矐蠻奴失喜縛雙帚走報玉戲勞天公
開門三寸沒階砌拂空六出縈簾櫳舟膠浦凍人跡絕

天色慘慘雲而風銅餅筑響蟹眼沸地爐火熱獸炭紅
故人昔寄東原圖漁灣窈窕橋梁通駛雪固佳霽亦好
草堂正與圖中同蕭晨畫雪復好手能以粉墨摹虛空
前年幽州大風雪馬毛如蝟鳴雕弓白檀山高鷹隼疾
狐兔殺伐無畱蹤故人再寄蕭郎畫寒江釣雪推煙篷
展看忽憶東原客醉吟禁體追潁翁適客江淮意不樂
悵望百里無由逢何當笊簪挂驢背踏雪直過東原東
冬日讀唐宋金元諸家詩偶有所感各題一絕於
卷後凡七首

元和碑版照千春孔鼎湯盤跡未湮今古才人困箕口

祇應牛斗不能神

退之

星宿羅胸氣吐虹屈蟠兵策畫山東黨牛怨李君何與

青史千秋有至公

牧之

慶曆文章宰相才晚爲孟博亦堪哀淋漓大筆千年在

字字華嚴法界來

子瞻

一代高名孰主賓中天坡谷兩嶙峋瓣香只下涪翁拜

宗派江西第幾人

魯直

射虎山南雪打圍狂來醉墨染弓衣函關渭水何曾到

頭白東吳萬里歸

務觀

載酒西園追昔遊畫欄桂樹古今愁蘭成剩有江南賦


王日漁詩言金卷四
落日青山望蔡州


裕之

漢庭老吏果無慚
揭後揚前總未堪
愛詠君詩當招隱
青山一髮是江南

伯生

王氏漁洋詩鈔卷四終






PL
2732
A56
W3
V.4
王氏漁洋詩鈔卷五

送劉生赴甘肅二首

江南春正好此別草萋萋到日涼州曲秋風雜鼓鼙河
源來大夏雨雪度安西夢裏吳淞水鄉書醉懶題
羨君書記好結束去翩翩路轉湟中粟人耕磧裏田飛
書摧党項憑軾射蠻羶未羨通侯貴移封近酒泉

題施愚山少參賣船詩後

國家急廉吏將以風百寮如何十年來吏道紛吳敖哀
哉此下民鞭朴分安逃魯山與陽城斯人竟難招江西
飽亂離白骨填蓬蒿石田廢不治遺黎雜山魃一二老



寡妻熒熒困征徭昔者數守令爲政嚴風飈峻令盛誅
求細不遺齟齬金玉競輦致樂哉共宣驕憲府前上壽
鞠脰一何勞公堂侮下民意氣一何豪寡妻哭向天血
淚埋荒郊亂後幾子遺乃以資汝曹是時宛陵公持節
吉臨交爲政貴簡易潔已先清脩放衙苔蘚淨飛鳥營
其巢賦詩彈子嶺慷慨同石壕白鹿與青牛斯道誰鼓
橐公獨奮百世臯比陳唐堯廉恥存綱維義利窮毫毛
蘭芷變荆棘孔鸞革鳴鴉汝曹卽不仁寧終肆闕號七
載一舸歸無物克官艘兩郡萬黔首畱公但號咷讀公
賣船詩中心何忉忉填膺抒此詞庶以備風謠他年韋

丹碑會見畱江臯翹首望宇中煙火尚蕭條安得百施公爲時激頑澆

又賦賣船詩二首

畫舫青簾外蕭江水自波彈琴山月上捲幔野鷗過白
恰還初服青溪穩釣蓑何須乘赤鯉踪跡五湖多
小築陵陽曲桃花潭水清故山雲木好隨意摘船行招
隱詩空就浮家計未成秋風捲茅屋安穩臥柴荆

和汪樊桐虞部

孝陵于役詩二首

十載遺弓劍銀池卽鼎湖地形圍御宿雲氣滿蒼梧原
廟青山合松楸白日孤當年侍臣在沾灑向春蕪

地是周原舊人知漢道昌千秋傳畢郢萬戶衛咸陽流
水環宮寢春花上繚牆下陵一迴首王氣鬱蒼蒼

大宗伯龔公招同荔裳愚山顧菴繹堂湟溱西樵
伯紫鐵夫穀梁集黑龍潭分得下字

謝公癖登臨南宮富清暇城南曠瞻矚招尋共休夏長
鬢來叩門柴車已巾駕數折緣陂塘宛如涉玄灞初晴
道少人涼風吹穠稭靈宮氣蒼鬱藤蔓纏古瓦蕭蕭見
郊原稍稍登臺榭百斛好螺黛明白若圖畫目極西山
雲心馳東林社夕陽下龍湫布席俯川汊水聲空谷裏
人影疎林下藻密魚飛疾樹深鳥鳴沙_叶眼中有數公

詞壇各雄伯稱詩互犄角論文競敖吳叶劇飲捩觥船
起舞杖芊蔗辟彼太白高爭挽大黃射不知四座中誰
啖牛心炙賤子性寡諧入世苦聾牙叶牀頭有周易避
人時枕藉諸公張吾軍左次願三舍百年去堂堂爲歡
幾良夜詎愁街鼓動更解青絲竿露下星斗繁流連不
知罷

題張魏公墨蹟後

淮西白骨接符離三十年中幾喪師太息長城君自壞
軍中空卓曲端旗

和榮洞門水部山行覽古之作

疊嶂臨渝塞
清秋望灞原
西風動禾黍
白露下陵園
羨道金鳬出
空林宿鳥喧
雍門昔有歎
寂寞竟何言

題吳歷畫

蟹舍漁灣入杳冥
遠山都似佛頭青
橙黃橘綠紛秋色
好買輪鉤下洞庭

送愚山遊嵩山

夙昔山水懷夢想
嵩陽寺先生江海人
蕭條自孤寄寒潭
漸收潦華林起涼吹
落日下轅轅青山帶
行騎褰衣涉清潁
羣峰亂蒼翠二室秋
崢嶸三花未顚顚
卻尋盧鴻宅巖扉饒
古意窈窕玉女牕
投壺或一至煙中眺龍

門伊洛宛相次古人去已遠山川見標致安得方外遊
從君共題字

送愚山遊嵩少再賦

祖道青門秋氣深川原風葉亂寒砧嵩雲落日遙相憶
魏闕江湖共此心八節灘高晴亦雨三花樹古晝長陰
陵陽歸去名僧社卻聽微鐘憶少林

送程崑崙赴耀州

妙高臺上月回首十年餘憂患人間世浮沉別後書華
原看露冕漆水度征車赤縣雄三輔聲名盡不如

聞林茂之先生已葬鍾山

萬古鍾山下今成有道阡龍蟠高士宅狸首故人憐老
尚歌朱鳥魂應拜杜鵑何時磨鏡具一問秣陵船

送張簣山學士歸廬陵

迴首觚稜別紫宸孤舟遙下富川濱誰令江外漁樵侶
爭識先皇侍從臣上殿似聞辛慶忌行吟休擬楚靈
均千秋公議存青史應爲朝廷惜此人

送陶季之曲陽

五岳奠方位望秩各有常巍巍太乙宮作鎮趙代疆古
帝昔時巡遺跡畱朔方何來漢使節乃在上曲陽飛石
事矯誣廟墀誰能詳先皇定郊祀稽古追虞唐特釐

名嶽祭昴畢垂光芒夫子通古今有如網在綱告我曲
陽行班馬鳴河梁西出橫門道爲君酌重觴作詩具掌
故筆力苦不彊到日稽往蹟報我託篇章笑彼公玉帶
誕謾圖明堂

九月十五夜哭師兒三首

滴盡眼中血
驕兒聞不聞
他鄉風雨夜
寂寞一孤墳
猶是中秋月
清光依舊圓
卻將萬行淚
送汝向重泉
寒食棠梨道
紙錢高下飛
夜臺音信斷
兒去幾時歸

荅李武曾過武陵見夢之作

來詩云一片猿聲花底
出仙郎曾否夢中聞

君過武陵道
獨往桃花源
不見秦人處
青溪空夜猿
離

情逐花水幽夢渡湘沅何日漁舟去雲中雞犬喧

送孫古隍赴南靖

萬里無諸國孤帆直向東盤餐登馬甲井邑枕蛟宮禁
舶人煙少懸針職貢同孫郎還嫵媚真有紫髯風

初春四日休沐同荔裳方山西樵往西山道中作

遙山鴈齒列遠水魚鱗波朝朝國西門馬上呈嵯峨卻
掃閉簾閣幽夢紛陂陀坐羨雲閒禽歸飛向巖阿上春
寡人事勝侶時來過望山馬注坂投林鳥驚羅行行近
磊砢清暉一何多豈識絕塞山娟靜如媼娥禽夏如可
期遑復知其他

香山寺月夜

明月出東嶺諸峰方悄然殘雪尚在地掩映西齋前竹
色旣閑靜松陰媚淪漣清暉一相照萬象皆澄鮮此時
憩寂者宵分猶未眠

由磴道上洪光寺二首

磴道入雲端曲折松陰裏秋雨寂無人空山落松子
絕壑羈雲雪唯逢麋鹿羣雲中時梵放下界不相聞

觀祕魔崖至龍潭作

山行逐蕨若徑轉無人迹亭午踰高嶺逍遙隨所適古
寺披荒榛乍到如有獲盧師晏坐處猶存澗邊石石上

王日漁詩金卷五
畱孤松終古不盈尺地僻山鬼鄰鳥下蒼苔積孤閣臨
寒溪林壑莽蕭槭灌木紛相糾陰崖互崩坼何當秋雨
時驚湍若潮汐來此十日眠濯足蛟龍宅

盧師山

盧師昔日經行地惆悵蒼崖古木風最憶深秋飛瀑下
四山寒葉亂流中

晚望翠微寺

澗西翠微寺迢迢翠微裏蒼茫採樵路似有微鐘起山
風冷炊煙斜日亂溪水紛紛飛鳥還行人去何已

登石景山浮圖絕頂眺望

浮圖茲山頂峻增插孤標千盤歷詰曲直上凌風颭寒
空稍明淨百里見纖毫茫茫塞上山浩洶連波濤渾河
盪山來石壁如動搖咫尺居庸關鳥道迴青霄上谷接
雲中設險非一朝 聖代亭障空丸泥罷函穀關門開
落日士馬無矜驕迴身望漁陽城闕何杳杳薊丘植汶
篴遺烈思燕昭望諸與騎劫智勇皆蓬蒿朔吹揚驚沙
屯雲盤怒鵬慷慨一傷懷覽古心鬱陶逝將御冷風揮
手辭塵囂

皇姑寺

皇姑寺前人日晴畏吾村畔草痕生山桃堤柳自春色

粥鼓鐘魚非世情
鐵券南宮憐將相
黃沙北狩誤公卿
獨慚扣馬輸巾幘
天市星文幾夜明

碧雲寺

入寺聞山雨
羣峰方夕陽
流泉自成響
林壑坐生涼
竹覆春前雪
花寒劫外香
湯休何處是
空望碧雲長

魏忠賢葬衣冠墓宏麗甚慨然有作

恭顯坐中書
能死前將軍
赤伏盡鉤黨
禍始誅李雲
讀史長太息
閔彼漢運屯
我來西山遊
極目多丘墳
何人穿復土
雙闕高嶙峋
天祿與辟邪
夾道紛錯陳
大書復深刻
似欲驕千春
冢中玉蟾蜍
變化亦有神
豈知窮奇

骨不得安窅窀牢石與五鹿彈指隨颺塵嗟哉陽司隸
毅魄爲青燐狐貉同一丘無事勞沾巾松風催落日泥
飲當千巡西望咸陽原石馬嘶荆榛

臥佛寺

清晨越南礪畢景來東林石徑入幽闥稍聞鐘磬音禪
房鴨腳古別院沙羅陰春夕月復佳微雲滅遙岑山氣
自蒼鬱天宇亦森沉道人澹相對松風灑衣襟夙懷清
淨退因識妙明心寂寥無可說請君張玉琴

晚入退谷卻寄孫北海先生

谷口遠煙暝水石起寒色西溪有歸人東峰隱餘日積

雪封巉巖微徑雪中出殘冰流復斷暗泉聽還失不知
荒寒中前峰去安極稍見穀鯨牛悵望歸飛翼侍郎昔
掛冠於此散愁疾畫壁滄洲圖有故友陳路若畫壁結屋雲林側溪
南萬竿竹歲久漸蒙密爲述淨名意更就支公室慙歎
解巾非何年此棲息

赤松亭

春寒雪厚氣冥冥只有孤松隔岸青欲看谿山最佳處
更攜僧上赤松亭

曉起至五華寺尋水盡頭作

退翁亭子蒼崖前五華古寺當其巔殘僧夜雪煨芋火

童子開門尋澗泉石壁空青散雲錦金沙照曜浮清漣
他時把酒蘿陰下風墮巖花烏帽偏

明景帝廢陵懷古

金山南臨裂帛湖荒陵十里鴝鵒呼奪門事往二百載
行人過此猶歛歔紅牆剝盡古瓦落莓苔溜雨生銅鋪
老松離立色枯槁但穴蟲蟻餘根株敢塗龍輅禮本殺
矧乃劫火經樵蘇咫尺天壽雲氣接抔土獨葬西山隅
洪宣老臣稍凋喪國成一旦歸刑餘勃鞞之問史所貶
詎有宦寺干征誅黃沙慘澹鼓聲死萬乘一擲成纍俘
國有君矣社稷重孫申謀鄭無差殊白登城南翠華返

錢塘司馬功難誣紛紛南渡議和戰乃知計左非良圖
全寅之占信奇中朝衣東市嗟何辜劍南歸來西內閉
唐家父子輸廢奴處人骨肉事非易子臧季札今則無
功罪千秋有特筆九鼎一髮須人扶諡同泉鳩理太酷
紀年猶幸無革除裁令流水良亦足寧論玉匣還珠襦
欲落不落夕陽下弔古且復畱斯須殘碑滅沒牛礪角
石攫橫臥蒼髯鬚君臣一代盡宿草雍門太息當何如

玉泉

蕭晨金山下濯纓玉泉水十畝清瑤流分明鏡相似金
膏時掩映碧玉相傾委水荇隨風翻靡靡映清泚垂楊

夾碕岸其下多芳芷流爲裂帛湖宛若昆明裏湖上多
漁村網罟集沙尾宣宗昔遊幸龍舸茲山趾當年功德
寺荒涼嘯山鬼何況芙蓉殿遺跡皆銷毀碧水自東流
彌傷人代駛儻逐五湖舟去問鷗鷖子

裂帛湖雜詠六首

裂帛湖光碧玉環人家終日映潺湲分明一幅蔡侯紙
寫出湖南千萬山

淋池十里芰荷風太液西來一派通應有恩波下黃鵠
年年流入建章宮

水軒面面似船牕沙燕鷓鴣盡作雙忽憶夢迴聞柁鼓

一枝柔艣破煙江

宣宗玉殿空山裏
簫鼓樓船事已非
何似茂陵汾水上
秋風南鴈淚沾衣

石甕山頭歸片雲
望湖亭上倚斜曛
紙錢社酒棠梨道
誰到湖邊耶律墳

萬樹垂楊掃綠苔
桃花深映槿籬開
遊人盡說西堤好
須及清明上巳來

雨夜懷荔裳

官燭冥濛夕懷君
池上樓玄言誰共宿
青嶂想同遊今夜
山中雨應添春澗
流那能畏沾濕遙
思屬林丘

贈謝方山舍人二首

歷落欽崎可笑人朝衫猶自染京塵
深憐謝客吟詩好莫訝王郎斫地頻
三月鶯花連下杜廿年車庫感平津
青絲挈酒高梁水取次東風解袂辰

舍人簾閣晝凝香下直清齋似太常
昨日同尋煙際寺題詩多在贊公房
晴溪冰雪寒逾好風磴莓苔滑不妨
騎馬城南春又暮幾迴西笑憶滄浪

雨中懷彭駿孫因示訥菴

夏雨忽芊眠流雲度高閣簾幙數禽鳴
綠陰一花落相思武原子遠寄彭湖作文酒
昔歡娛別離今寂寞年時

易晚晚壯歲風驚籜何當一樽酒共對成斟酌

七月一日出都感寄西樵先生

驅馬自茲去浮雲燕趙閒因風向巴蜀西上幾時還骨

肉存亡淚

時哭兒
渾沂

江山離別顏射堂今夜雨蕭颯鬢毛斑

寄內

何必言愁始欲愁離騷端只是離憂兩年再墮童烏淚
萬里虛爲諭蜀遊落日深山聞杜宇秋風古驛下金牛
傷心欲寫蠻牋寄十樣空傳出益州

保定懷古

蛾賊西來日還趨上谷城國殤誰效死上相本專征夜

送中軍款天畱別駕名更聞真御史止水至今清

別駕邵公宗玄

御史金公毓峒

真定寄鄭次公水部

神女樓高望杳冥恆陽縹緲亂峰青百年河北蟠三鎮

千里行山入五陁

太行八陁并陁第五

玉帳嚴關征戍地垂楊殘照

短長亭極知水部能懷古莫遣中山酒易醒

七夕宿獲鹿縣話別感成

無數青山繞縣門秋河斜處已黃昏來朝又向并州路
雙淚憑君寄故園

雨中度故關

危棧飛流萬仞山
戍樓遙指暮雲閒
西風忽送瀟瀟雨
滿路槐花出故關

井陘關歌

迴星城邊落日黃
西來氣欲無太行
柏巖雙壁稍狡獪
目成已覺心清涼
天公一夜送寒雨
千疊萬疊雲錦張
丹崖翠壁竊萬狀
瑰奇娟妙難具詳
綠蘿蕭蕭冒巾角
石瀨颯颯漸平聲衣裳
峰迴徑絕不知數
谿谷倏見開中央
戍樓旌竿滿雲直
橫亘長城環巨防
冠山子城瞰窮漠
噴壑巨瀑聞雷硠
登樓顧盼豁胸臆
四山雲氣爭飛揚
蛟龍鬱律起眼底
散爲霖雨周八荒
關南石勢更奇

怪亦如突奧連堂皇懸車束馬那可度行人緣棧如秋
秧幽井澤潞此天險飛鳥欲過愁翱翔 聖代卽今罷
烽燧空餘畫角吹嚴霜乃知地利未足恃此關幾閱諸
侯王

故關寄訥菴

冒雨看山拂帽羣丹崖翠壁故紛紛只愁葉四無由見
一首新詩特寄聞

胡桃園夜雨

日暮炊煙起驛樓虛堂楚簟怯新秋溪聲一夜兼寒雨
縱使啼鳥也白頭

平定湧雲樓故址

金趙尚書
秉文建

湧雲樓閣上城邊猶記尚書創建年青嶂人煙連玉峽
綠蓑花雨映桃川金源文獻誰遺老楊趙風流果大賢
更憶左司詩律好移家曾費買山錢

楊公名雲翼州人與趙
齊名元左司遺山居此

七月初九夜宿平定州夢兒渾忍涕成詩

一從死別淚潺湲夢裏牽衣未解顏千里太行谿谷黑
汝魂何路識榆關

壽陽驛題韓文公詩後

天寶昔喪亂罕干及阿犂扇禍始漁陽流毒被河朔辛
苦九門戰堂堂李與郭滋蔓逮三鎮世守恣兇虐軍中

立畱後諸藩擅官爵山東勁兵處縣官實自弱元和聖
天子咨相授方略淮蔡洎淄青次第就束縛移兵壓山
東勢如掃秋籜遺恨功未成殺機生魏博庭湊何么麼
跳梁敢弗恪偉哉昌黎公談笑狎巨鯢我行過壽陽遺
詩緬猶昨韓愈殊可惜朝廷乃大錯真卿與巢父茲事
詎堪數誰與秉國成蛾眉竟謠詠杜牧有罪言千秋實
良藥

觀射

太行北麓坡陀高孟秋七月風蕭騷我行百折浴汾桃
空山十丈飛怒濤馬首城南得平臯小試射耦分朋曹

并州健兒頭虎毛仰天大笑開弓發黃閒一發鳥獸號
草閒狐兔紛騰逃書生手無大食刀凌煙空羨鄂與褒
君不見越石清嘯不復作眼中故壘今蓬蒿

祁縣飲酒

種秫常思住醉鄉葡萄未肯博伊涼拍浮便可稱名士
潦倒真須號渴羌投老欲從田父飲開封聊對馬軍嘗
滑稽莫作鴟鵂笑無計忘憂只杜康

郭有道墓下作

太息桓靈季清流見此人西園方賣爵北寺幾纍臣危
行全鉤黨諸生學塾巾千秋徐孺子高義許相鄰

冷泉關道中

南徑雀鼠谷崎嶇殊未休路隨千嶂轉峽束一川流灘
急長疑雨蟬嘶畏及秋雲峰將落日立馬迴含愁

霍太山

岳色清秋裏峒堯俯素汾幾時攜蠟屐絕頂息勞筋姑
射連冰雪中條接白雲竹書何日事霸業久三分

洪洞與劉子方

晚到楊侯國涼風吹稻田衣裳滴空翠城郭入清泉鴨
唼荷邊雨雞鳴竹外煙故人能好我早辦買山錢

猗氏往蒲州道中有感

王氏滄海言金卷五
三
令狐城畔雨霏霏遙指中條積翠稀西接新秦三輔迴
東鄰故絳兩川圍空聞魏國山河美久識唐家節度非
愁絕無心更懷古清秋風景亦沾衣

望中條山

今朝美風日望見中條山青嶂有時隱白雲隨意還泉
飛幽谷裏鳥嘯竹林閒欲訪韓終去菖蒲駐好顏

河中感懷寄諸兄

何處依依動客愁蒲津雲物迴高秋河聲近挾中條雨
關勢遙分太華旒人代茫茫雙去鳥夕陽渺渺獨歸舟
京華故國俱千里心折西風鸛雀樓

中條山下作

中條初日上嵐彩變朝昏芳樹重重塢流泉曲曲村河
流趨底柱山勢鎖關門借問王官谷貽溪跡尚存

首陽山

峨峨首陽山迢迢屬雷首遙揖巨靈掌近對風陵口蒼
茫河上舟搖落關門柳一詠採薇歌昔人復何有

河上寄從兄山史

前年君往蘭谿道金華洞中拾瑤草傳來八詠似休文
愛翫新詩愁絕倒華陰古道接弘農一望秦山深萬重
遙看青壁孤雲起知在西南第幾峰

望見華山二首

蒲阪南來問釣船
風陵追上隔風煙
黃河一曲流千里
太華居然落眼前

仙掌浮空迴不羣
明星玉女望紛紛
乘槎更極西南目
咫尺三峰生白雲

潼關

潼津直上勢嵯峨
天險初從百二過
兩戒中分蟠太華
孤城北折走黃河
復隍幾見熊羆守
棄甲空傳犀兕多
漢闕唐陵盡禾黍
鴈門司馬恨如何

拜楊伯起墓道

悠悠關內路驅馬桃林塞歸鳥岳祠邊長河遠天外大
鳥下潼亭落羽今尚在夕日薦蘋蘩愁心逐征旆

華陰道中

平田漠漠稻花香百道清泉閒綠楊二十八潭天上落
無人知是帝臺漿

雨宿岳廟萬壽閣

松蛻龍鱗不記年驚人老鶴起松顛扶筇未到希夷峽
先對三峰一夜眠

望華山

關中八水匯清渭獨朝宗黃河西北來交會船司空河

三民詩言金卷五
二
流挾底柱岳勢分弘農山河兩戒首氣壓穀函東金天
正肅殺屹然白帝宮削成五千仞真宰散鴻濛及關見
岌業元精羅心胸倏忽雲氣生西接終南峰諸峰忽已
失俛首趨河潼峨峨司寇冠獨立青雲中蒼茫望三輔
秋氣去安窮荒唐秦皇臘寂寞希尸蹤何當駕白鹿還
共驂茅龍

華州道中

地古弘農郡雲峰去不窮泉飛名岳雨稻熟野塘風漕
輓通河渭雄關界華嵩唐家傳七世何事失山東

華州齊雲樓

唐昭宗
望京處

齊雲樓上望京師渭水東流無盡時父老尚傳行幸日
教坊曾譜斷腸詞城空只見雙飛燕劫敗猶爭一局碁
莫問寒煙十六宅土花凝碧至今悲

遇仙橋卽事

浮雲收渭北初日照終南馳道連秋水官橋度曉驂人
煙生浦樹鳥語入晴嵐欲訪漁川隱蘆中有釣菴

漁川源
葉川山

水勝
處

渭南道中

秦川秋色迴四望極風煙樹隱金椎密花開玉井鮮水
光浮蓮音輦勺山翠入藍田往昔長安道孤城近日邊

王氏源流詩金卷五
六
豐原

豐原高不極原上行人度秋晴渭川望遙見藍田樹

金氏陂

金氏陂前弔旌侯麒麟高冢野花秋茂陵徐福書空在
驂乘還生爾許愁

寄題華州西溪

月出少華頂寥寥天宇清孤雲收欲盡衆壑湛虛明杜
老昔遊處西谿蘋葉生青松架壑秀白鳥逐舟行誰持
竹竿釣解此濯塵纓

驪山懷古八首

鸚鵡何年問上皇
野棠風折繚垣長
銷魂此日朝元閣
親試華清第二湯

滿路香塵拾墜鈿
諸姨五隊夾城邊
花開繡嶺看調馬
雪下離宮有賜錢

舞罷驚鴻歲月徂
長門深閉長青蕪
君王自愛霓裳序
不記樓東一斛珠

內殿傳呼菊部頭
梨園弟子接梁州
善才零落龜年老
渭水猶明羯鼓樓

蜀王音信渺天涯
青鳥西飛又日斜
斷粉殘香誰得見
承恩只有玉蓮花

鳳凰原下鹿槽旁
號國夫人有賜莊
無數青山學眉黛
當年誰入合歡堂

不復黃衫舞馬牀
更無片段荔枝筐
祇餘今古青山色
畱與詩人弔夕陽

空城幾曲水潺潺
松柏淒涼滿舊山
輦道無人秋草合
年年嗚咽到人閒

望終南山

青綺門邊路終南
積翠陰山河三輔
壯煙樹五陵深
朝市幾遷改白雲
無古今何如歸輞口
水石好園林

新豐

寒煙漠漠新豐樹渭水東流西日暮
粉榆舊社土花平
今古行人自來去

灞橋寄內二首

長樂坡前雨似塵少陵原上淚霑巾
灞橋兩岸千條柳
送盡東西渡水人

太華終南萬里遙西來無處不魂銷
閨中若問金錢卜
秋雨秋風過灞橋

銅人原

宮門漢月渭川波天本無情奈若何
今日荒原逢薊子
愁將銅狄更摩挲

咸陽

故國臨中渭 名山見九巉
綠苔未央瓦 黃土阿房宮
王霸成何事 興亡自昔同
蕭條北原上 陵樹各悲風

渭橋懷古

秦川夕澄霽 澧水明如練
西上中渭橋 颯然秋氣變
羸政昔構造 作此象天漢
美人與鐘鼓 流連恣荒晏
徐市期不來 山鬼壁已獻
我昨驪山行 徘徊弔中羨
荆榛蔽銀海 樵牧羅金鴈
麒麟折其股 冷落青梧觀
後代復何王 繡嶺明珠殿
唯有終南山 興亡幾回見

望終南雲氣

終南雲物一千里遠橫蟠冢包商顏不雨不晴最窈窕
一東一西時往還何日高樓尋紫閣來朝驛騎繞黃山
無心羨汝能舒卷慙負秋來水石閒

古詩逢逢白雲一
東一西一南一北

漢武帝通天臺

通天臺畔望咸京秋入秦川雨半晴御宿不來仙掌散
宮車已往露盤傾神光遙指虛無影渭水長流日夜聲
此去西風茂陵路祇應腸斷沈初明

咸陽早發

日照長陵小市東依然蹤跡逐飛蓬未央宮闕悲歌裏
鄠杜鶯花淚眼中已見銅人辭漢月空畱石馬臥秋風

三
多情最有咸陽草和雨和煙歲歲同

茂陵

武帝乘龍久上昇集靈臺古幾人登晴川淼淼通槐里
秋草萋萋入茂陵天馬歌成愁出塞泉鳩事去涕霑膺
誰知一代孫弘閣唯有東方諫獵能

馬嵬懷古二首

何處長生殿裏秋無情清渭日東流香魂不及黃旛綽
猶占驪山土一丘

巴山夜雨卻歸秦金粟堆邊草不春一種傾城好顏色
茂陵終傍李夫人

飛龍務

此地臨汧渭秦嬴有舊封飛龍何日去凡馬至今空落
落驂驪氣蕭蕭苜蓿叢黃雲秋草裏悵望古城東

望太白山卻寄劉戶部介菴

猶並終南地初看太白高連峰停夏雪絕頂見秋毫黑
水行當近青門望轉勞渭流將客思百折去滔滔

武功道中

武功回首望金城古跡蕭條感乍生禿節尚憐蘇屬國
黨人終賴竇遊平白頭鬱鬱身前事青史悠悠世上名
千里終南山色好一枝筇竹萬緣輕

武功懷古

唐家慈聖寺后稷有邵封二水流沮漆千秋擬沛豐高
原山色裏小邑夕陽中樂府康王好何時訪汧東

鳳翔府

城邊汧渭兩交流隴蜀中分第一州西雍橫當斜谷路
南山高接杜陵秋雌鳴尚憶秦人霸星隕難銷漢相愁
形勢依然身萬里扶風歌罷拂吳鉤

和東坡開元寺憶子由韻

石刻在鳳
翔府署

河潼西上千餘里五丈原邊望翠微地逼隴關寒更早
雨晴汧水鴈初飛身經紫閣筇難到囊比朱儒願已違

夢裏倚閭雙白髮不歸真被鶴猿譏

寶雞道中

時序颯已變征蓬何處休遠天吳岳影斜日渭川流雲
棧餘高鳥磻溪有釣鉤龍鍾三十九白盡老夫頭

寶雞縣

險絕古陳倉停車落日黃霸圖今寂寞陳寶亦銷亡城
郭秋雲裏人家清渭旁迴看三輔遠秦樹但蒼蒼

石鼓山

遙憶岐陽狩來過石鼓山韓蘇今地下星斗尚人間谿
谷歸飛少川原獵騎還寄情汧渭水千折過潼關

益門鎮

天險當秦鳳提封界雍梁棧雲高不落隴樹曉還蒼古
堠催征騎秋風弔戰場山南明日路漸入武都羌

宿觀音菴

盡日崎嶇蹋白雲常明燈下息勞筋亂山斜月朦朧裏
一夜風雷瀑布聞

大散關

石壁橫千仞盤盤上翠微行人縈閣轉鸚鵡下山飛戰
壘空埋鏃巖關幾合圍雲車與風馬髣髴夜深歸

和尚原

納納乾坤大吾胡淹此畱箐林連虎穴毒霧起龍湫瀑
急雷霆鬪天荒魑魅愁思因飛鳥背浩蕩返齊州

煎茶坪

大壑沉雲霧冥冥萬仞梯孤峰分隴漢兩水劃東西

坪東水北

流西水南流

遙直金牛峽旁臨白馬氏當年誰設險不用一丸

泥

自長橋至草涼樓

西下嘉陵水瀾瀾綠滿灘綠崖紅叱撥縈棧曲欄杆九
折行人少千峰落日寒不知投宿處樵響隔雲端

鳳縣

三
險絕岐南路峒堯蜀北門千峰圍邸閣一線望中原城
下嘉陵水林閒謝豹村衰遲慙鳳德愁向接輿論

鳳嶺

南岐地何高鳳嶺踞其右路絕無鉤梯直上若懸溜日
月互蔽虧光明錯昏晝雲霧四蕩潏雷車中雜糅飛龍
何衙衙天矯出巖竇俯瞰兩當水奔流下騰湊轉石類
搏擻畫沙成篆籀初疑飢蛟蟠更作外蛇鬪聞昔周文
王盛德及靈囿鳳鳥此來集世遠事悠謬末季重邊防
戎馬幾馳驟秋風吹散關一夕驚老瘦

寄家人

京洛分襟七夕前南岐驛路五更煙故園刀尺齊紈素
遠道風花蜀國絃斷續鸚飛深塢裏橫斜鴈度夕陽邊
棧雲隴樹重重隔閨夢何由向左綿

棧道懷歸

棧雲千疊打包來兩鬢蕭條萬慮灰陵跼幾能開口笑
鴻濛真擬掉頭迴鴛牛鴛馬從時好功狗功人未易才
夢裏故園漁釣穩金鷺飛處白蘋開

柴關嶺

早發陳倉道馬蹄亂雲霧行行到柴關雲低雨傾注哀
徑中槎牙幽篁四森布大石立當關勢如猛虎踞世無

三山清言金卷五
三
飛將軍磨牙爾何怒蛟龍喜昵近氣奪生憂懼怪鳥時
一啼聞聲不知處黑江遠湏洞萬瀑齊奔赴頗聞紫柏
山仙靈所遊寓石髓儻一逢白日生毛羽誰使野鶴姿
麤毳墮籠笈真宰不可問更向蒼茫去

雨度柴關嶺

棧中新漲未歸槽百丈柴關水怒號鳥語不聞深箐黑
馬蹄直上亂雲高天垂洞壑蛟龍蟄秋老牙鬚虎豹豪
誰識熏香東省客戎衣斜壓赫連刀

南星雨發

驟雨南星道秋陰草木風澗寒傷馬骨雲亂失蠶叢僭

憶公孫帝危知大禹功中原何處所夢落散關東

雨趨畱壩

急雨下烏櫟千峰一線通路遙洋水北天盡武關東峽
偏風雷氣人穿虎豹叢誰知星使節今夜託牛宮

畫眉關南渡野羊水

四山封竅窅一水急波瀾巨壑蛟潛穩飛流馬渡難陰
崖終古閟白日幾時看惡竹縱橫甚還須斫萬竿

武關寄家書

驛騎千山裏平安兩字書高堂衰白早兒女死生餘聽
雨思兄弟臨風問起居白頭吟更苦莫負錦江魚

馬鞍嶺

南下畫眉關遠色疊諸嶺
竇緣百里閒斷齧蔽光景蹇
墟疲登降纖路亦修整或丁如連軒或植如負屏或如
岐陽鼓或如宛胸鼎如鳥或跂翼如魚或骨鯁殊狀紛
角逐詭類爭一逞峭岸勢欲坼捷足不遑騁二分垂在
外趾壓後人頂飛瀑時界道赴壑力逾猛人與水鬪爭
心目各相警天意限雍梁設險有斯境君子履忠信小
人懷僥倖永念垂堂言乘危更三省

觀音碣

本名閻王碣賈中丞改今名壁上
有宋荔裳賦棧道平歌沈繹堂書

觀音碣險絕連山列天仗
奔峭洶波濤大石蹴龍象造

物鬱磊砢及茲乃一放急瀑何砰訇盤石成巨防渟爲
千丈湫潭潭不流宕怪物中屈蟠豈無鎖紐壯儻燃牛
渚犀窮此精靈狀頗聞賈中丞於此鏟疊嶂故人推沈
宋詩筆各雄長星宿森光芒虬龍怒倔彊解鞍苔石滑
高歌一神王更須巨靈手運斤出天匠鑱我郝閣銘敵
彼小海唱

七盤嶺


七日行褒斜目瞶耳亦聾濁浪崩崖垠征衣碎蒙茸不
知天地闊詎測造化功岌然土囊口雞幘摩蒼穹磴道
上七盤大翮排天風絕頂忽開豁白日當虛空褒水出


谷流漢江繞其東巴山跨秦蜀蜿蜒連上庸川原盡沃
野天府如關中橘柚鬱成林稻苗亦芄芄襄陽大舶來
千里帆檣通當年號天漢運歸隆準公將相得人傑驅
策芟羣雄一戰收三秦遂都咸陽宮智勇久淪沒山川
自龍從跋馬向褒國日落煙濛濛

閏七夕抵褒城縣

褒斜十日路白髮忽侵尋紅葉下江水始知秋氣深馬
驚初出谷城閉不聞砧何處天河影浮雲只自陰

王氏漁洋詩鈔卷五終





PL
2732
A56
W3
1.5.

王氏漁洋詩鈔卷六

漢中府

路遶褒斜夢故園今朝風物似中原
平蕪蹀躞連錢馬近郭參差橘柚村
萬疊雲峰趨廣漢千帆秋水下襄樊
只愁明日金牛路迴首興元落照昏

漢臺

絳灌當時伍黥彭異代看竟成隆準帝
不屑沐猴冠磊落眞王氣蒼茫大將壇
風雲今寂寞江漢自波瀾

故宮曲

濕螢幾點粘修竹昏黃月映蒼煙綠
金牀玉几不歸來



三民漢言金卷二
一
空唱人閒可哀曲

漢中偶題排悶

漢川風土佳可憐復堪憶佳鱖持作羹黃柑耀金色自
我歷周秦見此邾莒食阿瞞非解人區區笑雞肋

虛谷菴二首

菴有黃楊
二最奇

三寸黃柑水浸渠一林紅桂映棕櫚鉤簾恰對中梁色
正好高眠讀道書

太息黃楊樹子前琳宮幾歲飽風煙交柯接葉真憐汝
未似先生厄閏年

南鄭至沔縣道中雜詠二首

黑水梁州道停車問土風
沔流天漢外蟠冢夕陽東
處處棕櫚綠村村穠稔紅
更須參玉版修竹賤如蓬

漢川修竹賤如

逢坡公詩語

歲歲桃花水魚從丙穴來
金盤飛素雪玉手潑新醅
茶戶雨中焙橘官霜後開
山南風土美去住一徘徊

女郎廟

女郎山相傳是張魯女

朝過女郎道遙望女郎祠
溪水疑環珮春山學黛眉
千林丹橘熟一徑碧苔滋
日暮神靈雨西風滿桂旗

沔縣謁諸葛忠武侯祠

天漢遙遙指劍關
逢人先問定軍山
惠陵草木冰霜裏

丞相祠堂檜柏閒
八陣風雲通指顧
一江波浪急潺湲
遺民衢路還私祭
不獨英雄血淚斑

武侯琴室

竹篠娟娟靜江流
漠漠陰至今籌筆地
猶見出師心遺恨
成銜壁元聲有故琴
千秋絃指外髣髴遇
高深

定軍山諸葛公墓下作

高密起南陽文終從

去聲

高祖暴繫本見疑
數仞亦非武

堂堂諸葛公魚水託
心膂二表匹謨訓
一德追伊呂視操
但如鬼畏蜀還如
虎嗟彼巾幗徒與
公豈儔伍紫色復
蛙聲抵隙各爲主
火井方三炎赤伏
更平聲典午志士

恥帝秦祭器猶存魯陰平一失險面縛忘奔莒知公抱
遺憾龍臥成千古峨峨定軍山悠悠沔陽潁鬱鬱冬青
林哀哀號杜宇耕餘拾敗鏃月黑聞軍鼓譙侯寧足誅
激昂淚如雨

大安驛

犖确三泉縣坡陀一徑開江流沮口合風雨沓中來漢
相經營地氐王駕馭才西窮蟠冢盡節使亦雄哉

五丁峽

南窮石牛道崑崙下雲棧三日招我魂足踔目猶眩豈
知東蒼州耳目益奇變始過金牛驛穆嶠已凌亂漾水

從北來劣足泛鳬鴈舉頭蟠冢山峨冠倚天半大哉神
禹功從此導江漢漸入五丁峽譎詭駭聞見斗壁何獰
爭十萬磨大劍攢羅列交戟茫昧通一線亂水殷峽中
蛟蜃喜瀾汗仰眺絕圭景俯聆競雷拊九鼎鑄神姦到
此百憂患東方牧犢兒竟使蠶叢判我行忽萬里風土
異鄉縣身落大荒西終賴皇天眷咄咄復何言艱虞一
身賤

雨度五丁峽

徼外蕃王國荒荒巨峽侵龍居三洞祕熊館四時陰
笮馬何年度金牛此路深五丁虛斧鑿愁絕畏登臨

寧羌州

威遲辭北闕浩蕩賦西征天險金牛峽悲歌猛虎行岷
峨連雨氣沔漢走江聲三戶遺民少蕭條見廢城

寧羌夜雨

不信無晴日曾聞有漏天武都連夜雨巴子幾人船山
入氏中亂寒臨棘道偏荒城聞鼓角回首意茫然

夜至黃壩驛短歌

氏道森沉十日雨石林冥冥斷行旅洪濤殷地四山動
百折盤渦噤難語前有蝮蛇後豺虎紅鶴哀號奮毛羽
吾生胡爲狎此曹命輕如毛爭一縷妻孥飄泊寄京國

欲歸不歸在何所鄉關回首四千里縱有苦辛誰告汝

龍背洞

衆山如連鰲突兀上龍背鱗鬣中怒張風雷晝晦昧出
爪作之而神奇始何代亂水趨嘉陵波濤勢交滙萬壑
爭一門雷霆走其內直跨背上行四顧氣什倍夕陽下
岷峨天彭光破碎咫尺劍門關益州此絕塞子陽昔躍
馬妖夢成佗儼區區王與孟泥首終一概李特亦雄兒
僭竊竟何在

朝天峽

朝登嘉陵舟日出羌水赤履險倦鞍馬卽次亦稱適黥

黥雙峽來突見巨靈跼嶄巖無寸膚青冥厲雙翮陰崖
積龍蛻跳波畏鯨擲往往壓人頂駭此欲崩石洞穴峽
半開兵氣尚狼藉蛇豕據成都置戍當險阨至今三十
年白骨滿梓益流民近稍歸天意厭兵革會見賓盧人
燒畚開确磳慷慨一扣舷浩歌感今昔風便黎州城茫
茫波濤白

廣元縣作

樹樹皆猿狖山山盡薜蘿算錢灘下水不及客愁多

廣元舟中聞棹歌

江上渝歌幾處聞孤舟日暮雨紛紛歌聲漸過烏奴去

三
九十九峰多白雲

昭化縣

亂山圍一縣哀柝下初更近郭雙江合扁舟萬里情浪
翻寒月影風急夜潮聲何限人間事茫茫恨未平

桔柏江

小舟飛青鶻西掠馬鳴閣閣道凌天關稍幸息腰腳茫
茫雙江來抱此益昌郭荒城豺虎多殘堞出叢薄國憶
苴侯開江疑鼉靈鑿武都地勢高衆水競流落分道下
氏羌兩川乃磅礴鳴水迴驚瀾陰平劃大壑仇鳩勢未
彝犀牛道彌惡千里會葭萌崩騰似相索湊湊竟同流

西逝連井絡九十九峰閒回首一錯愕

昭化夜泊

浙浙風欺枕明明月入船三巴空有淚獨夜不成眠流
宕魚鳧國淒其鴻鴈天故園梅信早歸去逼殘年

虎跳驛

路逗蒼溪縣荒涼破驛存漉金稀見艇畏虎早關門水
合南江壯山連大劍昏巴西兵馬後多少未招魂

夜泊雙漩子聞笛

嘉陵江上泊舟時戍鼓初停月上遲已聽寒潮不成寐
誰家橫笛怨龜茲

王氏源流言金卷六
六
蒼溪縣

萬里行難到三秋鴈不過蠻江吹積雨急峽束盤渦綿
谷青山遠賓人白弩多泛舟思杜老漂泊意如何

閬中縣二首

見說閬中好軒牕臨錦屏山川無髣髴耆舊況凋零殘
壘浮兵氣寒江滯使星忽聞羌笛起風雨晝冥冥
滕王何寂寞江抱玉臺偏沙岸收賓馬湍流激磴船五
城虛夢到三戶有人煙不奈驚搖落魂銷帝子前

閬中感興四首

行役忽永久衣裳白露淒秋風吹劍外客鬢老巴西螢

火飛還沒寒螿咽復啼不堪蜀道雨山霧晝常迷
巴樹小搖落薄寒初中人江山紛暮節風露感蕭晨遠
使非邛杖思歸閱角巾流波三峽外何處覓文鱗
西漢茫茫去來過碧玉樓九迴腸已斷三折水還流涕
淚聞鵑鳥雲山繞劍州老親穿望眼霜雪白盈頭
蜀雨連秦棧秋陰暮復朝山盤黃鵠急江合紫羌遙烏
鵲知何意黿鼉爾獨驕蓬萊不可到迴首向風颭

藥物

藥物知何益愁多老病侵眼枯兒女淚心折短長吟鄉
信何時達秋濤日夜深巴猿殊造次悽絕叫楓林

望劍州懷喬文衣

名鉢內丘名士以湖口令遷守劍州卒官

次公狂自好名字滿人間才士無高位吟魂寄百蠻音書湖口縣生死劍門關太息青蠅弔交州幾歲還

寄綿州守

西南芳草路幾驛到綿州蜀道風雲外涪江日夜流丹青楚公壁城郭越王樓故里康浪水何人弄釣舟

龍山驛雨

閬州城邊雲氣浮龍山驛裏雨聲愁遠遊不唾青城地絕域空悲白鴈秋巴嶺稀逢人北去渝江長是水南流蕭條孤館荆榛夕更指千峰入漢州

富村驛雨

陰蟲何太苦戶外卽蒼山急折侵孤枕秋河落百蠻燈
昏山鬼逼雨止蟄龍還一夜瀾江水愁人淚點斑

天馬山雨行

兩炬殘更裏亂山高復低疾風吹白雨折坂下青泥詰
屈穿牛角縱橫印虎蹄廿年餘戰骨何處聽荒雞

鷺溪

剩水殘山祇益愁梓州荒絕接隆州眼明今日鹽亭路
十里鷺溪碧玉流

鹽亭縣南渡梓潼江

南下孱亭路千峰挾雨秋江潮不送客獨向射洪流

秋林驛雨

積氛常不徹天地日冥冥俗雜蟾虵種林深虎豹局荒
村陰峒黑寒夜鬼燐青夢裏夔門路開頭下洞庭

晴

已厭鹽亭雨初逢廣漢晴斷橋人影出沙路馬蹄輕鵬
鶚三秋擊弓刀萬里行浮雲西北去何處望神京

涪江

十日巴西雨艱難到梓州晚晴見涪水清絕抱南樓不
見千頭橘空驚萬里秋尚餘登覽興畱眼望牛頭

潼川懷少陵

返景下東津扁舟涪水濱
女牆崩積雨郡郭入荒榛
山夕煙花少江流戰伐頻
飄零思弟妹嗟爾杜陵人

潼川夜雨忽夢行臨安道上旁人指示曰此臨平也覺而有作

荒城無漏夜啼鴉夢向臨平詠藕花
忽聽梧桐樓畔雨
鄴江江外是天涯

建寧驛

銅山行不到樹木晚蕭蕭
水亂無行舸棚危有斷橋
負塗人久病嚙膝馬難驕
魂斷南荒裏休吟楚客招

中江縣

慘淡黃雲暮行人出草萊風濤兩江合斜照亂峰開秋
老飛鳥縣鄉遙戲馬臺耶箇何處是一月罷銜杯

天柱山

朝出元武門雲垂雨忽凍登登天柱山千盤墮湏洞崢
嶸逾巴閬槎牙過秦鳳陟嶺如累棋下谷如入甕心俯
尻益高足踣目先送敢嗟鳥獸羣稍喜徒旅衆我有大
羽箭麗龜輒命中於菟昂其首飲羽乃不動道旁松合
抱巨可任梁棟惜哉野蔓纏不蒙匠石用絕頂見岷山
青城亦伯仲一氣連諸蕃三州實西控太平幸無事左

髻時入貢念彼松姚戍坐甲苦飢凍俯臨陸海雄仰視
天宇空長嘯千仞岡出險忽如夢

天柱山絕頂望見岷山作

鞍馬衆峰頭蒼茫萬里收岷山橫塞出灌口接天流要
害三城戍邊防八月秋大荒飛鳥外眼底盡姚州

連山鋪夜雨

自沔至此千餘里山始盡少陵詩
連山東南斷始見千里豁卽此

蜀雨常侵夜秋泥不冝晴幾聲街鼓寂四壁草蟲鳴山
遠魂猶怯愁多夢易驚鹿頭關外路明日漢州城

山中有蟲聲如擊磬甚清越蜀人謂之山子又有
花名龍爪甚豔偶成絕句

三日
言金
稻熟田家雨又風
枝枝龍爪出林紅
數聲清磬不知處
山子晚啼黃葉中

題漢州驛壁

漢州城郭劫灰前
房相西湖有斷煙
更問臉波添幾許

昨宵金鴈驛中眠

唐人漢州詩十日醉眠金鴈驛臨岐無限臉波橫

望青城山

雲氣連西域名山作漢標
千秋軒帝蹟每夜岳靈朝
玉宇凌丹壑神鸞下碧霄
丈人一招手天路未應遙

彌牟道中望八陣圖遺址

落日彌牟道霜風百戰場
青天迴玉壘遠樹出華陽
陸

海三都闊雄圖八陣荒臥龍虛故蹟駐馬惜降王

新都縣題楊升菴先生故宅

有二桂樹尚在

侍臣遷謫後常憶泰陵園詞賦畱金齒生還望玉門交
州無士燮南海得虞翻廢宅西風裏連蜷桂樹存

閬中懷沈繹堂

葭萌關外極天涯長憶西園夜鬪茶萬事輸他前定在

今朝真看閬中花

予近爲繹堂書放翁詩三疊淒涼渭城曲數枝閑澹閬中花不意遂成詩識也

懷汪鈍翁

汝臥蘇臺今幾年敬容殘客罷周旋相思濯錦江頭望
不見東吳萬里船

懷曹顧菴

感逝傷離此寸心故人書札重南金
竹郎祠下風吹雨腸斷巴猿一夜吟

防秋

聞道防秋急千山復萬山傳烽來
熨道插羽過靈關屬國何嘗絕懸軍
且未還卻思漢丞相心力盡征蠻

登成都西城樓望雪山

秋老錦官城西風捲旆旌霜高犀浦
落日出雪山明黎雅初增戍松潘未
罷兵誰能凌絕頂萬里一崢嶸

金方伯邀泛浣花溪二首

解纜江村外溪沙失舊痕夕陽來灌口秋水下彭門清
吹臨風緩神鴉得食喧百花潭上好新月破黃昏

萬里橋邊去還多弔古情人煙過蠶市新月上龜城寂
歷更漏發蕭條鱗甲生迴看草堂路修竹水蕪平

王蜀徐
妃詩又

驅金翠
入龜城

九日謁昭烈惠陵

萬里登高日橋山白露寒至今悲蜀帝何處問祠官
杳衣冠閉淒淒封樹殘錦江非渭水猶作霸陵看

武侯祠別鄭次公水部

白鴈三秋候青山萬里橋與君俱絕域此別更魂銷遺

王氏滄海言金卷六
三
廟丹青盡荒陵草木凋

祠西卽惠陵

平羌江上水相望隔風潮

金花橋道中作

半年浪迹錦城遊纔數歸程已暮秋
晚照開時見千里寒鴉飛盡過雙流
眼明修竹橫塘路心逐江雲下峽舟
異域忽驚搖落久今宵一醉失鄉愁

雙流縣

今廢入新津

路近雙流縣縈紆一徑斜
雞鳴深竹裏暝色幾人家
日暮寒雲合城荒野蔓遮
愁將蓬鬢色絕域老霜華

新津縣渡江

南過蠶叢國秋風正授衣
青山初日上黃葉半江飛
修

竹連千畝高枌徑十圍臨流呼渡舸極目一清暉

修覺山下

田中處處稀秧馬竈下家家爨籜龍記取新津江畔路
蒼崖紅樹雜秋冬

眉州謁三蘇公祠

祠卽故宅今爲眉山書院

墓頤山色腴不枯玻璃江水如醍醐眉州城郭劫灰後
水塍漠漠成榛蕪郵亭下馬詢老卒蘇公故第城西隅
旋來束帶薦蘋藻辰良何必煩神巫往者此地鐵腳亂

順治初有賊據
眉號鐵腳蠻

高門大宅皆焚如此祠歸然誰所作維公大

節驚頑愚雙柏輪困溜霜雨廷立冠劍古丈夫長公遺

像龍眠筆馬券剝落涪翁書

祠有石刻龍眠畫東坡像穎濱贊又坡書玉鼻驂券山谷有跋

殘碑

插笏尚林立紫藤碧蘚纏龜趺祠西一水最蕭瑟經霜
菡萏猶扶疎甘蕉一丈覆簷雷落花亂迸紅珊瑚當年
結構不草草要令咫尺成江湖故園如此不歸老與人
家國徒區區瓊儋雷藤歷九死口甘熏鼠隨猿狙頭網
八餅有何意枕柳萬里非吾廬兩公神靈未磨滅應翳
白鳳遊清都遊戲下界亦聊爾鯤鵬豈必捨枋榆眉州
玻璃天馬駒

陸務觀詩句坡
黎春眉州酒名

酹公三酹公歸乎

雨發

五更吹角罷細雨出眉州雜樹堆紅葉蠻荒感白頭岷

峨雲氣接邛僊亂山稠東望玻黎水風前葉葉舟

眉州松江

墓頤山色盡空濛憶昨蘇祠卷碧筒殘醉未醒排馬去
松江秋雨似吳淞

夾江道中二首

沉黎東上古犍爲紅樹蒼藤竹亞枝騎馬青衣江畔路
一天風雨望峨眉

嘉陽驛路俯江流寒雨瀟瀟送暮秋誰識蠻中風景別
洋州風竹戴嵩牛

九盤望峨眉

紺壁臨千仞蕭蕭木葉黃水流通越嶠峰遠入江陽十
月蠻雲澹三峨積雪蒼來朝掛帆去回首意茫茫

竹公溪二首

漏天未放十分晴處處江村有笛聲水遠山長聽不足
竹郎祠下竹雞鳴

竹公溪水綠悠悠也合三江一處流珍重嘉陽山水色
來朝送客下戎州

入嘉州卽問丁東院無知者過高望山趾廢寺鄭
生曰丁東寺也訪方響洞尚存感而賦詩

廿年夢想丁東院何意丁東院裏來山水清音空復在

劫灰殘燒自生哀井欄僧汲稀銅鉢石甃秋深長綠苔
不遇江南老桑苧風爐誰遣試茶杯

放翁丁東院詩我是江南老桑苧諸君小住共茶杯山谷

詩古人題作丁東水自古丁東直到今我爲更名方響洞始知山水有清音

登高望山絕頂望峨眉三江作歌

四海復四海九州還九州河伯海若更相笑螭蛄何足
知春秋今年辭帝蓬萊宮乘風偶作西南遊中條姑
射不足數失喜太華揚高旒河潼遠坼巨靈岬鉤梯百
丈臨龍湫終南太白幻雲物秦棧詰屈哀猿愁錦城小
住五十日岷山秀色垂簾鉤青城玉壘尻首接灌口屈
注雙江流興極欲蹋大峨眉脊卻騎瘦馬來龍游嘉州罨

畫枕江上孤峰縹緲東南浮神霄玉清有遺跡登臨可
以消煩憂蹋泥盤盤到絕頂江山披豁開雙眸峰巒八
面簇金碧下瞰江海如浮漚八十四盤在衣帶氣凌五
岳驕公侯暮雲早雪互明滅兜羅綿現無時休岷江從
東來奔騰迴萬牛沫水滙青衣簸蕩千斛舟三江九峰
倏然合丹崖翠嶂窮雕鏤江山奇麗冠天下何意絕景
來蠻陬天風蓬勃日西墜搔首欲去仍淹畱荆吳萬里
自茲始來朝起柁尋巴丘

三登高望樓作

風流曾說荔支樓欄檻高明壓四州

謂戎眉
印雅也

峨項晚霞寒

白雪江心殘照出烏尤雲煙早暮還殊態楓柏丹黃只似秋自笑心情無賴甚清晨臨眺不梳頭

曉渡平羌江上凌雲絕頂

眞作凌雲載酒遊漢嘉奇絕冠西州九峰向日吟江葉
三水通潮抱郡樓山自涪翁亭畔好泉從古佛髻中流
東坡老去方思蜀不願人間萬戶侯

坡詩生不願封萬戶侯亦不願識韓荊州但願身爲

漢嘉守載酒時作凌雲遊

漢嘉竹枝五首

今嘉定州

龍游城郭碧玻璃西望三峨曉黛滋分取三江作明鏡
鏡中各自照蛾眉

城頭山色入虛無
城下清波望鬱姑
白塔紅船歸去晚
嘉州也復有西湖

側生一樹會江門
水遞年年進大藩
寂寞蜀宮三十載
夕陽零落荔支園

竹公溪口水茫茫
溪上人家賽竹王
銅鼓蠻歌爭上日
竹林深處拜三郎

平羌峽裏府江來
西望青衣抱郭迴
大佛足前相會合

早潮晚汐不分開

三江岷江東來青衣水沫水西來至大佛前乃合流
坡公詩奔騰過佛腳土人謂岷江爲府江卽錦江也

犍爲道中

潮音閣下戒舟航
迴首凌雲墮渺茫
土俗漸臨巴子國

江流遙接楚人鄉
爐熏細細縈琴薦
荻葉蕭蕭映筆牀
天外峨眉如送客
晴雲千片白毫光

犍爲縣

伐鼓犍爲郡
清晨江霧黃
城根藏杳靄
帆勢入蒼茫
古道唐蒙使
輕舟陸賈裝
西南皆郡縣
何處夜郎王

敘州鎖江亭晚眺

望望朱提路
夕陽千萬山
落霞明極浦
飛鳥近南蠻
城角旌竿直
江亭鐵鎖閑
鬱姑臺咫尺
煙靄畫圖閒

江安縣

斜日玉津渡
青山銅鼓灘
蠻江來浩蕩
竹路飽艱難
晚

市稀橙客荒園罷橘官波濤三百里猶是怯兵欄

清溪

納溪縣西五里太白詩
夜發清溪向三峽卽此

蠻雲漏日影淒淒夾岸蕭條紅樹低好在峨眉半輪月
伴人今夜宿清溪

江陽竹枝三首

今瀘州

錦官城東內江流錦官城西外江流直到江陽復相見
暫時小別不須愁

妾如江心黃龍堆江枯石爛長崔嵬郎如治平寺中塔

戎州西望忽飛來

相傳敘州北江干塔頂飛
至瀘州治平寺塔上而止

江邊草色映春衫百五梨花葉葉帆齊向城南蹋青去

繫舟多在使君巖

敘州流杯池瀘州使君巖皆山谷先生舊遊都不
及訪悵然賦此

憶昨登凌雲江邊蹋亂石興劇罷鞍馬逍遙散輕策徑
危草露多處處見虎跡東林雨新霽初日射青壁浩蕩
三江流安穩平如席西笑揖峨眉遙連雪山白酒酣掛
帆去矯若生羽翮心知流杯池遺踪在巴夔俗物敗人
意交臂輕一擲今日使君巖南望還咫尺通詞託微波
蹇修空脉脉平生一瓣香敢爲涪翁惜如何萬里遊虛
此幾兩屐回首望南雲蠻江日將夕

合江縣

鯨部蠻荒水東南裂地來江臨巴子闊山倚少岷開故
國音書絕天涯老鬢催渝歌聲太苦中夜起徘徊

合江早發

放溜殘更裏熹微霽色閑鴉飛符縣北日出少岷山衆
水當渝會扁舟下瀨還客心爭歲暮猶自滯烏蠻

西涼神祠曲

在合江縣符堅時呂光討李焉之亂至此土人祠之陸務觀謁祠詩我雖不識神知是山水人不敢持笏來禋

褐整幅巾似未詳
本末賦詩正之

長安氏王頭有角東掃鄴宮西定蜀西域校尉婆樓兒
勒銘直到岷山腹功成振旅咸陽中萬里玉門旌旆紅

三十六國拜都護酒酣作賦龜茲宮甲乙讖成苻氏滅
魚羊食人日流血黑龍晝起姑臧城坐制三河亦人傑
少岷山下岷江流西涼廟貌凌高秋山頭龍出作雲雨
神靈雜沓風颼颼煙消雨散渺何許靈欲歸兮憺容與
船旗獵獵西北斜落日陰房竄蒼鼠

棹歌

紅葉磧邊紅葉飛黃魚沱上黃魚肥百丈牽江怯西上
三巴迎客好東歸

渝州夜泊

塗山斜月落巴國曙雞鳴亂艇煙初合三江潮夜生霜

寒催曉角石氣肅高城不寐聞猿嘯迢迢入峽聲

題三忠傳

故四川巡撫陳公士奇重慶知府王公行儉巴縣知縣王公錫

已失夔門險誰云蜀道難三江潮不到萬馬競傳餐故國悲張許忠魂泣賀蘭當時渝水上慷慨白衣冠

塗山絕頂眺望

飛瀑落長虹登臨見禹功山圍巴子國苔沒夏王宮峒俗烏蠻近畬耕白帝同渝州天塹地感慨大江東

舟出巴峽

曲折真成字滄波十月天雲開見江樹峽斷望人煙新月數聲笛巴歌何處船今宵羈客淚流落竹枝前

長壽縣弔雪菴和尚

枳縣秋風愴客魂
金川遺事忍重論
誰從魚服悲宗國
唯有烏朝戀舊恩
葉下沅湘愁北渚
蕪生鄢郢哭東門
至今松柏灘頭水
嗚咽寒潮弔屈原

涪州石魚

涪陵水落見雙魚
北望鄉園萬里餘
三十六鱗空自好
乘潮不寄一封書

壤塗早發

夢迴峽月落臥聽舟人語
風便五更潮天明到南浦

萬縣

古南浦地

萬縣有感

千秋南浦地險阻控三巴惡少仍雕面通侯各建牙何
人飼豺虎吾道一龍蛇鼓角寒城暮江流捲白沙

岑公洞

岑公昔學道遺迹空山中洞門界飛流白日生雷風石
髓無古今鍾乳盡玲瓏巖泉日穿穴點滴成窪窪中央
若累棋狡獪造化功頽竈倚青壁中夜丹砂紅睠彼遺
世翁於此悟參同壁閒題字人歲月何怱怱巨碑亦笏
立文詞競豪雄中間岑襄州頗擅語句工豈其南陽裔
源流故難窮此洞與魯池望望江流通昔是仙靈宅今

爲豺虎叢太息下山麓風健孤帆東

元符間岑巖起象求虛鑒真人贊一碑李薦文叔所

書岑洞魯池今皆爲侯家所有築砦其上

雲陽縣

十月雲安縣千崖石氣青江寒風颯颯猿嘯雨冥冥鹽井筒時汲巴歌酒易醒天涯連歲暮心折杜鵑亭

晚登夔府東城樓望八陣圖

永安宮殿莽榛蕪炎漢存亡六尺孤城上風雲猶護蜀江閒波浪失吞吳魚龍夜偃三巴路蛇鳥秋懸八陣圖搔首桓公憑弔處猿聲落日滿夔巫

灤西謁少陵先生祠五首選二

萬古灤西宅斜連峽口關高雲魚武縣秋水麝香山老
作諸侯客心依供奉班樊川臨素滄遺恨不生還

欲去頻回首停舟灔澦堆東屯渺雲水西閣莽蒿萊感

事悲諸將懷人賦八哀昆明遺碣在落葉滿蒼苔

祠有石刻秋興

詩僅存昆明池水一首

登白帝城

赤甲白鹽相向生丹青絕壁鬬崢嶸千江一線虎鬚口
萬里孤帆魚復城躍馬雄圖餘壘跡臥龍遺廟枕潮聲
飛樓直上聞哀角落日濤頭氣不平

謁白帝城昭烈武侯廟

赤岬山頭雲氣蒼
楓林蕭瑟落微霜
魚人故壘生秋草
鳥道寒空掛夕陽
當日君臣真灑落
至今祠廟有輝光
江流薄暮聞笳鼓
回首中原泣數行

巴東秋風亭謁寇萊公祠

秋風亭上望搖落
值秋風巫峽千帆上
荆門一水通清猿
吟楚塞客淚落巴東
故相還祠廟淒其伏
臘同

抵歸州

亂石歸州郭危檣
蜀客舟江山悲屈宋
戰伐憶孫劉西道
連魚復東門望夏丘
興亡紛在眼
袞袞大江流

宜都又名西道

歸州書感

歷歷青山遠更圍蕭蕭紅葉晚爭飛一天暮雨來巫峽
萬里寒潮到秭歸郢路蒼茫衰草遍楚宮蕪沒昔人非
灘聲半夜堪頭白況復天涯未授衣

秭歸夜泊

江水茫茫去西風感鬢絲峽深夔子國月上屈原祠灘
響夜方急猿聲寒更悲楚天搖落後何處採江蘺

新灘二首

楚蜀諸灘首險在
兵書空舸二峽間

上灘嘈嘈如震霆下灘東來如建瓴瞥過前山纔一瞬
鷓鴣啼處到空舸

兵書峽口石橫流怒敵江心萬斛舟蜀舸吳船齊著力

西陵前去賽黃牛

空舸峽

月吐空舸峽流光楚塞旁
漁燈搖宿鷺篷背受新霜
青草煙波闊黃牛朝暮長
曾爲雲夢客回首憶高唐

黃陵廟二首

廟後峰頂有人
牛像宛然如畫

峽裏黃陵廟千秋俎豆新
禹功思癸甲靈笈佐庚辰
灘石冬逾壯風帆捷有神
旌旗臨絕壁長照大江濱
秭歸來百里突兀見黃牛
下水纔朝暮行人已白頭
山川夔路險疏鑿禹功畱
尚憶平成日茫茫辨九州

登蝦蟆碚

黃牛打鼓朝發船碧波白鳥爭清妍迴首名山大川閣
烏尾已捩西陵煙三峽欲盡尚迤邐云十二碕紛鉤連
頗聞中有第四泉康王谷水差隨肩峽窮碕轉詫奇事
忽見飛瀑流琤潺爬沙終古此巖側青冥無路誰夤緣
江風吹笠冷毛髮挾雲挾雨鳴船舷大索旒毳貯飛雪
旋去屐齒窮危巔橫斜拾級一徑上藤梢橘刺相糾纏
皴皴槎牙澀苔蘚清泉百道爭涓涓陰洞終古閤白日
神瀆噴薄鍾乳堅石壁麤惡艱礱錯題名豈辨唐宋年
永叔涪翁詩不滅誰爲好事重鎚鐫名山蒙頂壓顧渚
蒙山茶出蜀名山縣春芽開裏勞烹煎下巖轉舵未忍去下牢關外

斜陽懸

十二碛

黃陵廟前聞櫓聲一灘纔過一灘迎
三千里外峽程盡
十二碛前秋水清

抵彝陵二首

西陵雄鎮地佇立望荆門
蜀水天邊綠巫雲峽口昏
三湘初落木萬里飽聞猿
翦紙勞僮僕爲招久客魂

扁舟天上落迴首萬灘高
斜日明西塞秋風過下牢
江湖初莽蕩吳蜀幾旌旄
至喜亭邊泊椎牛也自豪

西陵竹枝四首

今彝陵州

蜀道艱難易白頭羊腸虎臂又黃牛西陵纔過荆江出
聽盡猿聲是峽州

峽江三月櫓聲齊扣拍哀歌高復低十二碛邊初起汕

日斜還過下牢溪

彝陵俗以三月初八十八廿八三日起汕相率扣拍而歌悲愴慷慨乃獲多魚唯十二碛以上下牢溪以下數

十里
為然

金釵繫接髻丫枋又繫年年聚此鄉江上夕陽歸去晚

白蘋花老賣鱖鯉

俗以八九月取鱖鯉魚先布網而後下又謂之又繫其地曰繫枋

荷燈百尺接秋河猶似秦兵駐綠蘿更說元宵好風景

竹枝歌續採茶歌

元夕連袂唱竹枝採茶歌七夕家家張荷葉燈云昔秦白起伐楚將燒彝陵望見城中燈火而止遂沿至今也

歐陽公絳雪堂

索笑巡簷日幾迴
蠻花解勸掌中杯
祇憐景祐升平日
也遣先生上峽來

荊州懷古

白帝城邊醉放舟
夕陽荆楚此登樓
驚心割據三分地
放眼關河萬里遊
山色茫茫江夏遠
風煙漠漠渚宮秋
何須更續英雄記
今古無人似仲謀

黃叔度墓

落月漢江上
檣烏初動時
一杯披馬鬣
千頃拜牛醫
鄙吝消何有
清流本自危
如何無愧色
唯說蔡邕碑

漢江望鹿門山

大堤一長望窈窕紆林壑聞有龐公居攜家因採藥僧
歸鹿門寺帆轉襄陽郭耆舊復何人煙霞今寂寞

習家池

山公酩酊處遺跡峴山頭院靜寒山落川明宿霧收依
然池上水遙接漢江流谷口微鐘發蒼茫起白鷗

襄陽口號

豈有酖人羊叔子更無悔過竇連波殘碑墮淚迴文錦
一種銷沉可奈何

峴山和孟公韻

往者不可作含悽方在今峴山風景地名士幾登臨陵

谷須臾改殘碑涕淚深高陽池上酒憑仗一開襟

劉景升冢

豚犬兒郎霸業空冢中人不愧英雄一杯遙酌襄江上
愛汝名高俊及中

大堤曲四首

何處白銅鞮相逢大堤曲樊城多酒家郎在誰家宿
送歡鳳林關別歡桃林岸紅桃作花時與歡復相見
漢水綠頭鴨朝朝自呼名何時覓歡去附書到江陵
東漢房陵來南流武昌去西漢下巴陵曾是相逢處

估客樂三首

大艚趁潮來落帆向樊口盤鱸槎頭鱖杯泛宜城酒
大堤諸女兒三五花映肉斜月半江樓低徊就郎宿
與郎定情時葳蕤黃金鑰不識墮淚碑但道襄陽樂

新野道中

窮冬風易緊暝色路何長蠻落黃郵聚寒林赭水鄉鴈
聲過宛口帆影下襄陽回首昭丘外雲濤墮渺茫

南陽

漢家陵闕晚煙重路入南陽識舊封何日赤符曾應識
至今白水尚朝宗炎精十世飛雄雉鼎足三分起臥龍
惆悵銅駝經幾度西風博望一聲鐘

過長沮桀溺耦耕處

曾讀陶公傳
杳杳沮溺心
耦耕餘故跡
流水抱寒岑
鳥下日將夕
雲歸山半陰
從來避世者
不厭入林深

葉公祠

蕭條醴水暮
煙封古殿青
苔上廢鐘
地下子高應
一笑世閒誰
解好真龍

望石門山高鳳隱居

頗聞石門山高
公有遺跡復有
元丹丘於此鍊
金液溪雲飛鳥
曙蘿月清猿夕
我欲往從之卜
鄰醴西宅

襄陽道中

三民詩話言金卷六
角角逐鳴雞遙遙信馬蹄雪殘雍氏北月落潁陽西序
已三冬晚途猶七聖迷汝南名士盡望古一含悽

拜李元禮墓

潁水東流去不迴漢家司隸汜城隈西園官爵歸常侍
北部髡鉗記黨魁一代荀陳師友誼千秋蕃武死生哀
歲寒謾謾松風裏猶似龍門御李來

潁亭

青山圍潁亭下有清潁流石瀨何淺淺力始勝方舟金
沙映素篠策策千萬頭斜日照冰雪微風矯輕鷗側身
望終古企彼巢與由糠粃鑄堯舜心與造物遊不逢掛

瓢人北指軒轅丘

滎澤渡河

西溯岷峨萬里長
大河北去渡滎陽
平分兩戒迴中岳
直下三川阻太行
咫尺風雲迷廣武
蒼涼曠日射扶桑
時清久失成臯險
醞酒黃流弔戰場


渡河西望有感


使者河源復卻迴
杖藜曾記到雲臺
高秋華岳三峰出
曉日潼關四扇開
星宿海從天上落
崑崙嵒槎自斗邊來
何時更訪茅龍去
東望滄溟水一杯

新鄉望蘇門山懷孫鍾元先生

朝來衛河上遙見蘇門山蒼翠雜諸嶺清涼分百泉緬
懷松舟趣長詠竹竿篇及茲限跬步擊汰失夤緣遙憶
嘯臺翁山中方晏眠兒孫繞膝下洞壑當門前茶臼隱
修竹蓮舟隨稻田少年任豪俠白首此終焉無由逐高
鳥矯翮青冥邊

王氏漁洋詩鈔卷六終





王氏漁洋詩鈔卷七

寄東癡

夏旱秋更雨新笋晚角出紫籜舒錦裯銳上如卓筆幽
憂寡清歡懷彼林下逸對雨有微吟清齋散愁疾適從
武關來千峰背寒日鴉路極盤紆汝水中蕩潏山川入
奇抱波瀾浩難詰佇君梁甫吟將遺慰蕭瑟

七月廿一夜雨哭長兄

秋堂雨千點離人腸百結盡將今夜雨作我眼中血追
憶故年時倉皇成永訣白頭哭寢門寡妻矢同穴百身
詎可贖呼天但嗚咽石火倏一周搖落紛暮節舊館莓



三
言金卷一
一
苔荒欹案琴書列茫茫人代速寂寂音塵絕四序不少
畱絲組易衰經蟹匡蟬有綏而我服當闕常懼歲月疎
遂使哀情竭生存華屋處零落重泉閉空畱身後名青
史誰優劣我年亦四十飛騰如一瞥相逢儻有時一笑
攬涕屑

輓姜貞毅先生

先生諱埰字如農萊陽人明給諫以言事
謫戍敬亭後流寓蘇州治命葬敬亭山下

曾聞碧血裏朝衣滄海橫流萬事非生已變名吳市去
死當埋骨敬亭歸空山落日鳴鶡鴒孤墓深春長蕨薇
魂傍要離君愛弟英靈來往怒濤飛

先生弟吏部垓
字如須葬吳郡

過念東先生兼贈唐濟武太史五首選三

琴薦香爐紅樹裏隱囊紗帽白鷗邊玉堂天上渾無夢
任放交牀自在眠

破茅不補槿籬斜菡萏叢殘有數花愛此天然風味好
只如退院老僧家

西鄰學士倦詞頭壁挂銀魚不記秋好事他年作圖畫
往來二老亦風流

江正鹿角膠墨

梅淵公所寄

深山五月中鹿角暖初蛻取作黃明膠良工妙調劑黃
海松萬株壽者幾千歲古屋收輕煙萬杵功不細易水
渺已遠潘張復誰繼歙州有江正妙絕擅斯製故人鹿

裘翁愛我一丸惠老無險糜賜研田蕪不薶晴牕手摩
挲風日忽開霽袖中官奴帖飛動苦難逮牙滑剡溪藤
熟視空睥睨啜汁亦復佳爲君掃文字

謝施愚山寄敬亭茶著書墨四首

珍重宣州綠雪芽釵頭玉茗未須誇晚涼夢到雙谿路
宿火殘鐘索鬪茶

白甌親題記社前紅囊開罷瀹清泉桐陰滿地蒼苔滑
紗帽籠頭手自煎

分來劍脊伴雲腴橫理庚庚玉不如更乞宣城諸葛筆
晴牕小試硬黃書

澤門暫與邑中黔一種高風比斷金至竟不須論白黑
東坡居士是知音

漫興十首

泚泚荆襄地當年割據州營連九節度星動五諸侯已
共長江險應關上將憂郭門傳息壤不障洞庭流
一線金牛道迢迢限雍梁峽猶傳禹鑿山忽兆彭亡戰
鼓黃陵廟訛言白帝倉魚鳧曾夢到回首閱蒼茫
嗚咽秦川水秋風入鼓鼙妖星躔隴右大將出安西陸
陸將誰附蒼蒼迴不迷似聞寬大詔未忍戮鯨鯢
烽火傳花馬將軍發賀蘭天心誅叛亟國法受降寬衙

帳青唐入沙場白骨寒亂臣誰貰死史筆後人看

均房山萬疊林箐杳難分故國傳鄖子名城屬冠軍風
煙迷楚望金鼓動秦雲父老思原傑當年舊建勲

不見離支熟閩州驛騎來大農師漸老使者節難迴五
嶺烽相照三山瘴未開冥冥炎海外目極釣龍臺

西北和親國王姬禮數殊一朝忘

去聲

甥舅萬里送頭顱

露布明駝足軍鋒落鴈都六師信神武羣盜敢枝梧

慘澹蒼梧野風塵八桂林屠沽投閒起巾幘負恩深銅
柱無消息交州竟陸沉何時大藤峽披豁散重陰

海內兵塵滿乾坤正氣孤數公明大義一死激頑夫關

塞青楓晚英靈白日徂他年看秉筆得慰鬼雄無
少日論兵事空驚老大身拊膺成一歎食肉爾何人劇
孟能傾楚弦高竟卻秦白頭清鏡裏歸臥故山春

秋日過子吉讀書齋有懷茗文

翰林官自達疲馬
吟日午炊煙寂閑門落葉深平
生有知己高臥洞庭陰莫謂飛沉絕千秋共此心

謝孫思遠送茶笋

鬪茶竹塢麥秋寒燒笋僧樓穀雨闌寄謝江南老桑苧
也分風味到麤官

戴嵩牛圖

三民詩話卷一
四
一川莎草煙濛濛曉來雨過開牛宮三尺短篳兩觥觥
午陰掉尾嬉涼風一頭摩角一頭齟齬寢訛有態何其工
江干笛材老煙竹橫吹髣髴穿林叢絹素慘澹神理在
是耶非耶傳戴嵩田家風物宛在眼但有耕作亡兵戎
我行峨下踰萬里青衣江上平羌東翠藤紅樹亂煙雨
風景略與圖中同一從羽書急滇海甌粵秦楚交傳烽
益部迢遙隔天末舊遊有夢尋巴賓旄牛徼外阻王會
萬蹄驕馬高纏驥千村萬落長荆棘何時金甲銷春農
童牛不牯可三歎卷圖風雨來長松

用東坡先生清虛堂韻送黃無菴僉憲歸甘肅兼

寄許天玉

金城烽火連瓜沙榆林盜賊趨彭衙三秦昨夜捷書至
關門百丈開蓮花甌閩格鬪尚未已天南望斷今無家
登隴嘶羣怯班馬及關接翅隨昏鴉甘州官舍幸少事
譯經往往紛天葩河西番帳盡外徙何妨羊酪煎春茶
許生潦倒作秦贅岑牟單絞漁陽搗竹林諸賢久雨散
我亦蟣蝨勞搔爬何時九州絕豺虎吾徒一笑忘咨嗟
小戎賦罷意慷慨瓦亭西北紛虹霞

二君俱閩人
黃精禪理

同湘北子端二學士子吉侍讀登慈仁寺閣再用

清虛堂韻

化人閱世恒河沙老松攫地龍衙衙盤空閣道下無地
妙香似有陀羅花吾衰作客不稱意每逢望遠疑還家
三關寥落數行鴈雙闕霏微千點鴉翰林三君負公望
高文大冊流滂葩惜我旅病色枯槁頭綱屢許分宮茶
兵車鱗鱗指荆楚門外蕭蕭多馬撾從來決勝在廊廟
詎有羣盜煩梳爬書生手無五尺箠中宵倚柱徒咨嗟
罪言欲吐更指口遙山雨腳低殘霞

通州水月菴三用清虛堂韻

鳬翁三五嬉晴沙殘僧閉關如退衙黃蘆苦竹隱缺岸
水萍往往飄殘花濠濮會心豈在遠便可泛宅仍浮家

水關上接鮑丘水伯瑋戰地啼寒鴉卓老一杯沒荆棘
誰憐文采兼奇葩古人於此兩寂寞高枕且聽風爐茶
漕河如林萬檣立負城時送迴颿撾彷彿扁舟落吾手
背癢欲倩鳥爪爬病鶴觸籠翅翎短老隨雞鶩吁可嗟
安得十洲縱汗漫排空一氣凌雲霞

陳真亭僉憲殉節詩

名丹赤閩縣人順治辛卯舉人自兵部郎中出爲溫處道僉事總兵官祖某叛死之

贈通政使

爭飛海水動妖氛大節堂堂獨不羣真見司農生擊賊
還同車右死鳴君赤城地遠埋殘骨朱鳥魂歸哭陣雲
他日東甌應廟食靈旗風雨夜深聞

楊茶菴僉憲闔門殉節詩

名三知良鄉人順治丙戌進士神木道僉事參將孫崇雅叛同妻妾

二女赴井死

贈光祿卿

西來鼙鼓震秦川神木城頭火夜燃
直向重泉尋八口居然一死動三邊
飛書大將論功日嚙齒孤臣入地年
彷彿井幹明月下苔痕零落聽啼鵑

劉富川江屏殉節詩

名欽鄰儀真籍廬陵人順治辛丑進士粵西亂死之贈光祿少卿

白沙江上別蒼茫憶爾廬陵節義鄉
萬里青燐連桂管三年碧血照清湘
烏啼濺淚逢寒食馬革驚心裏戰場
望斷銘旌何處是蒼梧愁絕暮雲黃

蘭谿丞徐君殉節詩

名詰廣昌人貢士城破懷印死贈浙江按察司僉事

連城大帥豎降旛獨有微官死報恩故印猶存同杖節
巫陽無地與招魂雙松幾歲哦廳事大鳥何年立墓門
聞道荒城還渴葬怒潮穿脇越江昏

定邊堡守備劉君夫婦殉節詩

名士英朱龍據堡叛君與妻妾郭氏李氏俱死之贈

拜他喇布勒哈番世襲

河套南來花馬池嚴城一夕滿旌旗驚傳絕塞豺狼窟
坐失三軍熊豹姿恤緯孤忠畱婦女成仁浩氣屬偏裨
高牙大纛工翻覆請視劉君墮淚碑

贈郝侍御二首

龍性詎能馴依然七尺身誰從燎原日還憶徙薪人肝

三民詩言金卷一
一
膽酬 明主風霜老逐臣 孝陵松柏淚霑灑又重新
血戰蠶叢日愁雲壓閭中謗書翻置獄刀筆敢論功又
失巴西險何時劍外通憑君重草檄早爲破田戎

秋夜同容齋說巖二學士聽楊山人彈琴

萬里東歸客七絲聞夜彈泉流巫峽裏猿嘯楚雲端淅
瀝楓葉落寂寥秋水寒無人知此意試問董庭蘭

與曹升六舍人食蟹

海上有螭蚌力可制於菟縱橫凌風潮一殼能專車失
勢稻芒候八跪克庖廚津門連渤海珍錯首蟹胥誰遣
三十輩束縛就寒蒲磊落堆盤中香味宜葵菹易酒碧

玉色無錢亦須沽與君對持螯風味思江湖野人厭藜
莧腸飢鳴輓轡今朝食指動襟袖霑膏腴酒船數帆健
絕勝三日酺寄謝虞嘯父未須誇鰲魚

雜感四首

隴水洮雲外傳烽萬里通天兵張掖下露布朔方同賊
已亡方望時堪仗竇融明年看置酒圖畫滿南宮
飲馬洞庭闊連營笳吹聞南人知象主漢表失鄱君斑
竹祠邊水蒼梧野外雲何時真下瀨一試習流軍
戮力還羌帥孤忠有法王不緣蒙上賞何以警無將天
狗過秦野髦牛限鬼方古來稱隴蜀成敗幾蒼茫

三
一髮東甌路懸軍春復秋何人裹馬革幾輩爛羊頭禮
比長公主榮逾恩澤侯聖朝寬大德不死竟何憂

送嶽生都諫休沐歸渭南二首

羣盜方燒棧涇原尚枕戈卽應排禁闥未擬老煙蘿天
險嶢關路寒風隴上歌故鄉征調急憂國意如何
轉粟眞天上孤軍頓利州豈應成左次肯使借前籌騎
氣今方布民勞且未休三秦諸父老應憶繞朝謀

用韻荅別容齋說巖二學士訢菴侍讀

憂患餘生見面遲故人驚喜鬢成絲茶杯冷澹香殘處
塵尾橫斜月落時沙磧斷鴻千點沒都亭衰柳數行垂

霑襟又作銷魂別不爲中年好酒悲

阜城感僞齊劉豫作

殘堞昏鴉外人煙古阜昌龍蛇逢戰鬪
殺癩慨興亡父老思宗澤朝廷負李綱
紛紛齊與楚一笑對斜陽

元裕之詩河邊

殺癩尚能飛無角無鱗自一齊張邦昌亦河間東光人

過古城

格孫城外遠煙迷瘦馬凌兢上大堤
茅屋幾人輸井稅田家終歲把鋤犁
殘碑剝落橫苔蘚古道縈迴長蒺藜
陵谷消沉盡如此一聲村落夕陽雞

五君詠

王曰淵言金卷一
劉考功公駢

劉生慕節俠杜陵一男子從軍驃騎幕長嘯蘇門裏萬
金輕鴻毛妻子如脫屣少日魯朱家爲官偶然耳

施少參尚白

宛陵實盛德卓犖爲真儒馳情慕周孔抗志希黃虞作
爲一家言頗綜七略書從政三十載屢空方晏如

汪戶部荅文

左司固簡傲狂狷乃其真邈然望終古豈顧世上人軒
冕詎足貴雲壑心所親著書洞庭上寥寥誰問津

梁侍御曰緝

陽夏善閉關性不因人熱偶然騎驄馬非意固不屑一
歸嵩陽寺邈與世相絕作佛固未能蕭然自禪悅

董侍御玉虬

易農不羈士爽朗多所遺脫略梁竇勢放浪班馬詞一
迴秦州駕高臥荆谿湄文園自消渴猶聘茂陵姬

西堂甘橘初熟招東癡二首

昨宵霜信熟黃甘小閣離離夕照酣爲報故人須過飲
挂帆何必洞庭南

楚頌吟來憶左徒酒牀新漉待招呼田園別後春蕪長
欲買青山種木奴

趙北口作

嚴冬澤腹堅魚陟未負冰冲冲鑿冰子凌霜戒晨興鱣
鮪與鰕鮓萬命懸一罾前魚已失勢後者復相仍蛟龍
改窟穴雲雷遂飛騰嗟爾髻鬣微瑣細非所矜天地發
殺機陰符方見稱

雪中送酒與東癡二首

清晨起盥漱開戶聞騷屑風微竹煙淡雪重松枝折
冰寒屢凝爐香散還結忽念東臯子孤懷抱冰雪

東臯未三里潢水凡幾曲風雪掩荒蹊往來斷樵牧先
生高臥處柴門翳苦竹雪深門未開吟聲出茅屋欲寄

一瓢酒聊以慰幽獨

題黃鶴山樵畫卷

憶昨茅齋雪霽時
地爐松火夜談詩
春風騎馬長安去
如此溪山坐付誰

朱璧揭鉢圖

方寸水精鉢中有寧馨兒
崔巍青蓮座上有人天師
人窈窕美且頎迴風髣髴
捎雲旗作使羣鬼無不爲
神姦萬億連尻椎震電煜
煜雷車馳修羅刀鼻雨不
訾飛龍衙衙勢躩踞前有
飢蛟後肥遺或騎朱虎驂
文狸猓猓駛羣騶吾夔蹄
者角者毛彤彤銅弩蹶張
齊發機彤

弓旅矢射麗龜齧齧伐鼓聲振悲師子之鎧劍鉞鉞懸
橦度索上騎危牙齒棧齧肩隱頤左擔雞足移須彌威
容廣大調御姿不聞不見坐若尸天花青紺下葳蕤山
鬼邪揄不得施授女五戒跪涕洟豈悟前因羯肌尸賓
伽解脫母性慈山河墨點無瘡痍顧陸不作作者誰崑
山朱璧能繼之絹素黥暈丹粉漓神彩浮動窮毫釐城
北徐公虎頭癡三日不食坐茅茨抱持此卷忘朝飢大
雪扣門索我詩開卷一引千畱犁呵冰炙硯爲此詞十
指皸瘃兩肘胝杜陵老叟不可追金粟神妙徒嗟咨

臘月六日大雪遊兔柴登西佳樓

谿谷清寒雪意濃騎驢曉蹋磧西東危樓更在千峰上
獨叩仙人白兔公

雪中登黃山

空齋蹋壁臥忽夢溪山好朝騎禿尾驢來尋雪中道石
壁引孤松長空沒飛鳥不見遠山橫寒煙起林杪

贈南村張處士二首

風景閑園裏蕭然覆盜門池塘一雨足嵐氣四山昏幽
事蠶桑月鄰家農圃言更無租吏迹送老此南村
手種蒼松子今來三十年枝摩青漢上葉覆草堂前聲
急宜春雨風多豁醉眠茯苓應可劖看汝作頑仙

王氏漁洋言金卷十
三
呂忠節公輓詩二首

爲敬芝
侍御作

一自澠池渡風塵天地昏銅駝悲故國龍種失王孫
司馬空居洛巫陽詎返魂長令懷古者流涕上東門
紫陌臨伊岸青山抱洛中殽函失天險父老哭遺忠
秉國入誰在騎箕恨未窮橋陵西望近應逐鼎湖弓

張友石戶部得雷氏琴

枯木向千載中有太古音君子重拂拭寄此山水心
閑庭何蕭條苔色上衣襟爐煙方斷續房櫳杳森沉
遙懷託散暢古調刪哇淫良以辨廉志詎必徽黃金
相賞在松石蕭然風滿林

送許竹隱之紹興三首

頭白征蠻府飄零萬里歸會稽鄉郡接太末羽書稀

時金

衢漸平

鰕菜連漁浦樓臺隱翠微由來巖壑美終日愛清暉

一棹西陵去名山入剡中放衙臨鏡水行部逐樵風江渚鳶鳥集蘇臺麋鹿空沼吳兼霸越懷古意無窮

蟬聲集深樹驛路遍槐花黃鵠逝千里浮雲天一涯鶯啼范蠡宅草長謝敷家迢遞相思處春風滿若耶

贈葉井叔三首

別業在樊口門前臨大洄樊水渺東逝大江從北來蒼翠對吳峴崢嶸臨釣臺紫髯信已矣山川鬱佳哉蕭條

三上清言金卷一
三
聳叟居門徑餘蒼苔隱跡旣蕪沒霸業隨飛灰唯傳退
谷銘流風激蒿萊君詩似聳叟令我懷抱開豈忘樊上
居出處理亦諧江湖就魚麥日夕增徘徊

作吏客伊洛門對嵩高山山色映終古客心長自閑朝
看飛鳥沒夕對孤雲還聞昔王子喬吹笙碧落閒揮手
駕白鶴一往三千年至今緱山上逸響凌紫煙夫君有
仙骨雲駕如可攀遊目憩嵐嶺躡足升天關盧巖瀑布
佳百丈聞琤潺懸流濺冬雪密樾生夏寒何當蠟屐來
與君蹋飛湍

樊口去荆江雲濤渺千里估客日上下清風片帆耳五

溪有傳烽飲馬洞庭水鈴旂雲夢多悲筵渚宮起南岳
無迴鴈江介多封豕如聞樊上居風土異南紀雞犬白
雲中桑柘寒煙裏理亂不復聞漁釣信爲美扁舟倘知
津逍遙問園綺

展子虔高歡歸晉陽圖

黃河浩蕩流三城龍門底柱禹所營巨舟峨峨掉尾鯨
乘風破浪來崢嶸身臨河魁賀六渾虬髯虎視眞天人
紅粧執樂一千指玉貌錦衣克下陳黃頭鮮卑一何銳
怒如飲飛軒猛氣露車載酒非狂生復有敖曹好兄弟
當年霸府氣如虹洛陽三月珍珠紅韓陵片石紀元功

晚逢黑獺非籠東熒惑一朝犯南斗下殿真成入關走
傷心渭水日東流鸛鴒跼跼實戎首展生何年寫此圖
丹青橫絕絕代無想見櫪頭綱惡馬如此老公豈人下
周禮綱
惡馬

吳道子鍾馗小妹圖

吳生畫鬼神妙絕古無兩夙生應帝釋威力懾夔魍此
圖閱千劫筆勢窮象罔小妹氣魁岸廣睂半額額長劍
高拄頤櫺具何倜儻小鬟捧劍室反唇微頰仰其一按
樂句歌聲切雲上顧步乍蹀躞流目交眄矐紒髮下魑
椎腫背上螫盎人言鬼可憎此語定非枉阿兄在何許

獨跨烏角養或云宗慤妹破浪助豪爽或云堯辟邪傳
會出影響妄言姑聽之聊復得神賞說鬼老夫能作詩
供拊掌

沈周秋林讀書圖

白露變丹葉楓林颯高寒青山出白雲巖壑增孱顏何
人坐林中長日頽巾冠堯舜禹湯武如櫛羅簡編最愛
青牛翁至哉五千言山風日蕭條楓葉墮我前瀑布拏
蛟龍赴谷爲奔川川上小石磯磯頭插綸竿卷書卽垂
釣得意遂忘筌我本山中人見此心依然何當及秋風
歸翦茅三閒

三
日
清
言
金
卷
一
五
移竹戲題

齋居飽藜藿兼旬食無肉昨從季主卜筮得蒼筤竹入
世二十年磬折仍負俗愛君霜雪姿磊砢多節目秋雨
日瀟瀟臥起箕簞谷露下更婆娑官奴試難燭

雷雨

泚泚中宵雨天心乍洗兵誰能占噬嗑且欲掃攬槍甲
士猶傳箭丁男久廢耕三秦頻送喜新築受降城

句龍爽蠟屐圖

磊磊白石瀨落落松竹林林下彼何人蕭灑古冠巾手
中自蠟屐神氣何閑暢人生百年中著此當幾兩晉人

故多癖此癖復自佳錢奴身障簾優劣何有哉兒子竟
辨賊入戶屐齒折寧憶剡中時長嘯泛溟渤兩人持高
屐三人持衣裾作佛靈運後習氣那復除奇哉句龍生
有此通靈筆把臂方入林欲呼阮遙集

題畱仙然竹集卻寄

小孤山下江水白聞君去作潯陽客大別山前江漢清
憶君重過武昌城荆鄂相望纔幾驛憐君來去隨潮汐
盤中縷膾武昌魚座中人物荊州鯽亦識王門懶曳裾
參卿軍事復何如早將表餌摧彊敵莫爲窮愁且著書

夢中作

涼雲止復行
水花開更落
煙柳夕陽時
蟬聲動高閣

聽張晴峰員外彈琴

愛君園林好
花藥幽蒙茸
淥池澹將夕
蘋末來清風
美人惜流景
目送孤飛鴻
何以寫我心
清響寄絲桐
希聲愛遙夜
思盡神相通
捲簾滅明燭
月上聞秋蟲

招魂

八桂荒雲外
三湘落照中
空城盡豺虎
戰士幾沙蟲
生死無消息
傳聞有異同
招魂關塞黑
杳杳暗青楓

詠古二首

苦節不可貞
高名信難處
太行起中庭
谿谷何深阻
力

艱墉射隼機深壁忘鼠何如南山南荷蓑看春雨
倉頭與廬兒時聽傳呼寵道逢東門侯錄錄誚卑冗朱
門忽雀羅白楊起孤豕狐兔穴隧道牛羊上丘隴達哉
袁山松挽歌令人悚

秦中凱歌十二首選六

天上黃河萬里來巨靈高掌抱雲臺遙看丞相行營過

日射潼關四扇開

韓文公詩日出潼關四
扇開相公親破蔡州迴

虎狼十萬競投戈不唱三交隴上歌朝見降書來北地

暮看烽戍罷朝那

慶陽固原
相繼降

袞衣照路有輝光班劍威儀出尚方大將橐鞬迎道左

萬人鼓吹入平涼

三軍解甲隗囂宮百丈磨崖待勒功欲紀元和天子聖
更攜參佐上崆峒

河西三將氣如虹百戰功名次上公 詔下一時齊虎

拜漢朝爭羨竇安豐

將軍張勇進爵靖逆侯提督王進寶進
奮威將軍總兵官孫思克進涼州提督

三月軍鋒次渭橋旋看飲至紫宸朝空言韓范威名大
五路何曾制曩霄

寄汪鈍翁堯峰隱居四首選二

卜築何峰好堯峰近太湖蓴鱸供客饌橘柚足官租泥
飲從田父題詩付獠奴蕭然山澤裏真有列仙儒

欲訪天隨子來過角里村五湖正秋色一棹到閑門林
屋探仙跡咸池問水源嗒然白雲外相對坐聞猿

題汪季角百尺梧桐閣卷二首

別館多梧桐偶此成幽寂獨向高閣眠夜聞疎雨滴
百尺高樓上何人相往還夕陽海門樹秋雨江南山

再題梧桐閣卷

河漢澹中夜碧梧陰漸疎幽人坐高閣秋色滿巖居風
竹同蕭瑟蒼苔倦掃除數峰江上好朝夕映琴書

聞季角言平山堂已修復賦寄豹人定九孝威舟

次

王氏漁洋詩鈔卷七終
憶泛平山載酒隨紅橋綠浪遠參差玉句斜在餘荒冢
春貢亭蕪沒斷碑翠羽晚涼低水鏡溪風斜日颭船旗
傳聞名蹟還畱在十載相望兩鬢絲

和曹陸海舍人壽良懷古二首

長城自壞復誰尤戰地經過憶唱籌野鳥啼春寺門寂

可憐猶似白符鳩

鳳山寺檀道濟戰場

鐵槍名抵周陽五夾寨楊劉各一奇可惜英雄爲梁死

不知世有鬪雞兒

王彥章故宅

王氏漁洋詩鈔卷七終

王氏漁洋詩鈔卷八

仇英九成宮圖

唐九成宮卽
隋仁壽宮

君不見隋皇初作仁壽宮累榭穹臺宛相屬
厓山堙塹幾百里役卒崩騰死崖谷功成厭見
獨孤公不知怨自封郎築宮車晚出凡幾載已
見迷樓起相續虬鬚真人西入關削平六合營
長安青山碧水自無恙雕牆峻宇猶人閒年年
清暑備法駕千乘萬騎驤孱顏醴泉漢出如沆
瀣下入涇渭爲通川步櫚周流鑿山翠雲牕霧閣
當空懸化人之臺屹中天銅烏六月雄風寒披襟
萬仞待飈馭咸陽宮闕如雲煙宮娃笑語翠微上
阿監絡繹

青冥邊羽林千牛萬萬輩解車放馬紛華旃從來世事
有倚伏太平倏過開元年白頭拾遺此駐馬愁聞林藪
啼哀猿畫圖想見全盛日令我涕淚雙闌干

腳痛

去年牙齒豁一痛連蹶車今年腰腳痛登降須人扶吾
年纔四十早衰信有諸憶昔登金焦南遊窮具區騰越
如飛猱神尻駕空虛西行極岷峨奇觀凌清都兩腳輕
屣顏叩杖非吾須十載一彈指肉緩筋亦驚況復苦蹊
盤舉步多崎嶇始悟咸其腓初九利安居旣不策捷足
安用悲泥塗誰能相比附如彼蟹與驢

牛捕魚追述淮上所見

朝過洪澤湖波浪如銀屋逍遙魚蠻子跣駕兩轂鯨風
聲撼鮫宮雪浪及牛目奮迅絕有力快作龍象蹴魚蠻
坐拋網安穩如掣幅又如蕩輕槎撇捩出洄洑奈何太
牢氏凌暴及水族我聞造化功生物異川陸爾牛司服
箱播種宜種稌胡樂狎波濤下與三足逐失性爲不祥
作詩以相告

悼亡詩三十五首選十六

哭張宜
人作

一錯誰能鑄六州藁砧無復望刀頭當年對泣人何在
獨臥牛衣哭暮秋

三日清言金卷八
門第河東雙戟圍當年燕子傍誰飛可憐陌上花開後
常送香車緩緩歸

小閣垂簾日掃除爐熏茶具宛精廬紅囊揀得釵頭茗
手瀹清泉伴著書

雪白花紅繡褫齊頻年蹟面祝中閨牙牙學語今何似
忍聽嬌兒索母啼

病中送我向南秦感逝傷離涕淚新長憶啼猿斷腸處
嘉陵江驛雨如塵

霸橋秋雨望秦川劍閣西風聽杜鵑萬里不歸歸有路
雙魚何處達重泉

十草春暉恨未休何時負土泣松楸九泉憑報慈親道

四十兒今已白頭

先慈宜人以
壬子見背

三載西風鴈影分登高淚盡隴頭雲從今腸斷重陽節

又採寒花酌細君

先兄西樵以
癸丑秋歿

自失雙珠淚暗垂幾年石闕口銜悲而今一笑黃泉裏

玉雪嬌兒見母時

兒沂以辛亥殤
渾以壬子殤

鋪首經秋澀綠苔承塵蛛網任成灰祇餘金縷帶猶在

爭忍無情布施來

帖子宜春認舊題粧樓人去草萋萋東風不啓葳蕤鎖

一任空梁落燕泥

樓角參差幾曲欄繞欄親種碧琅玕月明昨夜風驚竹
翠袖何人倚暮寒

年年辛苦寄冬衣刀尺聲中玉漏稀今日歲殘衣不到
斷腸方羨雉朝飛

春事愁中復病中可憐寒食到恁恁故園夢去瀟瀟雨
一樹棠梨照殯宮

藥爐經卷送生涯禪榻春風兩鬢華一語寄君君聽取
不教兒女衣於戲切蘆花

陌上鶯啼細草薰魚鱗風皺水成紋江南紅豆相思苦
歲歲花開一憶君

北山兄約遊摩訶菴不果往卻寄

天色欲雨鳩勃磳麥苗剡剡翠始齊白石莊前入山徑
已有犂确紛高低春湖韡紋漾綵繚遠山玉立森角圭
荷蓑鬢鬢驅繭栗垂竿拍拍驚鳬鷺漁地寒花事晚
春陰風氣恒慘淒今朝乍霽日暄暖垂楊蘸水新生稊
小桃點點杏苞拆羣腰草綠紛萋萋諸公蹋青拂晨出
果下銜尾聞驕嘶郎官頭白老簿領經年坐困如醯雞
自嗟樊雉苦籠絑決起安得排雲霓況逢寒食催上冢
紙錢麥飯澆棠梨感念存歿淚雙迸玉壺那復相提攜
賦詩望遠但咄咄遊心已過香山西

三石齋詩集卷八
聞方山與北山諸公連日出遊戲寄

公子春蕪白鼻騮病夫擁褐客天涯城南幾日無風雨
十里徐熙落墨花

曹升六謝千仞攜酒過飲宋牧仲張杞園亦至同

賦長句二首

陵州羅酒玉雪清青州金露琥珀潏直沽冰開酒船到
屬車捆載連瓶罌二子提挈肩過我鴟尾交臥紛縱橫
我愛徐景山不知曹事唯酒鎗復愛謝安西玩弄元子
如老兵眼中況是我輩客談天炙轂聲彭觥一斗枯腸
芒角生五斗胷中鱗甲平一石曠若遊八極逍遙齊物

無虧成幽州二月草始萌小桃照地如紅鞵天涯酒人
不易得何必琴筑琵琶箏十擲輒健詎緣拙三語作掾
誰所令蠟淚成堆冠幘墮西南月作金盆傾

昔聞馬文淵居後欲輕又聞欒將軍賤貧辱身
貴快意此語非長者亦復非遊戲勁翮扶搖九萬里豈
識青冥更垂翅鳶肩火色多少年一老行吟獨憔悴唯
應中山釀供我千日醉馱馱爲敲駝作羹有酒如澠那
復記千秋亭上相叫呼不知何與癡人事丈夫不得手
執丈二及身領漁陽萬突騎親射蠻羶縛鬼章誰識鄧
先好奇計此酒須滿百斛船使我反覆沒飲如渴驥子

路百榼堯千鍾黃土誰能別愚智諸君不酌閣當閉舉
觴徑須煩杜蕢

又賦絕句

石帆山後黃茅屋一樹寒梅作意香長憶花開風雪裏
臥聞春雨滴糟牀

曹正子邀同家兄子側及諸君豐臺看芍藥晚過
祖氏園亭八首選五

回首旗亭畫壁時重來已是十年遲應劉逝後風流盡

只有恒河照鬢絲

昔合肥公招同公猷茗文諸君遊此今公與公猷皆歿矣

依然春草樊川路並馬來過覆盜門記得城南天尺五

綠蕪紅藥水邊村

陂塘點點烏犍出夏木陰陰白鳥飛也似江南好風景
水田一帶學僧衣

雨雨風風態自殊花花葉葉不曾孤更添練鵲和蟬蝶
便是徐熙六幅圖

沙禽一一事高格煙柳斜陽初弄姿更愛風標兩公子
水荳花外立移時

晚晴賦白鷺潛來
兮邈風標之公子

秦鏡詞爲袁松籬作

熒熒古鏡雙盤龍流傳本出咸陽宮秦時明月至今在
剝落泥沙露光彩當年秦并六國時後宮閉置千雙眉

守宮注臂鏡照膽三十六年君不知華陰道上逢山鬼
輶輶東來祖龍死美人鐘鼓散如煙此鏡蒼涼閱朝市
憶昔大收天下兵十二金人初鑄成還令餘事作奩鑑
太乙下視蛟龍驚劉興羸蹶何倉猝金鑑千秋如一髮
秦鏡虛誇照膽寒不照長城多白骨

送韓武康

清遠吳興郡防風地最幽焙茶春掩靜收蠟午煙稠問
俗知餘不懷人弔隱侯到來矜拄笏紅葉萬山秋

黑兔

烏非黔而黑鵠非浴而白五行各有稟理不相假借爰

爰東郭君託體依皓魄胡爲明月精色與玄冥易疑彼
墓食月兩吻未決拆搗藥不中度翻爲蟲豸涅貢君明
白黑此事竟何益一笑杯酒空不記狐非赤

與董蒼水彭駿孫小飲子吉學士齋同限箇字寄
諸乾一進士

長安風塵日堀堦扇障不能衣苦宛天官昨占月離畢
十日愁霖足高臥高車大馬諸貴人今雨蕭條誰肯過
玉峰學士數相見打門不辭泥沒髀今朝置酒招我飲
黃雀披綿蜻鮓剉百杯以後呼酪奴白絹斜封朱印破
天下健者今董公富貴浮雲輕涕唾彭郎未奉一囊粟

路鬼擲揄甘凍餓抱膝誰信比管樂高論依然遡卿軻
世情但競牢石耶女子猶知伯休那酒酣岸幘忽大笑
吾曹蠶絲自纏裏青山一髮江南路雨笠煙蓑有幾箇
細林主人老耽隱枕上九峰青錯磨漁樵近局不爭席
復有名僧伴高座空山水流花又開不識都門送臨賀
我生未覩細林面聞君快語殊已瘳已瘳見山海經當年我作萬
里遊劍閣西風聽鈴馱凌雲九峰悔輕別筋駑肉緩四
體情他年但乞五湖長纔話蓴鱸口先哆未須木石笑
吳兒小海歌成我當和

友人送白蓮花爲詠

無復澄江載酒船折枝猶帶五湖煙香來月白風清裏
花放叢祠水驛前鴨唼池萍微雨後犀垂簾押夕陽天
魯連陂上新秋色觸忤閑愁又一年

張晴峰員外園亭聽金山人彈琴同謁菴學士北

山都諫作

平生慕古澹頗笑箏笛耳愛此太古音寥寥寄絃指客
來江海上偶契希尼旨髣髴七里灘松風入江水曲罷
孤月明溪光散清泚主客一無言露坐攬衣起

送浦潛夫

吳江有高士讀書慕皇羲心遠契一畫意得無九師撻

策筮嘉遯遂養丘園姿荒江屋欹斜鷗鳥同朝飢在昔
洪丞相經略天南陲君佐幕中畫俶儻復權奇試吏嶽
麓下蒲鞭懸不施丞相解兵柄角巾東第歸君亦困株
木周道多蒺藜投賦汨羅岸弔古湘妃祠歸吳二十載
飄蕭雙鬢絲丞相宰木拱部曲無復遺重來渡易水感
激酬恩私慟哭龍驤塋手刊第二碑袖中周易編未有
君平知徒步過市中塵染蒼浪髭湖南方用兵馬飲瀟
湘湄辱在卿大夫修劍空拄頤老子好奇計才鋒尚如
錐無人爲薦達垂老嗟數奇古王者行師必鑽九州龜
君書實有用足爲王伯資秋風動鱗甲扁舟犯漣漪白

首抱遺經具區臥茅茨季主定捧腹高賢當爲誰

文姬歸漢圖

宋南渡祇候
司張某畫

大漠茫茫沙草枯天蓋四野如穹廬陰山秋高雪片麤
朔風中人金僕鐸高飛鵠轉追韓盧前行一馬建隼旗
後有數馬鳴相呼尾鬣蜩縮慘不舒馬蹄流血冰裂膚
蕃兒漢兒手口瘡相顧不能鼓隴胡文姬玉面貂襜褕
聳肩顰黛愁不娛越燕向日思南徂君獨何爲苦嗟吁
堯離窈停非故都魂消影絕悲兩雛歸來爲公寫遺書
名在列女丹青俱老瞞睨鼎目睢盱破壁牽后如收拏
獨能千金歸蔡姝吁嗟高義今已無

西蜀

唐家宰相迴翔地漢代公孫割據秋劍閣嵯峨仍北向
彭門波浪自東流風雲諸將爭秦棧鼓角中宵夢益州
何日西南銷戰伐浣花行樂看遨頭

送蒼水入閩同訥菴限韻

吾友有董生其人仁且勇突兀百尺桐疎枝上孤聳故
交久零落予髮亦種種京雒晚得子喜甚獲璧珙愛我
齋閣閑屢過聽寒螿說劍森星芒論文豁塵壅爭道句
踐家澆酒望諸豕飛煉君談嘲支離我擁腫驚君豹文
變愧我牛革鞞長安競高貨君獨愛散冗抱關不碌碌

坐聽傳呼寵水東葉學士步履每接踵城北有徐公剝
啄喜音足滑稽愛陳遵法度跂張竦懷古思贈編閱世
鄙登壘孟冬十月交鳥獸始毛毳離顏慘不悅告我將
發輶岵嶢仙霞關峻絕逾上隴搖郢昔旅拒八郡紛洵
洵李絳墓未祭孟衢馬誰駟見公羊傳孰職爲亂階彼哉微且
燠天心昨悔禍稽顙紛萃從士有朝食銳軍無夜呼恐
君今輿轎度見漢書憶昔戈船踊我聞龍伯釣一牂六鼉擁
不如學詹何妙用獨繭蛹君行宜勉旃吾道視輕重

哭劉公馭吏部

廿年藝苑忝同遊迴憶音塵淚不收結客曾傾四公子

論兵欲動五諸侯

星名

故人半化遼東鶴
世事終輸閣道

牛手定君文
纔幾日可憐馬策慟西州

丙辰春先生以全集寄子論次

送洪昉思由大梁之武康

澤腹堅凍冰峨峨舳艫銜尾填漕河北風吹雪如鶴鷺
急裝結束從驢馱欲向戶門訪朱亥便從燕市辭荆軻
三年京國何所見日中攘攘肩相摩呖些喔咿時所愛
骯髒詎免常人訶亦知貧賤世看醜恥以勁栢隨蓬科
我衰於世百無用僦屋深閉如麤螺蒼苔被階寒雀啄
汝何愛此頻來過耳語似鄙程不識騎危解笑公叔涿
吳興清遠我夢到水晶宮在琉璃波防風古國更幽絕

餘不溪水清逶迤山歌處處採茶薺漁舟往往穿菱荷
西陵潮信近尺咫方言百里無差譌勸君卜築豈無意
貞曜故宅畱山阿結鄰尚友亦不惡溪山況足供婆娑
名高身隱恐難得丈夫三十非蹉跎朝廷正須雅頌手
待汝清廟賡猗那

座中聞陶季江辰六詠洞庭詩并話湖南山水二

首

三湘夜雨五溪遊曾話秦淮風露秋十七年來頭髮白

聽君高唱岳陽樓

順治辛丑在金陵聞何行人談
湖南山水之勝今十七年矣

白蘋風色番君國斑竹啼痕帝女靈今日衡湘兵甲滿

九疑何處數峰青

賜貢茶三首選二

朝來八餅賜頭綱
魚眼徐翻晝漏長
青筋紅籤休比並
黃羅猶帶御前香

兩府當年拜賜迴
龍團金縷詫奇哉
聖朝事事寬民力
騎火無勞驛騎來

賜櫻桃漿

色映琉璃得未曾
涼風長日拂觚稜
人間不識嶸山雪
天上新逢玉井冰

大西洋貢師子歌應制

古云俊猊日走五百里遠隔流沙生月氏康居疏勒曾
一獻丹青顧陸矜神奇夙聞其名思一見玉關迢遞天
西陲況復野干日鳴噪安得一吼驚嚟伊 聖人有道
十七載景風海外舟車馳元龜象齒紛置驛文犀桂蠹
羅庭墀大秦之西國絕域懸橦度索來數期厥有神獸
備方物波濤遠迸蛟龍隨海人泉客盡避徙朱衣絳幘
不敢窺形狀瓌詭氣奮迅目光睽暘毛彤彤巨髯毳毳
尾如斗勁毫柔毳相離披發聲殷其雷破壁顧盼已卻
千熊羆乳虎犛牛望辟易何論六駮兼文狸搏象搏虎
具全力威在齒尾非毛皮上林晝閉射熊館 詔付象

胥有職司 聖朝寶德不寶物百獸率舞良所宜五風
十雨兆民足騶虞在囿麟來嬉寫入職方舊圖繪二南
萬古傳風詩

寄竟陵吳旣閑兼懷胡君信二首

聞道東湖隱頻年杜德機水花當晝淨鷗鳥入門飛白
首遺經在青山舊業微漢朝多掌故誰受壁書歸
獵火連雲夢悲笳激渚宮江湘多飲馬天地一冥鴻漁
唱花閒擢炊煙雪後篷祇應胡伯始來往此牆東

蘇門三賢詩

有序

張于度

蘇門孫徵君曰子度爲鹿伯順高弟從予五十年未嘗或離左魏之難履虎尾涉春冰烈士之名滿天下卒歸老蘇門高蹈遠隱志士不忘溝壑其庶幾乎子度名果中容城人葬夏峰北原明運昔中圯奄豎奸大位衣冠虛南牙政柄歸北寺誰實鉤黨魁嶽嶽左與魏一朝檻車徵牢戶事陰祕傷哉史弼言茶甘乃如薺容城有布衣發憤亡鯁避要鎖理太尉舉幡訟司隸貫械渤海生赤幘夏門吏桑海四十年往事如夢寐骨歸蘇門山名在顧廚次

理寒石

本李姓也名魯和西華人恥與逆闖同姓改曰
理孫徵君與西華左令書稱為魯連後一人

魯連蹈東海其志恥帝秦龔生天天年詎知有美新陶
公懷晉室聊存頭上巾嗟哉均均流乃愧青巖甄西華

理寒石爲儒甘賤貧奉母蓬藿中歸潔恐辱身梟鏡破鏡

與鏡同交蹄跡神州日沉淪靈氛久上天呼號竟無因感激

變姓名下士良苦辛何人傳節義誦言聊一陳

餓夫

彭姓字了凡蠡縣人遭闖亂棄諸生客饒陽爲
鄉塾師已而從孫徵君於蘇門或授之粟不受

竟坐死嘯臺之旁徵君題其藏曰餓夫墓

黔敖呼餓人不受嗟來食使之當大事必讓千乘國靈
輒餓翳桑倒戟一何力簞食不忘報竟脫宮甲逼蘇門
有餓夫風節夙所植生餓蘇門下死葬蘇門側嘯臺高
峨峨百泉流湜湜清風一相映泉石起寒色遐哉首陽
薇千古長太息

藝圃雜詠十二首選七

爲姜學
在賦

鶴柴

長身兩君子宛與孤松映三疊素琴張一聲遠山靜嘹
唳月明時風泉雜清聽

紅鷺館

疏館籠鷺羣素羽臨秋水濯濯映鳬翁
洽流亂芳芷乞寫茴香花共入丹青裏

乳魚亭

幽人知魚樂爲復知魚計策策與堂堂
宛有江湖意時逐落花來更向空明逝

朝爽臺

崇臺面吳山山色喜無恙朝爽與夕霏
氤氲非一狀想見拄笏時心在飛鳥上

響月廊

修廊非一曲窈窕隨清樾掃地坐焚香心跡兩幽絕簌
簌風蕭蕭無人見明月

垂雲峰

具區三萬頃奇峰七十二割取一片雲虎牙自孤銳颯
然山雨來咫尺流雲氣

六松軒

髯翁閱千歲纔如熟羊胛不逐桃李妍何妨雪霜壓可
望不可狎愛此李鱗甲

陳其年索詩送王生之襄陽

試說襄陽好曾遊路不迷江帆過峴首水竹繞檀溪市

上江陵估機中竇氏妻不知征戍後誰唱白銅鞮

題毛會侯垂竿圖

家在富春山山水何清妙朝與桐君遊夕狎狂奴釣

王咸中石鵑山房四首選二

高情耽野逸文采舊清門

文恪公裔孫也

跡與市朝遠心將達者

論飛泉晴界道修竹雨連村誰識逃名客蓬蒿方灌園
心遠地仍偏琴書雜坐眠湖霜收橘日社火焙茶天人
意孤雲外山容太古前叩門田父至檻縷亦欣然

送宋牧仲員外推贛州四首

都亭一樽酒落日照行軒帆下潯陽郭春過敷淺原故

人持使節微尚愛丘樊想到西林寺清吟和夜猿
文成誓師處慘澹尚聞笳野戍青山遠荒江白日斜春
風渡蛟浦夜雨宿龍沙戰地多新鬼須添兩鬢華

章貢交流地孤城百戰餘江山應不改父老問何如五
嶺稀烽火三湘動羽書似聞兵馬後租賦未全除

後月餘有旨

盡蠲江
西浦糧

贛石三百里寒江尺五流帆檣來島客風物逼炎州試
訪端明蹟應懷清獻遊山川供嘯詠莫似賈胡畱

荅徐東癡隱君小雪見懷之作

積雪東原路孤村似剡溪幾年阻乘興千里憶幽棲凍

王氏清言金卷八
雀柴門掩寒煙古木齊不逢洛陽令僵臥到晨雞

同施愚山陳藹公集山史從兄昊天寺寓觀唐子

華水仙圖

先生舊隱三峰椒太乙玉女時招邀秦都漢時一蟻垤
目玩易象窮昏朝蒲車應 詔謝賓客城西古寺風蕭
蕭殘碑老樹氣象古涼衫重戴風神超八騶喧闐不到
此兩三素侶還相要殘冬氣暖似吳越佛香入院鍾魚
飄徐出一軸自拂拭古光黯澹生鮫綃青峰出沒高歷
歷海天萬里迴春潮仙人綽約駕雲氣飛龍決起橫煙
霄六銖衣輕逐風舉熒熒顏色如陵苔四座咨嗟歎奇

絕倏乘六氣遊空寥子春一去伯牙逝海波汨沒秦人
橋君歸西嶽望東海齊煙九點非迢遙

題龔節孫種橘圖二首

震澤鱸魚欲上竿千林風露熟金丸美人無事披香坐
領得頭銜是橘官

會稽內史風流甚三百封題引興長何日扁舟洞庭上
與君小摘滿林霜

送陳子萬之黎城丞二首

美人爲政太行西到及人侵五葉齊頗憶故園風物否
白雲紅樹滿荆谿


王氏漁洋詩鈔卷八終
欲別梁園風葉涼銅鞮山色望蒼蒼主人本自漁樵侶
小吏何勞鴈鶩行

題喬子靜桃花流水圖

青山白雲外合沓無終始小艇漾溪流幽興何窮已夾
岸桃花林連綿復相似落英正繽紛芳草亦鮮美茗椀
置船頭笊簞掛船尾不愁風水逆去住皆可喜儻遇避
秦人或逢鬼谷子鸞嘯一迢然沙禽忽驚起

王氏漁洋詩鈔卷八終





王氏漁洋詩鈔卷九

二月二日大雪晨起懷愚山淵公耦長

夢覺聞飄簷虛牕徹曉明蕭條同委巷悵望倚簷楹寒
色飢禽語荒階折竹聲雙羊風雪路畱滯遠含情

雪中簡對巖

第二泉邊路扁舟落鏡中林塘春命酒風雪夜推篷別
鶴吳田渺歸鴻楚塞通朝來吟望處流霞滿房櫳

荅愚山耦長西山見懷之作

聽吟潭柘寺宛撫戒壇松空翠行相引清暉復幾重孤
筇穿鳥道百里望雲峰述作思陶謝幽尋悵莫從



同楊爾茂富磐伯兩宗伯李湘北閣學張素存宮

庶從兄信初侍御遊摩訶菴二首

西院枕迴溪青山滿高閣祇園天氣佳苔砌餘紅藥鳥
如迦陵響梵是魚山作微雨忽來過紛紛幾花落

東院更幽絕蒼苔引深處修篁蔽簾櫳風聲在高樹恍

惚思舊遊繾綣未能去誰賦洞庭詩清如杼山句

東院壁間有僧

題詩云圖畫當年愛洞庭波心一十二峰
青而今高臥思前事添得盧師倚石屏

送吳僧尚德歸堯峰

迢遞青山路風流白足師安居深雪裏行道落花時京
洛過寒食江帆拂柳絲歸逢尊宿問應識馬駒兒

雨後出西郭懷冰修子湘耦長

小雨高梁外川原如乍經浦煙天水碧山色佛頭青心
賞違朋好孤懷託杳冥何時玉泉路吟上望湖亭

被園偕隱爲沈鳳于賦

吳興山水佳蒼翠屢迴複苔雪交清流緒風漾綺縠滙
爲碧浪湖城郭一空淥沈侯東陽秀門有朱丹轂入洛
揖公卿磊落千萬軸倦遊歸去來長謠返林屋名園何
窈窕哀徑臨濠濮陵阪滋蘭苕洞房隱松竹翡翠簷間
鳴鵲鵲浪中宿禽經陸鳥曰棲水鳥曰宿素瀨激廣除泠然響琴筑晨夕
道塲山煙鬟送新沐君才似秦嘉閨中有徐淑閑吟贈

婦篇或歌夜來曲何如桓少君柴車挽雙鹿

見李武曾樂府後補題愛其工絕隲括詞意成五
絕句

曾聽鉤輅過五溪沅州南去夜郎西竿橋細繞蠻江路

斜照無人盡日啼

鷓鴣

燕子來時綠掩門春雷動地長龍孫愛君細詠蠶娘句

夢到江南水外村

筓

嵇含筆底妙丹青籬落花開露乍零愛伴秋河向遙夜

涼蛩滿院度流螢

牽牛花

紗幘澹月影微黃蜂背蘭膏細細香記得蠻娘倭髻髻

晚風吹顫滿釵梁

珍珠蘭

海天春色玉臺妍
萬里來從日本船
徐福不歸秦女去

讓人佳句衍波牋

倭奩 予少時
制樂府名衍波

題子綸漪亭讀書圖

清遠如苔雪
檀欒卽渭川
捲簾度沙鳥
倚檻集江船
漁父歌相荅
郊居賦早傳
披圖憶田叔
幽思滿林泉

送吳天章歸中條山六首選二

送君何處去
舊業在王官
谷口煙蘿密
牕中水石寒
家人候歸客
田父具盤餐
迴首長安道
休歌行路難
中條最深處
風物四時幽
水鶴穿雲下
楓林夾岸稠
人

王以漢詩金卷九
三
煙盤豆驛村路玉溪流臥起清暉裏蕭然何所求

送孫豹人授正字歸廣陵

領取頭銜貴名高身更閒雖蒙祕書拜只似白衣還詩
卽杜陵叟官如陳后山鬢眉無恙在歸去臥商顏

顏脩來吏部寄孔廟碑十二種

生近聖人居未得拜祠墓頗聞魯諸生講禮以時聚故
宅聞金絲猶傳壁書處漢祖祠太牢過魯曖餘慕六經
出秦火諸儒明訓故歷代遞相嬗碑版屹森布龜龍或
齧缺蛟螭無錯互顏生陋巷裔學古鄙章句餘事攻六
書韋蔡競先驚金薤遠見投聊持伴魚素論世慨桓靈

末造紛黨錮

元嘉永壽建寧三碑

尤愛梁鵠書筆勢颀軒翥貢墨與

匱紙椎拓亦殆庶明牕秋日晴水沉午方炷彷彿闕里遊低徊不能去

題顧樵水畫宗定九詩意

宗詩云青山野寺紅楓樹黃草人家白酒笏日暮江南堪畫處數聲

漁笛起

汀洲

東原佳句紅楓樹付與丹青顧凱之把翫居然成兩絕詩中有畫畫中詩

左安門外讀宛陵先生詩卻寄耦長

出郭愛時稼行吟田水濱偶然憩清樾蒼翠落烏巾古澹歐梅體崢嶸榮慶曆人名家今復始欣覩鳳毛新

午食得鱸

蜃螯鴈醢百不愛縷鱠愛斫松江鱸年來絕有步兵興
江船難致途且紆今朝忽訝食指動四腮登饌加蒲菹
京師最重灤河鯽侯鯖下箸矜膚腴貴人不識鱸鱠味
儘輸蓑笠垂竿徒吾鄉魯陂亦產此鱸牙稍別方言殊
齊人呼鱸曰牙釋名爾雖未及錄會資好事箋蟲魚廿年仕宦去
鄉里走避舊隱如逃逋昌歎形鹽享備物何如鄉味炊
雕胡他年歸臥錦湖岸日拋蓀櫪臨清渠

早過洪太常水亭訪丁武選不遇

了不異人意入門濠濮情林端初日澹蘋末水風清野

鴨縱橫去跳魚潑刺鳴主人不相見隔岸沸茶鐺

寄牧仲贛州

虔州界閩湘蘭蕙賤於草復有寶珠香玉雪映清曉江
城微雨過炎瘴淨如掃高齋開八牕豁達涼風早方牀
黃琉璃臥起日杲杲清芬惱魂夢仙膚愛綦綳嶺外陸
郎花未敢鬪娟好幾歲客京國冠蓋苦紛擾朱門多林
塘無由聽啼鳥今年八境臺雙江入登眺閑註詩楚騷
多識不爲少遙憶書到時贛石風嫋嫋

午睡

蘄州笛材好八尺含風漪恰稱龜茲枕閑拋玉局棋涼

蟬陰卓午花鴨水平池富貴浮雲耳寧須熱客知

月夜冰修子湘耦長見過同倣宛陵體三首

舉頭新月佳開軒滅明燭流螢稍開闔風露下疎竹素
心二三子比鄰往來熟漢陰無主賓何用加幘屋

袞袞九衢閒未少噉名客老懶倦逢迎誰當較尋尺高
齋時臥病河漢忽已夕綠蘚被階生幽人見行跡

聽君談劍術四座輒色變青天走風雨虛堂激雷電香
丸合雌雄太乙經百鍊勿快睚眦讎應侯吾所賤

冰修談劍術甚奇

愚山侍講送敬亭茶

敬亭雲木好香茗叢幽巖鴉山舊擅名晚出思并兼茶

人競春霽歷險如鼓僂新火細蒸焙青筋勞封緘先生
住山時採摘心所忺封題寄千里知我殊酸鹹年來同
直廬思歸夢巖嵌白毛劇臯盧強飲口已籍何當候蟹
眼颼颼響風簾故山昨有寄水驛馳江帆開籠亟分我
芳香透重匳鞞紋隱蹙縮羣臆垂廉檐磴成玉雪霏持
作梁肉砭渴羌老解事未敢加薑鹽

戲題兩髯行後贈其年子湘

楚王宴章華乃以長鬣相彼鬣有何好霸國用自壯平
生交兩髯于思不相讓絕倫陳魁梧軼羣邵跌宕昨見
兩髯行輟然忽神王士龍能笑不吾髯幸無恙

送姜西溟歸慈谿

春風滋百卉不榮孤柏根白日迴陰崖霜雪慘不溫丈
夫重知己烈士輕感恩姜生起句餘水擊南溟鯤商歌
一畝宮名動萬乘尊孤高取衆忌當路誰攀援季布
揖曹丘感激由片言何況貧賤士風飈阻重閹枚朔善
骯髒莊徐擅高論連尻結股腳詞賦若雲屯君獨銜恤
歸秋風刈叢萱虎鼠竟何常揮手聲暗吞

得陳子文書兼知天章消息

鴈聲初墮地黃葉已盈除秋雨蕭條夕忽枉故人書故
人復何在中條白雲裏昔別霜霰零昨日秋風起曾聞

隴頭水驅馬度關山烽煙照駱谷征戍何時還

書中云有度隴之役

黃雀縱橫飛孤鶴正垂羽祭竈請比鄰停車共騶語歲
月易永久離羣難處心爲問朝歌令相思深不深

寄青浦丞李青立

鴻

麟趾異凡蹄鳳毛異凡羽君爲南陽孫豁達類其祖請
從復辟論卽事感今古神龍奮幽蟄天星落如雨倉皇
奪門功造次成肺腑輿儻珥貂蟬政柄歸奄豎陳請濫
恩澤帶刀依負斧晉文定王室請隧不見許吁嗟彼何
人憑藉亂狐鼠爰立當危疑踪跡等羈旅當時武功伯
唇齒終齟齬公實仗忠信艱危成心膂嗚呼三楊後伯

仲見伊呂天地鬱風雲將相如龍虎愛君清門後克秉
高曾矩低眉百寮底手版趨公府青袍映春草遠向春
申浦婦有林下風樂事笑眉嫵青立娶於彭爲禹
峰方伯女有詩名詩寄鴈南
飛因風墮洲渚

題元氏長慶集後

少年嗤點元和體不泝波瀾未易知試看婁江窮筆力
較量纔似望雲騅

送冰修歸海昌兼寄朱人遠二首

且住爲佳耳將歸可奈何人隨吳鴈影葉下浙江波好
往尋鱸膾誰當破雀羅小叢今老去重唱竹枝歌

予戊申
歲送冰

修南還賦竹枝歌
三首今十二年矣

老大身將隱飛揚氣自雄
遊燕交馬客歸越事猿公仙
飯青精飣諸儒白虎通
故人朱季在何處駕飛鴻

陳其年簡討見和綠雪之作復遺芥茶一器索賦

詩

敬亭如靜女婉孌有餘態
洞山如道流吐納成沆瀣
陽羨連故鄣尻肱相負戴
地靈草木異雲霧凝靄隸九重
羅嶰名超軼絕流輩山氣夕陽佳
芥中茶夕陽勝朝陽風露非灌溉
昨賦綠雪詩莽鹵乏清裁
名流遞賡唱粲若珠百琲
髯也實致師拔戟成一隊
白甌題紅籤細君自蒸焙
朝來

三石齋詩集卷六
月送似秀色染眉黛下簾候魚目芳瓷露蟾背雖復遭
水厄頗亦澆壘塊茶聲正琤琤竹影交瑣碎詩成遣長
鬢聊作三舍退君當賈餘勇吾衰鼓已再

送葉井叔歸樊上六首

今日華陽館誰當是劇辛重陽一杯酒風雨送歸人
秋盡黃州路千峰送馬蹄夢迴山館裏落月汝南雞
斷岸黃泥坂寒江千尺流羨君歸去好雲夢澤南州
舊業在寒溪門前五株柳遊子到家時日上樊山口
西山松櫪多谷口好泉石君登九曲亭蘇公有遺跡
我夢石魚湖依依問鰲叟試尋修竹林爲予安井臼

送邵子湘之登州

我聞大九州香海環其外裨海內絡之萬川勢交滙禹
貢周職方中央浮芥蒂鄒衍不可作疇與辨茫昧昔者
始皇帝東巡極海岱海神駕橋梁大魚射澎湃號爲秦
東門刻石表胸界三山在水下其事頗奇怪邵生列仙
儒遠遊信所屆遙飛阜鄉舄往撫天吳背龍躋陵丹嵯
九點煙凝黛蘄絕日主祠復與之罟對日月影動搖島
嶼光破碎朝潮激天輪夕汐裂地肺巨鯨若連山奮鬣
雲晝晦時見新羅船墨點空青內廣乘渺何所歸墟誰
負戴木張悉文雄髯才更十倍歸來述滄溟始信九州

大

讀馮圃芝餘事集因題天章還山詩卷

木脫石氣青吟君古調詩落日高鳥去碧空澹涼颼一
吟扣一絃一吟傾一卮嘈嘈立部伎子子寡女絲巧笑
倚市門漆室聲苦悲猿鳴上峽夜鴈警團沙時遙憶中
條山雲物秋正奇吳生家山南拾橡恆苦飢朝吟看雲
出暮吟逐雲歸河聲與嶽色中有太古詞誰爲昭與聳
獨有馮生知

天章在燕市得古銅章文曰河
聲嶽色所居正河嶽之間也

和田子綸郎中移居

田郎詩格如雪車昨來新句傳移家夢向漪亭坐秋水

蒼筤萬箇眠麀麇冬官事少蹋壁臥日未卓午先放衙
殘書滿前自穿穴紛如鴈字風中斜未要沈范相賞識
風亭月觀吟梅花廬如瓜牛足搖膝畢逋愛伴城頭鴉
鷺鳥累百詎比數蹀躞聊試終參撾牽蘿補屋絕代子
慎莫無匹悲姽婁

題鈍翁洞庭詩後

蒲帆十幅逐沙禽罨畫湖山次第尋香稻炊來鱸切玉
高林霜後橘懸金且招龍伯閑投釣卻笑鴟鵂苦用心
兩洞庭前三萬頃不能同上上頭吟

風氏園老松

城南風氏園徑僻無車馬野色暮蒼然徘徊古松下松
花自開落松籟何蕭灑落日望煙歸時逢負苓者

寄山史從兄兼懷陳藹公

車箱谷口問松筠獨鶴亭中點易新嶽色東迴迎玉女
秦雲西望似行人從教霧隱公超市不識風高庾亮塵
曾上元龍大牀臥比來豪氣更誰親

天官書云秦雲如行人

問鈍翁編修疾

先生方丈似山茨聞道維摩病起遲乍可心情同木石
依然談笑卻熊羆

坡詩此老神完中有特笑談可卻于熊羆

別裁僞體時流忌獨抱

遺經後代知遙憶玉堂清夜夢雪中花隴水邊籬

又戲呈二絕句

藥爐經卷日相親
隱几蕭然遠市塵
聞道姬人怨服散
也須料理苦吟身

紅粧枕畔碎寒犀
夢覺時聞烏夜啼
若便清齋三百日
箇儂何異太常妻

健松齋詩爲方渭仁編修賦

三天子之都實唯神異宅
中有千歲松伏龜守靈珀小
松初移時瑣細不盈尺
主人偃佺流摩挲自成癖
待作送老資將期負苓客
百年喬木家槐棘映丹碧
詎識遺世意相賞在松石
邇來三十載人事屢遷易
請賦角弓

詩此樹實手澤烽火照甌閩羣盜太充斥井湮木已刊
城郭氣蕭索慘澹冰霜姿不受斧斤厄神鬼紛扶持父
老增歎息虎豹雄牙鬚虬龍奮角觫玄鶴飛鳴雙蒼鼠
距躍百遙連富春山雲霧莽委積倒影新安江清冷共
朝夕君今玉堂彥哲兄文章伯大厦要梁棟託根遠偏
窄預種千本桑他年鍊金液啗彼平泉翁徒爲達人惜
爲愚山侍講題蓀友簡討畫用韻

山氣化雲雲作煙幽人蓑笠不知年清谿曲逐楓林轉
紅葉無風落滿船

送鄭郎赴粵西幕府

故郎中次公子

當時紅旆向西川
水部風流似鄭虔
被酒共眠金鴈驛
分題多在浣花牋
故人一別成千載
公子重逢又十年
去謁征南年正少
牂牁春盡水如煙

謝耦長送木瓜

宣城木瓜壓西洛
秋林黃處滿寒煙
寄來修竹明牕底
畱伴疎梅小雪前
橘柚初包難遠致
檣梨雖好未須憐
相思愧乏瓊琚報
重賦風人第一篇

賈兵部改中條別業爲巢雲菴索賦二首

地枕王官谷
逶迤林壑重
中條紅葉路
二華白雲峰
修竹飛泉灑
懸蘿澗戶封
幽棲真計得
樵牧識行蹤

右丞輞川宅江令攝山居本自香林境宜繙貝葉書花
藏共命鳥池長放生魚已悟非身義何須演鹿車

爲尤展成簡討題耦長畫

家在江南楊柳村圖中風物黯消魂滄浪亭外春風起
一夜魚苗水到門

聞奮威將軍保寧大捷喜賦

秦軍四道出巴庸在德何勞設險重寶玉大弓歸魯廟
華陽黑水盡堯封賓人筒布寬新賦王祭包茅問舊供
遙憶師行過枕席劍門千仞削芙蓉

近有

哀故人陷
亂而死也

近有湖南信淒然老淚流冤魂傍湘水孤櫬寄衡州妻
子還軍壘豺狼滿上游時滇黔尚未平首丘今已矣萬一望松楸

喜聞官軍已復保寧

大將臨興勢神兵下武都地中鳴鼓角天上拔蝥弧困
獸誰能鬪長鯨竟就誅錦屏連劍閣絕壁勒銘無

同愚山侍講弘衍菴看海棠東耦長四首選二

韋杜城南十萬家東風處處酒旗斜不知冷節怱怱過
猶見僧樓一樹花

平陽池館亞枝紅移入香林便不同莫爲叢殘自憐惜

梅家詩體擅江東

耦長先有二絕句

三山詩話言金卷九
健菴宮贊送金陵伊氏扇

舊京扇貴李昭骨二百年來名滅沒近來後出仰與伊
細研剡藤如笏滑骨取湘江斑竹枝黃楊烏角光參差
妙手須煩畫蟬雀名流底許矜蒲葵蘋末微風散高柳
八尺琉璃當戶牖持贈難忘東冶亭題詩遠愧東陽守

盆魚

井泉初汲寒射鮒萍衢界水花紛敷草堂咫尺見濠濮
碧羅扇底紅鱗魚丹砂毒瑁非一狀亦有玉雪瑩冰壺
中庭兩樹正交蔭日夕蟬鳥相鳴呼朱門定無此輩客
但聞擊鼓吹笙竽匡牀視景移枕簟風來蘋末看跳珠

夜涼月白河漢轉起聽煦沫疑江湖托身幸得遠鯨鯢
一一尾鬣乘清虛出入荇藻絕斷滬笑渠殘鱸矜王餘
誰爲惠施解吾樂牀頭尚有蒙莊書

送張仲誠知資縣

沐

不憚三巴遠高名萬乘知子規聲斷處山木雨來時
囊有涪州易園無魯相葵王褒諸弟子應習鹿鳴詩

東丹王射鹿圖念東先生席上作

人馬勢逸不可當開圖素練生風霜奇哉落筆如挽彊
誰其作者東丹王東樓西樓二千里乘秋出獵凌窮荒
番部紅韉鐵柄檔左射右射必疊雙鑿蹄驕馬如風檣

三花翦鬣紛怒張俊鶻初變爲正鶻蒼鷹塌翅隨馬韉
雄狐狡兔皆遁藏射麋麗龜走且僵東丹昔日稱人皇
扶餘開國鄰扶桑秋冬射獵海東磧頭驚燕罷傳醢漿
跨海南歸大梁苑時時夢憶穹廬鄉往往丹青自遊戲
寸縑尺素如琳琅宣和壓架六千軸東丹九幅千金裝
艮岳灰飛玉匣散此圖豈不關興亡蠟炬如椽照空廊
雄談劇飲累百觴東丹丹青遠擅塲蹊田奪牛語堂堂
令人千載悲同光

題耦長畫寄千峰轉運二首

寒山落木石陵嶒柳櫪穿雲最上層行過虎溪看塔影

此中合著六朝僧

汝南筆似邢和璞移得衡廬第幾層忽見畫圖疑發甕
前身憶是打包僧

李渭清簡討以龍鬚二莖見贈來書云有風鬟霧
鬢之態非火鬣朱鱗比也戲報長句

阿誰拔此蒼龍鬚白如珂雪光驪珠風鬟霧鬢憶髣髴
汜人愁態瀟湘姝鮫室織絲冰萬縷博山龍涎午方鬻
龍皮之扇驅殘暑紫拂龍髯勝揮塵夢入瀟湘洞庭渚
貝闕金堂見龍女樂奏還宮迎貴主錢唐破陣交風雨
覺來一笑望秋空依舊癡龍臥相語

三
日
清
言
金
卷
九
五
齋中三詠

金孝章畫梅

俊明

鄧尉花時雪幽人日往還生綃纔半樹忽憶漁洋山

徐昭法畫芝

枋

天池白雲裏寫此商山姿感君黃綺意勝食齋房芝

王玠右草書

光承

逃名東海上時復帶經鋤自是高人筆非同餓隸書

題吳漢槎秋笳集

松花江遠波冥冥長白山高秋葉零絕域音書憑鴈帛
十年冰雪老龍庭鄴中上客思吳質郡北流人託管寧

聞道金門紛筆札劇憐汗簡爲誰青

劉子端舍人惠琴魚

琴溪水泱泱鯉魚三尺長琴高騎鯉掀波去至今溪水
桃花香桃花香時臨上巳琴魚忽徧琴溪水半寸難求
鱗與鬣況從丙乙分腸尾由來風俗當園蔬水鄉風味
無時無居然遠致同茶筍不用門生議蟹鮓故人家傍
琴溪渡渡口桃花千萬樹花時魚美酒正熟好共琴溪
結茅住

瞿山畫松歌寄梅淵公

誰能畫龍兼畫松鱗而爪鬣行虛空誰能畫松如畫石

石骨犖确松蒙茸韋鑾董羽兩奇絕眼中突兀瞿山翁
瞿山翁所居乃在柏硯深山中此山上與黃山通軒轅
鼎成上天去遺薪往往成虬龍翁時散髻坐顛頂興酣
潑墨浮空濛孤根裂石不三尺倒飲萬丈疑雄虹瞰臨
崢嶸下無地盤拏雲霧迴長風兩峰對起何龍從瀑流
直下當其衝輶雷噴雪不知數下與松勢相撞春撫松
看瀑者誰子得非偓佺之屬青羊公何時與翁結廬天
都雲海東松肪煮罷方兩瞳更千萬世無終窮

送同年伊翁菴中丞開府雲南二首

金馬山前駐碧油青蛉塞外陣雲收天威近已通諸賧

王會依然徧九州銅弩雨深諸葛壘叢祠春賽潁川侯
饒歌鼓吹征蠻府萬里昆明是壯遊

柏臺新命 帝親除重譯西南罷羽書雒將朱鳶皆內
屬越人黃屋竟何如賜來天廡飛龍馬行避中丞赤棒
車荒服祇今勞 睿慮要令絕域化耕鋤

雨夜再題瞿山畫松

林燈明暗雨模糊雷電冥冥夜氣孤破壁長松欲飛去

曉來疑是坐龍圖

宣和御府所藏有
僧傳古坐龍圖一

供奉某君歸吳門索詩五首選二

歸釣吳松四十鱸手炊楓葉飯雕胡卻思待 詔蓬萊

上細寫淋池斫鱸圖

一片青山短簿祠
夕陽花隴帶茅茨
歸心便逐江鴻去
已過橙黃橘綠時

進馬

庚申閏八月奮威將軍王進寶自固原進馬二十匹

聞道安西將龍媒貢

御新籥雲近閭闔行地有騏驎

險阻三巴路驍騰百戰身長鳴思駕馭終爲靜風塵

聞蜀警懷茂衍大參

行李捫參井何時達錦城懸軍今益部設險古南京
夔府公孫壘瀘江漢相營艱危望消息天末未休兵

不得宋荔裳紀綱入蜀接取妻孥消息

宋玉今終古西川信未通九原悲馬鬣八口寄蠶叢想
像離綿竹艱難出大蓬猶聞豺虎亂未可泝巴東

聞官軍復瀘州

月黑斫連營嫖姚轉戰輕已探猛虎穴急扼釣魚城三
峽烽相照雙江浪漸平萬州羣盜在從此事刀耕

爲山長從兄題耦長雜畫三首

一鳥不飛山氣昏蕭蕭黃葉掩苔痕蒼崖徑絕扶筇到
倦卽讀書秋樹根

夕陽烏相染霜明蘆荻蕭條煙火生一抹紅霞數聲笛
又催新月上江城

飛瀑蜿蜒下白龍
龍鱗剝盡一株松
渡江聞訪陶弘景
人在三茅第幾峰

時耦長在句容

葵圖爲牧仲郎中賦

何人畫此四尺葵
目光暘睒生寒毛
重鉤繫頸氣何驚
望之非獫狁非歇
驕美鬣碧眼手自
操番部君長身帶
刀豪豬作鞞獸錦袍
西旅底貢來周郊
畫師得非顧與曹
趙盾往事悲尸臯
君葵臣葵適相遭
踣階而走走走且號
逆踐絕領搏以麀
彌明鬪死靈輒逃
一葵世變心忉忉
丹青妙手良可褒
題詩齷齪非人豪
爲君一石傾春醪

送侯大年歸嘉定

送客三江去東吳更向東潮添瓜蔓水秋老鯉魚風往
事浮雲外名家信史中明年見侯喜把釣莫怱怱

送楊岱楨侍御赴宣鎮

先太師公萬曆崇禎
時督撫兩鎮其地

彈箏峽口居庸路北望千山萬山暮朔雲飛雪白登城
西風吹角黃花戍繡衣使者舊乘驄澤潞人歌馬步工
鎖鑰更勞行塞上山川右顧接雲中百年父老今猶在
應識當年魏尚功

王若水古木鳴禽圖爲子昭郎中作

古木幽篁亂疎穉下有棘枝聚寒雀枝頭顆顆紅珊瑚
石畔菲菲芳杜若一雀振羽如欲飛一雀掉尾矜毛衣

三日漢詩金卷九
復有兩雀目相矚號作竊丹知是非鷓鴣臨流宛相並
戢翼迴頭復交頸黃陵廟裏花落時啼罷鉤輈照雙影
高堂置酒相徘徊眼中不數濠梁崔天清雪霽北風作
多少蒼鷹欲下來

送袁士旦之玉田

無終東去路亭鄣古雄邊水出彈箏峽春生種玉田馬
蹄穿塞雪鳥道入山煙詠史清秋夜應逢謝尚賢

寄唐濟武太史

魚子溝邊好荷蓑魚子岡外石嵯峨天風吹林溪水急
夕陽在山紅樹多欲買山莊太羞澀側身故國空蹉跎

三層樓上陶弘景白日青雲奈爾何

送李松客令高淳託訪詩人邢孟貞遺集

縣庭臨石臼風俗至今淳
鳬鴈成墟市菰蒲雜吏人
花時閑臥閣漁舍曉班春
借問詩人宅柴門滿白蘋

懷崔不雕

不雕嘗有丹楓江冷人初去黃
葉聲多酒不辭之句爲世傳誦

籍甚崔黃葉才名二十年
身無一枝隱詩已衆人傳
屋傍撈鰕渚潮荒種蛤田
風塵京洛客深愧博陵賢

荅汪扶晨

清淺新安水遙連四十灘
岵嶢天子鄣三十六峰寒
絕壑雲千頃仙人藥一丸
與君香谷住何必更驂鸞

送念東先生予告還山八首選四

鶴書隔歲下巖扉一載歸田願不違
蕙帶荷裳猶挂壁君恩真許遂初衣

前身憶是陶通明山中白雲無限情
滿院松風一聲鶴三層樓上坐吹笙

若士雲將是夙期相逢汗漫欲何之
偶然擲杖成龍去又過蓬萊日主祠

何處神山滄海東巨峰萬仞插晴空
青天無數雲濤捲下視辰韓墨點中

巨峰勞山
最高處

再送念東先生八首選五

龍門雪後山爭白金谷園中花映紅著箇香山老居士

任人圖畫作屏風白詩兼聞好事者寫我作屏風

錦湖秋色漾漣漪湖裏遊人歌竹枝斜日泊船紅蓼岸

神鴉飛過魯連祠

長白山中跨白驢偏提時挂小籃輿八騶朱雀航南路

可似先生薄笨車

沂鎮西迴歐冶泉萬竿修竹一溪煙興來欲泛滄浪去

恰有南鄰放鴨船

花前白角三升酒池上紅茵六尺牀公已忘情吾解惜

長松修竹李家莊李家莊先生別業有候仙園最幽勝鬻之幾年矣故云云

頃寄峴茶錄
澄泥小硯

茗柯有實理君能領其趣
僮豎盡茶人鈴椎半茶具竹
隲水清淺巖戶雲來去獨應
峴中僧知君拍茶處

良工瀘河泥妙製出西號溫其龍輔玉瑩如馬肝石價敵十五城包致凡幾驛石墨漆簡書歲晚成三益

傳青主徵君寫荷竹見寄奉荅兼懷戴楓仲

眼中突見簷簷谷露壓煙啼萬竿竹下有亭亭菡萏花
大似凌波倦膏沐煙墨淋漓元氣足老筆縱橫破邊幅

臥遊真對兩詩翁
晉祠水流如碧玉

聞貴州大捷寄蔡尚書

今日標銅柱
君如馬伏波
占星臨井鬼
拓地到牂牁
師律嚴貔虎
軍聲肅鸛鵝
昆明洗兵甲
真擬挽天河

送吳蘭次湖州太守

追錄乙巳年作

六代吳興守
常須第一流
君才如柳惲
吟向白蘋洲
官閣臨苕霅
人煙雜鷺鷗
誰言露冕客
仍是五湖遊

王氏漁洋詩鈔卷九終

王氏漁洋詩鈔卷十

初拜國子祭酒釋菜太學作

雍雍禮樂地肅肅堂廡深皚皚素雪零鬱鬱青松陰堂
上鐘簴懸壁中絲竹音末學愧承師撫躬實難任文學
盛鄒魯流風感至今早入矍相圃夙侍緇帷林未能習
禮器遂以玷華簪聖朝敷文德憬彼胥獻琛峒嶢白
虎觀諸儒粲璆琳議郎悉承制更老多橫襟低徊宮牆
下如聽師襄琴

行玉河上懷故鄉有作

河邊弱柳漸生稊沙上蒲芽綠未齊蓮子湖頭風物早

誰搖艇子罾春泥

何處故鄉思二首

有序

北齊房君豹有山池在齊州自製詩云風淪歷
城水月倚華山樹時人以比康樂予在京師有
故鄉之思因取其語爲詩云爾

何處故鄉思風淪歷城水處處清瑤流時時白鷗起日
暮浣紗人臨流獨徙倚

何處故鄉思月倚華山樹清輝河漢外散入平湖去不
見謫仙人空山下風露

給事幼華弟屢寄新詩題卷後

令弟讀書處龍門天下奇人煙馮翊部喬木子長祠雲
物高連嶽波瀾卷入詩遙知相見日吟苦鬢成絲

繪川書院詩二首爲侍講湯荆峴先生賦

大道滙鄒魯洙泗何洋洋邈矣二千載伊洛爲巨防江
漢有遺民卓爲姚許倡至今百泉上源流深且長曖曖
夏峰村鬱鬱通德鄉湯公起梁宋攝衣早升堂側聞睢
渙閒五色多文章黼黻與華蟲宗廟繪衣裳汝南多先
賢鄒魯實頡頏中原昔戎馬講肆爲鞠塲起衰賴通人
屹茲數仞牆樂職備中和諸生歌鹿鳴六籍列經緯諸
史成宮商不才忝成均臯比坐徬徨倚席久不講士氣

何由昌愧彼巫醫師糜粟空一囊

先生昔挂冠棲遲樂巖谷睠彼二三子望古企高躅逶
迤清川上構此數椽屋三年侍承明夢想在林麓大道
不終晦天中盛者宿輶轅有耿介

耿公字逸
菴前翰林

上蔡有張沐

張公字仲誠
以薦知資縣

著書各滿家衆流滙川瀆耿公實廉吏齋廚甘

杞菊張公赴徵車萬里向巴蜀冥冥子規啼蠶叢凍雲
木何日成德鄰絃誦譬家塾予亦步屨來歲晚共饘粥

後湖卽目

片雨止還作雲陰覆水關眠鳬翹鷺處瓜架豆棚閒魚
鳥久相待滄洲殊未還新秋玉泉水準擬弄潺湲

早入瀛臺作

鐘殘入西苑稍稍霞侵曙水風泛叢蒲山月隱高樹藻
密聞魚跳沙明見鳬聚詎識華林園適叶滄洲趣

寄金穀似讀書玉泉

我愛玉泉流澹沲清見底持比新安江石瀨宛相似昔
遊隔十載夢落風煙裏聞君讀書處泉水在牕几戶外
垂漁竿衣上襲芳芷疎簾臥清簟坐盡雲峰美曉吟山
狄驚夜詠沙禽起三復泉上詩翛然洗吾耳

城西一首

都城負太行渤碣地形古城西富流水磬折頗參伍裂

王氏滄江言金卷一
帛幪渟著淵淵乃句矩北上青龍橋雲峰粲可數皎如
奩中鏡曉牕照眉嫵南過金口寺徧地鵝王乳錦石映
文魚白蘋閒紅荏吾家魯連陂蓑笠渺煙浦小別二十
年稻塍幾風雨安得半尺筮行歌鞭水牯

湘水行送良輔宰零陵

陽朔二水湘與灕源同派別分條支湘水東來入南楚
曲抱衡山經九疑九疑之山蒼梧野斑斑淚竹英皇祠
零陵郡古枕湘水瀟江曲折來赴之自古騷人憔悴地
九歌哀怨畱其詞亦有元和舊司馬八愚感激傳歌詩
其文往往擬山海坐使荒徼增傀奇子今年少去爲吏

況有詩筆人所知黃溪山水勝鄠杜何必慨歎窮荒爲
此去浯溪止百里磨崖洗剔中興碑元公作頌魯公筆
長與日月相昭垂經術緣飾固良可勿隨流俗矜繭絲
衣租食稅盡赤子誰云南人鬼且襍捕蛇有說更三復
軍輸尚急西南陲

題王安節小畫同子側

叢祠倚蒼崖古木捎天碧社後雞犬靜村落無人跡蕭
蕭靈旗風鳥噪山煙夕

竹閒螢火同子側

手植一叢竹戛然當戶青涼宵過疎雨接葉濕流螢漸

轉纖阿御時看玉井星兩月多雨清光紛愛汝花影亂茅亭

輓伊翁菴中丞四首

隔歲看持節俄驚委逝川烽高麗江水魂黯點蒼煙力疾圍城日捐生破賊年空畱新賜冢突兀象祁連

家世南充郡

唐伊慎封南充郡王

功名僕射看行營諸道合報國寸

心丹未取黃金印先逢白玉棺招魂何處是瘴霧夕漫漫

桓典青驄馬終煩萬里行竟歌虞殯去不見蔡人平月

暗封狐嘯星寒櫪馬驚流蘇東下日日斷武昌城

樂府庾公上武

昌翩翩若飛鳥庾公還揚州白馬牽流蘇

馬革平生志昆明未息戈星辰移九列書檄動諸羅歿
視悲荀偃生還失伏波故人歌薤露流涕向山河

羅塞翁猿圖

栗葉初黃山水渾引臂叫嘯來羣猿緣條附蔓下絕壁
連尻結股爭攀援老猿下視獨招手羣猿跳擲騰且奔
可憐猿子亦大黠襁負母背如乘軒黑者玄衣白玉雪
下飲百丈臨齋淪齧斷嘍咋生趣備丹青漫漶神明存
品題云是塞翁筆江東詩法傳清門我疑或是易元吉
景靈畫壁昔所尊余鏗韓性競短詠天姥五字雙眉掀

元人余韓二詩皆工
韓句云愁雲夢天姥

吟詩翫畫輒移晷坐屏寒具忘朝飧忽憶

元和柳司馬投荒始解憎王孫

立秋日雨中用樂天韻

夢驚清商至蕭晨攬衣起寒雨何處來
蕭蕭竹牕裏庭樹綠未零砌萼紅將委
四序若魚鱗誰能究終始

贈許生

精篆
籀

我來太學已八月長日坐臥石鼓旁
松風灑然送蟬語一庭碧草生新涼
嗟哉趨趨不可辨如籀在口誰能詳
安得邀君坐東序共窮史籀賡宣王

送湯荆峴侍講使浙江

我愛西子湖夙昔夢見之湖光與山綠
樂事輸吳兒譬

客談江瑤未免思朶頤聞君往東南起舞掀兩眉綠蒲
十幅帆西風美滿吹初下南徐州三山已麗崎行行過
震澤萬頃青玻瓈夜航到臨安高枕殊未知新笋晚花
過橘綠橙黃時湖水雄鴨頭綠淨相差差掩映湖上山
影娥照清池錢塘八月潮詭異天下奇疾雷震百里蛟
龍競躩踞潮頭坐靈胥重水汨後隨三千穀彊弩射潮
勝雄師至今擊西陵鐵幢高以危醺酒臨樟亭江海爲
東馳壯觀今古無寄之於聲詩歌送潞河船郵籤催畫
旗

七月二十一日瀛臺

賜宴恭紀六首選三

朝來 敕賜宴淋池桂檝蘭舟待水嬉渡盡雲沙回首
望綠楊風外颭黃旗

越羅吳錦尚方來黃紙書名繡作堆次第鴈行齊拜賜
涼蟬聲裏謝 恩迴

太液池中百子蓮花開十丈藕如船酒闌 宣賜歸鞍
重錯認滄洲太乙仙

送元式歸崑山

嚴城吹觴築天地動高秋京國暄涼異妻孥去住愁相
憐千里別相送百端憂心逐東江水蒼茫到海流

雨中懷兄子側往津門

昨日單車發西風青綺門連宵孤燭冷寒雨白沙村遠
道添衣褐天涯戀弟昆一聞鴻鴈響忽憶鵲鴿原

中秋後得富順范生嘉州帥生書知其陷賊不辱
僞命遂有是作

幾載豺狼橫去巴蜀今朝書札慰相思天彭井絡欣無

恙伏劍佯狂更不疑會見費貽徵合浦何妨甄濟動京
師汝曹識字知忠孝一笑南樓倒接羅

送李生茂斯重赴宣鎮幕

亡姪浣亡兒渾
昔皆執經於生

淒涼十年事送汝淚滂沱古塞逢人少空山聽鴈多居
庸雲外度土木雪中過峴首羊公石千秋定不磨

生揭先
太師祠

堂碑見貽
乃有末句

寄李鄴園尚書二首

閩天烽火達錢唐太乙靈旗指越疆文武共推周吉甫
勳名誰並郭汾陽椎牛五夜千夫膳射虎三秋百戰場
今日羅平妖鳥盡早聞憂國鬢如霜

爛柯山上陣雲低太末城頭月暈齊飛檄直臨彭島外
纖塵不動浙江西戰袍血濺盤鵑鵲雄劍霜寒淬礪鷄
半壁東南功不細天書頻下武都泥

哭兄東亭先生四首選二

節序重陽近倉皇老淚流弟兄九原別鴻鴈一聲秋骨

肉多黃土艱虞早白頭寒燈孤館夕零落卽山丘

忽忽死生異茫茫幽憤盈頻年罷重九何處作清明荆

樹花皆悴池塘草不生可憐今夜雨猶是對牀聲

亡室張
宜人以

丙辰九月歿予有詩云
云時方哀西樵先生也

慟哭

十月二十日送子
側觀車南歸作

慟哭青門外天寒急雪霏豈知成訣絕猶似送將歸慘
澹雲皆駐蒼茫鳥不飛故園何日到徒御亦沾衣

遂安毛貞女詩

同年祥符令
會侯之女

新安水清泚水清石見底黃河水瀰瀰一石五斗泥水
清復水濁女心空自知三日爲君婦未識君容儀一月

侍君疾不聞君履綦秋風響庭樹夜夜哀羈雌高樓切
浮雲直下忽若遺昭昭白日光奄與黃泉期手斲女貞
木絃以寡女絲彈作處女吟千載有餘悲

十一月十八日紀事

招搖方指子七日後長至五星如連珠真符協天瑞詆
蕩天門開日射觚稜次公卿儼行列百寮咸備位雲中
露布下琅琅動天地十月日在未_{二十}軍府秉諮議雷動
傳滇城十萬連步騎貝子坐武帳諸道師總萃將軍拜
拔社偏裨怒裂眚搜穴翦狐鼠然犀照魑魅天上舞鉤
梯地中鳴鼓吹不遑濡馬褐況敢執象燧膽落鐘詎聞

約長髮競繫半年築長圍屏息門晝閉樵採路久絕啖

食到殘黷毆技悔已窮蟻援復何冀孺子一七殊

賊首吳世璠自

劉僞相五刑備

僞官方某等刑於軍前

自然天助順豈曰吾得歲昆明

水清冷金馬山顛顛妖氛一朝洗磨崖勒文字釐主命

召虎乘軒寵邛意六詔歌且舞給復置官吏皇哉聖

人德涵育及動植手提三尺劍削平諸僭僞何以矧曰

仁何以淬曰義所以八年中次第芟醜類師行不驛騷

民居不憔悴自茲萬斯年橐弓兵不試敢告載筆臣著

之大事記

和徐健菴宮贊喜吳漢槎入關之作

丁零絕塞鬢毛斑雪窖招魂再入關萬古窮荒生馬角
幾人樂府唱刀鐮天邊魑魅愁遷客江上尊鱸話故山
太息梅村今宿草不畱老眼待君還

吳梅村先生昔有送漢槎出塞長句見集中

臘月六日雪卽事

薄霧曉霏霏春城雪乍飛九旂清道入千騎上陵歸
玉馬徵何早金雞望不違彩雲天萬里幾日罷重圍

吳孟舉寄宋槧徂徠先生集羅小華墨

白藤落落徂徠字玄壁庚庚古柏香小啜龍團聞雪滴
半牕殘日亂松篁

送汪舟次太史林石來舍人奉使琉球六首選三

屬國滄波外微茫萬里流雙持龍虎節遙拂鳳麟洲守
禮諳殊俗乘槎愜壯遊使星霄漢上先入大琉球
挂席指歸墟通言隸象胥避風占海鳥跋浪舞神魚卉
服看天使金函護璽書雄才能作賦休讓木玄虛
積氣浩茫茫乘流出大荒嘯歌聞海若擊汰薄扶桑日
月相吞吐蛟龍或遯藏始知九州大騶衍未荒唐

上陵歌五首

兩京相望海雲開馳道如弦候騎催金馬碧雞新奏捷
太平天子上陵來

令支迴合萬重山閃日旌旗虎豹閑東望風雲過沛上

西來車騎出蕭關

遼水東迴北鎮斜龍蟠虎踞帝王家依依最是關門柳

十二年前拂翠華

辛亥大駕謁陵於盛京今十二年矣

縮酒包茅貢不遲耐金應制上陵儀聖朝大禮垂千

祀不比汾陰太乙祠

艱難王業本岐豐扶杖來觀父老同詔賜大酺還給

復一時歌舞徧遼東

鍾山司業見過述房山幽居之適尋以山僧所送

芍藥分餉賦謝一首

禪棲愛說房山好院院開門面翠微風起梵音時過澗

天晴雲氣自沾衣殿春紅藥戎戎發遶檻黃蜂細細飛
百里遠將清興極幽巖晨露未全晞

戴氏鼎

爲楓仲作同山長
教授愚山侍讀

昔在京師賦方鼎年少筆力回千鈞焦山鼎圖歲在巳
江海起立魚龍奔邇來衰謝二十載雖有意氣無由振
戴氏此鼎何處得勢如怪獸寧以蹲平頭負戴到蓬戶
四座動色誰敢捫雲雷盤旋閒饕餮斑斑古色疑周秦
凹中尾鬣狀天馬緣尻鼯鼠拱且馴或云子午紀年月
或如癸甲兼庚申或云乾上艮在下天山爲邇理則均
著馬履鼠古所訓義云陰屈而陽伸制器尚象有深戒

寡聞尠見徒紛紜大巧坐令倖齟指流俗豈辨飼與饋
丹楓閣中盡奇古此鼎屹立何雄尊市丘鼎齟任嘲笑
烹雞何似羞明神不煩更問柳下季歷千萬世存吾真

多父敦

亦戴氏物

昨日賦罷天馬鼎今日復示古敦

音對

牟山川連日發光

怪黃白下覆雲油油此敦形製奇且古兩耳三足窮雕
鏤上作饕餮餐下蚩尤細辨非簋非彝舟古人一物殫工
巧用盛黍稷神所羞珠槃玉敦載盟府云以歆血親諸
侯流傳千載歷塵劫卻伴高士山之幽昭餘自昔稱晉
數侯甲水作青瑤流丹楓孤閣踞其上朝霞暮靄臨牕

浮先生靜坐觀衆妙圖書萬卷皆親讎此鼎此敦置左
右蒼然古色來商周庭列九賓發緹幕令我一見生歎
啾長安市兒寶康瓠金敦玉敦知何求什襲歸去閉高
閣會有光氣騰龍蚪

雨後至天寧寺

凌晨出西郭招提過新雨日出不逢人滿院風鈴語
幼華給事招同愚山健菴大可舟次季角集祝氏

別墅

黃門休沐暇池館愜招尋人語碧苔徑鶴鳴修竹林微
風交落絮流水澹春陰坐愛儵魚樂悠然濠上心

戲示老圃

語君種松柏君嫌少顏色莫種薔薇花歲寒足荆棘

摩厓碑

有客新自湘江歸登堂示我浯溪碑芒寒色正三百字
忠義之氣何淋漓白日行天破幽壑走避罔兩潛神夔
憶昔天寶初喪亂漁陽突騎如飈馳二十四郡少義士
平原太守獨誓師平生不識顏真卿乃能一木支傾危
清河年少氣慷慨十歲作質平盧兒中興大業起靈武
功成不死神扶持道州刺史昔漫叟振筆大放瓊琚詞
請公磨厓書絕壁鐫鑱千仞青雲梯蠻煙瘴雨不剝蝕

萬古照耀天南陲昨者劇賊亂滇海盜據衡永爲根基
太平祭告徧羣望山川一洗無磷緇宜有雄詞繼前代
磨厓重刻浯溪湄

滇南凱旋歌六首

鈞天樂動五城樓玉輅前行十二旂親見萬方頻送喜

翠華三度幸盧溝

湖南福建雲南大軍振旅皆駐蹕盧溝郊勞

將軍收取舊山河飲馬蘭滄萬里波珍味天廚人不識

禁中特遣一封駝

升中大禮視園丘黃幄天清宿霧收朝罷將軍先受賞
尚方催進紫貂裘

都人夾道看旌旄萬里歸來血洗刀
韉上奇鷹皆帶角
仗前天馬盡拳毛

原廟衣冠二十春太平今見上陵辰
象犀瑇瑁新供祭

巧使安南備九賓

上將謁孝陵適安南國請封表至京

清時王會徧諸方絕調昇平嗣柏梁
從此漢家新樂府

白狼添詠又三章

今年上元賜朝臣宴於柏梁體賦昇平嘉宴詩御書頒賜

定武蘭亭跋尾二首

繭紙風流世不傳昭陵玉匣死難捐
乞兒一物雖癡絕猶勝分香望墓田

片玉明駝出禁門人間蟬翼重璵璠
一般雲散宣和劫

不及陳倉十鼓存

朱浙清明上河圖二首

萬伯修司馬家物

金明池上柳吹綿
仕女紅粧照水鮮
學取鵝黃宮樣窄
一雙新畫孟家蟬

夢華髣髴舊東京
瞥見丹青眼暫明
忽忽停杯緣底事
西風殘照近青城

感懷西樵東亭兩兄寄禮吉仲兄

行年將五十
少壯彈指過
秋眉失新綠
白髮俄已多
朝來朔風涼
林葉辭故柯
感此一悽愴
東流無迴波
故山有石田
胡不歸巖阿
兄弟半下泉
得歸亦蹉跎
沉憂結

中腸卽事成悲歌

秋杪獨遊善果寺感懷亡友葉文敏公

秋懷憺無豫古寺聊經行喬木何蒼然歸鳥時一鳴雨
久林葉積人稀秋草生帛公吾夙好敷坐依南榮壁閒
龍鸞書歲久猶崢嶸壁上有世祖皇帝御書唐詩洞房昨夜春風起一首自署臆菴道人昔遊偕故
人共對寒泉清俛仰遂成昔存沒倏自驚西景薄悲谷
素魄無常盈世界真一漚何物爲冠纓徘徊日云夕駕

言返東城

聞陳子文轉餉入蜀

鐵馬蠶崖路屯兵又十秋戰塲山鬼嘯故國杜鵑愁江

抱青羊觀天橫白菟樓亂餘多感激高唱滿西州

送虞虞山通參予告歸雲南

時年八十有五特賜馳驛蓋異數云

兩朝黃髮承恩久萬里青蛉擁傳歸驛路近南梅信早
家山向日鷓鴣飛劫灰歷後昆明在華表來時故舊非
檢點賜衣重灑淚孝陵松柏已成圍

元祐黨籍碑

天津橋上啼杜鵑耕父已見清泠淵宮中堯舜不可作
厚陵社飯悲年年二惇二蔡秉國軸同文館獄紛鉤連
衣冠相望走嶺表一網盡矣嗟羣賢司空手籍元祐黨

京自署司空尚書右僕射兼門下侍郎

大書深刻相磨鐫彗星下掃文德殿毀碑

夜半何喧闐攸攸拂拂一兒戲可惜宋社成南遷潭州
死骨尚有臭黨人名字光中天西南荒徼八桂郡此碑
千載人爭傳上云垂戒萬萬世其詞何異誅共驩從來
青蠅亂白黑三代遺直今如弦小人勿用易所戒崇寧
僨轍無忘旃

輓陳其年簡討

晚蹋鳳凰池霜華已上髭不堪嫁阿鶩差喜得龜兒

其年

歿後立
姪爲嗣

阜茨村南社青溪水畔祠至今傳樂部多是兩人

詩

牛孝標寫柴門深竹圖見贈

晨興掃落葉雙帚不能給高堂張畫圖忽覺秋光入遠
山紛合杳空翠嵐煙濕下有幽人居把茅誰所葺繞舍
萬玉林排空各離立雨餘飛瀑下日暮清川急繫艇楓
樹邊楓葉紅一色先生隱市令懸壺少人識詞客復畫
師勿乃譏結習何日刺扁舟和歌戴青笠

冬夜詠說巖翰長貽詩感舊賦懷兼呈容齋侍郎

效白
體

凍雲釀雪故低垂手藝松明漏箭遲半世心期三歲字
殘年風景六篇詩草橋南畔看花處浴殿西頭下直時
暗數同遊幾人在吟成催白數莖絲

贈趙大理聲伯

聞君肥遯日耕釣富春山偶逐白雲出心將秋水閑高
名滿人耳封事動天顏主聖容臣直何妨老抱關

題張杞園浮家泛宅卷三首選二

君家好在春岑閣正直琅邪海上山一唱桃花流水引
斜風細雨竟忘還

小剪山下穀紋層一艇延緣學最能茗水清清雪水白
水精宮闕近吳興

小剪山沈亞之故居杜牧之詩一
夜小剪山下夢水如環珮月如襟

送孫予立編修周星公禮部奉使安南二十四韻

憶昔高平役於今歲屢遷遂休蠻觸鬪共識漢唐年文

筇來何數包茅貢亦虔越裳馴白雉征戍罷朱鳶
軍鋒擾西南殺氣纏妖氛橫象郡閒道絕龍編正朔依
然奉訛言幾處傳乾坤重盪滌遐邇盡陶甄使者南關
入長安北斗邊職方陳貢贄鞮鞻列宮懸忠孝聞天
語奎章照海堧飾終王禮備繼世主恩偏胙土諸侯
貴行人二妙賢璽書頒冊府英蕩破蠻煙衡嶽開雲
霧湘流任汭公麾前驅瘴癘規外指星躔銅柱懷新息
丹砂訪穉川採香三丈木縹繭八蠶綿飛鼠紅蕉裏矜
羊碧樹巔檳榔供釀酒蚬子上盤筵風土由來異聲靈
此日宣望塵紛絡繹騎象競駢闐國體千秋重輶車

萬里旋交州新有記真見雒名田

玉泉

御宿川南似漢陂
碧琉璃滑淨無泥
穠桃弱柳垂垂發
沙燕鳩鵲故故低
銀漢紅牆九天上
流雲紫閣數峰西
太平暇日稀遊豫
碧草春深輦路齊

鄠人王明府十洲酒閒述漢陂高冠潭石淙之勝
因賦二絕句

百里皆修竹陰森入漢陂
朝朝看紫閣倒影散鳬鷺
我愛高冠潭君家古潭上
秦嶺微雨來瀑流懸百丈
爲高澹人侍讀題匡堰草堂圖

老屋丹楓裏清谿亂竹閒偶然通略徇隨意送潺湲飲
酒復垂釣讀書仍閉關隔江青未了知是沃洲山

興州

聞說興州地炎天冰雪遲行宮餘故礎野蔓覆殘碑虎
旅迴遼海鸞旗拂具茨名王今款塞千帳荷恩私

古蹟三首爲岳給事賦

有序

同年岳鎮九給事初知封丘縣頗以古循吏之
治治其民以唐高常侍嘗爲縣尉祀典闕焉乃
剏爲專祠又春秋黃池戰國青陵臺在縣境皆
碑其處數百年廢墜之典釐然修舉予嘉其事

因爲賦之

高常侍祠

忠公拓落人好談王霸略一辭孟諸野微官此棲託把
臂李杜遊慷慨吹臺作懷古薦溪毛風期緬猶昨

黃池

餘皇旣已徙姑蘇亦已焚黃池尚爭長荼火矜三軍肥
胡幡名不可見四野空寒雲大河隔濤江至今悲伍員

青陵臺

東郭一曠望尚見青陵臺臺前兩梓樹古冢何崔巍下
有鴛鴦宿上有烏鵲哀遐哉一女子大義終不虧

嚴人弘寫碧山吟社圖題詩畱別用韻送之
碧山吟社好幾日返雲林晏起翠微曉開門黃葉深君
歸自丘壑予興在登臨賴畫滄洲趣朝朝慰陸沉

懷山長赴澄海令

萬里炎方去孤城海氣寒土風問瀧吏南食閱珠官垂
老功名薄投荒瘴癘寬酒壚空在眼耆舊已凋殘

時愚山初沒

樹百軒前小山成

曲棧遊秦路清流入剡山豈知千里興宛在一庭閒水
竹自幽映輕篠時往還晚涼明月好吟坐石苔斑

送黃自先之官平遠

水西何處是險絕播州東四郡千山外諸尸一線通聞
猿思故國騎象識蠻風荒服皆王土無勞歎轉蓬

過宣城館有感

愚山故居

暮天黃葉落一過西州門無復高人跡空聞宿鳥喧新
阡思掛劍愚山屬予序其文集尚未脫藁舊館憶開樽南望澄江水誰招屈
宋魂

賦得滄浪亭送尤悔菴檢討

平生愛蘇子高唱滄浪吟蘇子去已久滄浪清至今戲

魚明鏡閣

見子美集滄浪觀魚詩

喬木古亭深

見歐公滄浪亭詩

送爾濯纓曲知

予濠濮心

牧仲寄示秋日巡海雜詩

不見宋生久詩來海上峰振衣臨渤碣長嘯動魚龍孤
竹瞻高節烏丸指舊封聽潮相憶處吟斷角山鐘

與趙秋水話申鳧盟遺事感賦

淦水去涓涓東流繞墓田忽驚辰巳夢重憶甲申年

謂鳧盟尊

人節愍公甲申殉節

夜雨啼山鬼青春叫杜鵑平生趙元叔白首話

燈前

戲書屏風絕句

孫劉縱遣不三公一笑樽前百態空寄語吾家光祿道
那能屈曲作屏風

輓孫予立編修因懷愚山侍讀

昔送君行社燕過承恩雙闕動驪歌
今聞君逝寒梅發望遠三湘弔汨羅

歿於全州

白馬流蘇西粵返啼烏玉筯北堂

多風流一代俱黃土萬古澄江水自波

雪中靈轡道人同楊水心見過

道人謝氏

謝公居剡後禪藻在諸孫何意杼山老
雪中來叩門行忘石頭滑坐愛地爐溫
況是逢桑苧清詩與共論

題趙伸符編修寫真

松花謾謾吹玉缸揮毫三峽流春江
未論文雅世無輩風貌阮何誰一雙

筵上贈周卽墨杞公

剡谿多名山君家窮剡源雪竇峰曉秀鮎亭潮夜喧昔
君結茅處蘿月聞清猿少年偶試吏鍛羽防飛翻山頭
望廷尉牘背騰謗言蕭灑解黃綬寄跡空山村崐崙富
靈境二勞當縣門爲欲東浮海且聞西入關北風吹歲
暮雪霰淒以寒肝膽醉後吐意氣猶騰騫陋巷車馬絕
纖月升前軒抱被冒畱宿地爐松火溫

雪中聞東癡先生歿於德安二首

垂老依人惜解攜招魂不返大江西他年壠樹逢寒食
應有子規來上啼

年年共賦梁園雪此事回頭三十年今日雪中君不見
兩行清淚草堂前

往歲里居每雪後與先生
必有倡和之作至數十首


憶山居示兒子


堂靜看歸燕村深報午雞松花開細雨筍竹迸春泥澗
道水兼石山田高復低休慙令狐子黽勉把鋤犁

題樊圻畫爲紀給事

春衣夜宿長干寺蠟屐晨登木末亭忽見畫圖如夢裏
遠山未了六朝青

王氏漁洋詩鈔卷十終





2732
A56
W3
V.8

王氏漁洋詩鈔卷十一

雄縣道中雪

即公孫
贊易京

關河暝色冷征裘往事公孫戰伐秋
趙北燕南盡煙水
茫茫風雪易京樓

任丘憩李性符東園同澹心賦

虞丘諸水會水氣射城陰
率爾過幽墅悠然諧隱心
松閒滴殘雪池上語春禽
罷酒高臺望天風吹客襟

從山公乞滄酒

五時新成禮百神同時銜
命帝城闐朔風初過毛萇
里西日難遮庾亮塵
丹荔黃蕉炎海路茂林修竹鏡湖



濱今宵且乞麻姑酒別後俱爲萬里人

滄州古麻姑城

趙簡子渡河處

雞鳴問津吏冰雪滿交河日上迴風起如聞河激歌

德州荅山公通政畱別之作

城下河流日暮寒明燈綠酒罄交歡從知越絕風煙好
敢謂珠崖道路難嚴瀨千峰雲際出武卮九曲鏡中看
官園焙後茶香熟此日思君到建安

恩縣

宋貝州

地勢遙連魏博雄百年三鎮習流風貝州戰壘寒煙外
猶聽行人說潞公

在平懷古四首

魯仲連

經過射書處猶識魯連村
桑柘靈祠裏空瞻玉貌存

淳于髡

玉釵挂臣冠滅燭聞薌澤
此際獨畱髡僕亦堪一石

馬周

火色鳶肩者相逢徧五都
不知曾一箇得似馬周無

張鎬

濠州刺史閻丘曉不救睢陽鎬杖殺之曉卽殺王昌齡者

湖海鬢眉在寧忘社稷讎
張公琴酒客能辦殺閻丘

望小洞庭

當日蘇司業風流此暫經
重巖望超忽遠水界空冥
積雪明蠶尾浮雲下洞庭
明朝新霽好迴首數峰青

東平思王墓

孤山

東平幾驛是咸陽
松柏依然指故鄉
帝子不須還悵望
漢家陵闕久淒涼

東平憲王墓

峴山

鄉是人亡萬古悲
東平宮殿草離離
陵前賜劍知何處
金粟飄零剩斷碑

大雪次汶上題路氏北堂壁

百里中都道蒼茫
欲暮天湖平蜀山樹
雪沒汶陽田魯

酒盈觴醉銀鱗下筇鮮東樓無李白且就北堂眠

太白有飲汶上

東樓詩

少陵臺

不見杜陵叟猶存杜甫臺如聞石門路曾共謫仙杯
平野蒼蒼合浮雲故故來岱宗青未了髣髴六龍迴

時大駕東巡

祀泰山

雪後過嶧山

數仞碧玲瓏參差望不窮波浮泗濱磬雪照嶧陽
桐仙洞浮雲斂秦碑野燒空羊車何日去輦路翠微中

昭陽湖

一名微山湖

滿湖風皺碧流離微子山前返照時
閑挂筇簷泊沙觜
紅霞一抹曬鸕鷀

荊山口待渡

西連豐沛走中原風色蕭蕭野渡昏
一望孤城天接水
亂山合沓是彭門

徐州渡河

楚漢興亡後雌雄幾戰爭大風過泗上
落日照彭城
玉斗空遺恨銀刀久厭兵登艫一長嘯
冰雪太崢嶸

彭門懷古八首

城上黃樓天四垂捲簾坐盡楚山姿
羽衣吹笛人千古

樓下猶懸五丈旗

中原豪傑競亡秦
楚漢煙銷泗水濱
放鶴亭中一杯酒
楚山巖巖水鱗鱗

樓觀峒亭戲馬臺
宋公九日此傳杯
詩人猛士如龍虎
只愛江東二謝才

僕射軍中似父兄
紅蓮書記擅才名
重尋汴泗交流處
千步毬場草棘生

黃葉西陂七字詩
後山詩派石林知
南山磬石流脂滑
不刻長洲主簿詞

呂梁千仞古所嗟
況復層冰如莫邪
陪尾山前魯祠北

紅泥亭子漾金沙

煙銷陂水半篙碧日出曉山千疊青
薺麥依然春雪裏忍寒招鶴上空亭

風雨彭城意黯然東堂松竹沒寒煙
潁濱老去東坡死

銅狄摩挲五百年

感懷西樵
東亭兩兄

宿州東門道曰汴堤古隋堤也作隋堤曲

殿腳三千事已非隋堤風物尚依稀
玉蛾金蠶飄零盡誰見楊花日暮飛

臨淮

凜凜歲云晏我行淮楚閒清川下桐柏
衆壑會荆山兩

岸帆檣闊中流鷗鷺閑惠莊如可卽長嘯一追攀

崔白濠梁人賦詩弔之

徐黃老手去不迴丹青又失濠梁崔清淮粉本還畱在
折葦枯荷鳬鴈哀

梅心驛南作二首

山中何所有遠近楓香樹松青櫟葉黃蒼茫半煙霧下
有寒溪流聞聲不知處林開遞明滅石激忽奔怒合沓
溪山閒誰復辨往路颯颯松閒風瀏瀏石上雨遙峰屢
單複雲嵐莽參互愛此塵外區徘徊未能去

前山忽開豁稍稍見田疇茅茨三五家籬落編道周白

水滿陂塘繞舍左右流雞犬散屋角驚鴨浮汀洲松葉
閒索綯牖戶急綢繆餘力祝牛宮歲功良已週感此懷
幽俗役役將何求

將至桐城

溪路行將盡初過北峽關幾行紅葉樹無數夕陽山鄉
信憑黃耳歸心放白鷗龍眠圖畫裏安得一追攀

雨中過陳默公滌岑

躡屐歷危岑單椒上空曲江雨從東來風吟萬竿竹城
郭浩茫茫衣裳盡寒綠何處是龍眠千峰出雲族
張敦復宗伯招飲新齋感舊兼寄說巖都憲

憶共蓬山直聞鶯細雨時那知高閣夜對雪更論詩梅
信江城早朱櫻禁苑遲內直屢被櫻桃之賜也紅亭子就好寄故人
知昔同直學士屢言他日還山當構亭取杜詩西蜀櫻桃之句名以也紅都憲預爲作記

潛山道中雪

處處溪山好倪黃畫亦難雪雲數峰白楓柏萬林丹高
下松毛積淒清石溜寒天心愛羈旅巖壑飽經看

自沙河至唐婆嶺卽事

皖公山色望迢遙皖水清冷不上潮青笠紅衫風雪裏
一林楓柏馬蕭蕭

龍山晚渡

雪滿龍山望五湖
漁舟沙步晚招呼
憑誰喚起維摩詰
重寫寒江雪渡圖

張睢陽廟

宿松棠
梨宮

不識松滋路中丞
何代祠椒蘭紛玉座
風雪捲靈旗橫
笛聲猶苦神絃響
易悲同堂眞廟食
南八是男兒

除日宿松道中

久客忘時序
怱怱逼歲除
楓林紅照眼
鬢髮白盈梳
灞岳多迴鴈
潯江足鯉魚
春風來早晚
誰寄故園書

下五祖山

雪滿空山下
翠微娛人十里盡
清暉野梅香破半溪水

翠羽一雙相背飛

大雪渡潯陽江

江水下江州茫茫九派流雪迷宗炳宅興發庾公樓六
代空殘壘千年此上游可憐形勝地擊楫未消憂

琵琶亭晚望

雪重江天合寒深鳥不飛炊煙何處起知是庾樓磯
入廬山口號四絕句選二

翠竹青松裏橫峰側嶺閒坡公曾有語真箇到廬山
曉出潯陽郭廬山方出雲雲中雙白鹿邀我問匡君
自蓮華峰下至東林寺

江州郭外雪雲濃
翠壁丹崖錦繡重
行盡清溪三百曲
東林纔打午時鐘

石門澗

石瀨千巖響飛梁萬壑低
欲尋謝公隱
噉噉夜猿啼

圓通寺示杲菴禪人

匡廬上初日
石耳訪禪林
眉際清寒重
煙中梵唄深
水交松櫟響
門掩竹藤陰
欲問南唐跡
山猿雪後吟

歐亭

六一何時去
猶傳夜話亭
亭空人不見
殘雪落冬青

蘇亭

試訪蘇公跡荒榛鼯鼠啼東山初日上惆悵下侯溪

登石亭寺鈞天閣

在滕王閣西時
滕閣燬於火

鈞天閣倚最高層帝子樓空感廢興鶴嶺雲生接洪井
龍沙江遠抱鍾陵落帆夕照晴相亂橫笛危欄晚故鷹
最憶三王詩筆好篋中慙負剡溪藤

樟樹鎮王文成公誓師處

豹房虎圈氣如雲行在從容露布聞誰識書生離講席
絕勝三十六將軍

峽江縣

短岫幽篁峽口陰亂帆鴉軋滿江潯長年煙際遙相問

王氏漁漁言金卷十一
十八灘頭水淺深

吉水道中望楊誠齋故居

江行盡日愛清暉
峽遠江平碧四圍
幾處峰青臨水照
一羣魚翠拂船飛
雲陰澹澹將成雨
嵐氣濛濛欲濕衣
髣髴南溪楊監宅
蒼苔白石繞巖扉

吉水絕句

螺川川北字江西
沙暖舟暄咫尺迷
纔過元宵如上巳

春山處處郭公啼

文江一
名字江

泰和夜泊雷雨

明月墮何處
忽聞鳴雨懸
雷驚殷上山起
電急劃江圓

宿鷺依連舸神龍出大川戰場蕭瑟極百感夜茫然

萬安道中

戰地餘流水滔滔贛石東幾年紛鱗艫今日尚刀弓沙

嶼宵霑雨江船午帆

去

風明朝聞好語清漲百灘空

坡詩

一篙清漲
百灘空

十八灘三首

繫舟萬安城已聞灘聲惡連峰造天關疾雷殷地絡篙
師理戩楫直與驚湍薄萬山立積鐵其下臨大壑沉沉
蛟龍宮神物信所託排空紛怪石森然奮搏攫潛虬動
鱗甲巨刃揚鐔鏑地根在何處坐覺坤軸弱悵然念神

禹封泥此疏鑿長年聚羣力撇漩出寥廓三復垂堂言
遠遊亦何樂

亂峽吹急雨一折改奔峭連山亘東南瘴霧迷嶺嶠榜
人侵曉發高臥失臨眺輶雷起何處萬夫迭呼嘯倏忽
數灘過到眼一票姚武朔旣崖柴崑崙絕排界始蹈呂
梁險終成昆吾譟四山方出雲吐納亦殊妙山木蓊然
合冥冥子規叫

半日過五灘灘灘各殊狀怒流一噴薄石角迷背向激
瀑散霜雪倒灑石壁上漩渦走風霆喧阗裂層嶂洶如
奔萬馬崩騰不相讓又如閶闔開攫攫羽林仗傷神旣

慘澹快意倏悲壯出坎在須臾布帆幸無恙探奇遘靈
悶豪吟洗惆悵

阜口雨泊

急雨孤篷濕高峰四面同茫茫送灘水颯颯會江風山
鬼幽篁裏楓人苦霧中明朝攬清鏡衰颯任成翁

梁口

細竹長杉裏舟穿虎豹叢遙思刊木日深念濟川功嵐
重沾衣濕灘高聒耳聾耽奇還興盡太息畏途中

攸鎮雨泊

竟日孤篷雨宵分尚未休瘴雲來嶺表江漲下虔州暗

濕桃花重

岸上桃花盛開

平添竹箭流更聞春喚

鳥名

語催白五更

頭

黃金洲見桃花

巖屋纔三合煙扉自一家春風何造次開徧小桃花

贛州謁王文成公祠

新建當年此誓師森然松柏見靈祠軍聲不藉條侯壁
籌策唯應漢相知萬古許孫同廟食一時張桂太傾危
後來論定煩青史峴首猶存墮淚碑

同丁鴈水僉憲登八境臺三首

天末欣相見登臨復此臺飛樓切雲上危堞枕江開章

貢雙流合雲峰四面來凌風思玉局故國近蓬萊

坡公八境臺詩

有云想見之衆觀海
市絳宮明滅是蓬萊

尚憶圍城日熊羆此枕戈劫灰孤閣在戰地國殤多東
越鏌王郢南荒服尉佗祇今烽火息吾輩許高歌
直北連章貢西南望鬱孤風流餘蔓草樓閣半寒蕪簾
捲過雲雨欄迴指舳艫乾坤此臺在將別立斯須

題鴈水篋園

初來篋園裏早愛篋園詩夜雨前山過青苔滿院滋故
人傾卯酒名卉發辛巳物候炎方異春風生桂枝

園中桂
花玉蘭

紅白梅
皆花

南康縣

積咀埋煙霧清晨望不分地維何偏側嵐氣日氤氲山
接梅銷嶺天遙庾勝軍幾年收白骨愁絕戰場雲

題南安寶界寺

劉元城張無垢兩先生皆
居此寺坡公亦嘗過之

古寺興亡閱幾秋諸賢誰遣到炎州可憐橫浦關前水
猶繞當年鐵漢樓

大庾嶺

五嶺界百粵東嶠實大庾西衡北豫章嗟峨此終古黃
屋聊自娛僭偽始秦楚魑結慕漢德再世爲亡鹵六代
及五季紛紜不足數昨者滇閩亂此嶺煩師旅我來兵

銷後叢薄無豺虎絕頂眺南溟波濤如可覩白雲左右
飛危徑穿一縷回首望中原風煙隔橫浦

張文獻公祠

峽寺重雲裏人瞻丞相祠開元如夙昔風度想當時羽
扇三秋恨淋鈴萬古悲何來雙海燕猶自入簾帷

紅梅驛

朝登來鴈亭午過紅梅驛梅落鴈先歸腸斷天南客

始興江口

西過始興水湏谿增淥波

湏水合始興水流始大

推篷春日下高枕粵

山多前路逢瀧吏迴風起蜚歌鼻亭不可問亂石鬱嵯

峨

韶石

昔聞韶石奇今覩韶石狀奇峰削凡體斗絕各雄長怪
石走中流牙角怒相向峽逼春湍豪撞春力頗抗雙闕
屹東西毬門始誰拗其旁有阿閣靈鳳昔來貺傳聞帝
南巡九成奏崖嶂后夔不可作疇與辨真妄飄搖翠龍
駕髣髴鉤陳仗西望蒼梧雲臨風獨惆悵

彈子磯

神禹刊九山百粵所不詳蠻貊暨流蔡遺跡蓋荒唐此
磯始何代峻極蟠穹蒼下臨萬丈潭蛟螭多伏藏黑鷹

巢其巔下瞰時飛颺石壁不可梯錯雜五文章鐫鑱復
穿漏鬼工肆皴皵想當開鑿時巨刃摩天揚安得挾仙
靈白日凌飛梁

觀音巖

粵山無寸膚斯巖益厯屐其下蟠水府其上排雲霓洞
穴豁天半十丈臨江涯騎危躡虛空險絕緣鉤梯白日
忽晝晦疑逢魍與魑蝙蝠如白鴉鍾乳皆倒垂羃歷掩
洞門狡獪神所爲暗瀑響陰壑尋丈安可知灑落深潭
中如弩齊發機佛座雲霧生濛濛沾人衣遠江上明月
欄杆拂參旗歸舟意恂怱絕景誰能追

三山游記金卷十一
三
滬江

衆綠被山足舟行當翠微滬江流水遠涯口住人稀海
日臨涯吐蠻禽拍浪飛阮俞如可采長嘯竟忘歸

峽山飛來寺

方舟宿湏陽高峽厭蒙密乘風指飛來喜近調御室蒼
蒼菩提樹逶迤寺門出金碧閱蕭梁幻語恐非實禺陽
二帝子何年此栖息言采阮俞竹遙應黃鍾律如何遂
不還空有湖城憶東上緣崎危詰曲昧蹊術夾磴荔奴
陰青蔥上初日石壁畱孤雲飛亭俯江色沉沉晴川綠
活活流泉疾敷坐憺忘歸逍遙問摩詰

半山亭

雲碓水自舂松門風爲關

坡公題峽山寺句

夙愛老坡語幾載思

禺山何意萬里遊兩腳墮屣顏苔碣不可見定水猶潺
湲宴坐半山亭下見凝碧灣榕根如獐龍怒攫青厓閒
日午竹雞啼濃綠排煙鬟我行窮祝融何時復來還

抵清遠

萬里南帆渡二禺峽平川闊見青蕪不堪斜日蠻雲裏
啼罷猩猩又鷓鴣

南海神祠

茫茫百粵閒衆水歸扶胥下滙波羅江日夜相灌輸嗟

峨兩虎門衛此陽侯居神宮壓滄溟潮汐在階除我駕
萬斛舟乘風但斯須飛廉送旌麾龍伯爲前驅百靈何
蜿蜒穹龜與長魚將命肅牲醴來格神所愉振衣浴日
亭遙見三足鳥咫尺躡樊桐覽彼天帝都

登浴日亭

乘槎興不盡復欲帆去南溟夕次扶胥口朝登浴日亭

島巖紛破碎天水倒空青一望窮寥廓真看小洞庭

與諸公集光孝寺

寺舊名虞苑
虞功曹故宅

一鳥鳴灌木招提春雨餘偶來方外遊踪跡似閒居清
池浮水薤碧藻躍文魚輕颺散訶林葵樹交扶疎灼灼

佛桑花紅豔驚珊瑚緬追昔賢跡俯仰懷赤烏孝廉自
英雄江左盛文儒魯周閩外寄張顧府中趨如何虞仲
翔獨此悲向隅青蠅爲弔客千載同欷歔

蒲澗寺贈範公

我來蒲澗上菖蒲方紫茸水流危石底雲出半山中布
席枕椰樹吹衣荔子風還將鐵如意日暮對支公

濂泉寺

閑隨綠蘿去忽與碧谿逢水石微通徑煙霞獨倚筇寺
門編笏竹磴道入雲松尚憶安期子青天跨白龍

登粵秀山

越王古臺上春暮復登臨割據無秦漢滄江自古今風
吹鼇背雨日射虎門陰欲問呼鸞道荒涼蔓草深

歌舞岡

歌舞岡前輦路微昌華故苑想依稀劉郎去作降王長
斜日紅綿作絮飛

廣州竹枝六首

潮來濠畔市名接江波魚藻門邊淨綺羅兩岸畫欄紅照
水蜚船多唱木魚歌

海珠石上柳陰濃隊隊龍舟出浪中一抹斜陽照金碧
齊將孔翠作船篷

梅花已近小春開
朱槿紅桃次第催
杏李枇杷都上市
玉盤三月有楊梅

佛桑花下小迴廊
曲院深深牡蠣牆
細蕤海沉銀葉火
金籠倒掛試收香

簪雲盤髻簇宮鴉
一綫紅潮枕畔斜
夜半髮香人夢醒
銀絲開徧素馨花

才到花朝似夏闌
雨紗霧縠閒冰紈
洋船新買紅鸚鵡
卻苦羊城特地寒

僞漢劉龔冢歌

紇干山雀凍欲死
朱五經兒作天子
紛紛負販皆侯王

山牛兔絲粵中起中原湏洞久風塵遂使庸奴竊邊鄙
黃屋左纛歷四世坐斥洛州爲刺史昭陽溝水流真珠
論車卻笑燒沉水金銀當日錮三泉帶劍上陵嗟已矣
苦將肖像擬休屠金蠶玉魚誰料理茂陵甲帳出人閒
況爾區區安足齒驪山地市竟如何銀海茫茫同一軌

羚羊峽

逆流入西江已闖高峽中何年神羊跡靈輿開鴻濛灘
江挾牂牁日夜來向東怒流會端州奔湊朝祝融萬仞
束洪濤大哉造化功龍從雲雷窟黯澹蛟鼉宮更聞溪
中石價與瑤琨同當年貢天家千指勞人工鼈行九地

底下與水府通微軀一不戒崩墜誰能窮九物古所歎
念此心忡忡

七星巖石室

北斗森魁杓何年化爲石散落南斗旁光芒色相射遙
填端州城七峰張幕帟崧臺屹中央晝靄仙靈宅天帝
觴百神於茲互主客巖竇鳴鼓鐘石乳亂矛戟往往鳥
獸形奇譎蕩精魄其旁兩洞天谿谷幾年闢水聲暗澎
湃時有蜿蜒跡云此龍所宮終古雲霧積沉沉抱珠睡
五嶺慳雨澤吾欲割其耳雨工起鞭策坐使瀝湖盈乘

流挂帆席

時旱甚
瀝湖竭

三山游記金卷十一
七
上屏風巖磴道未及霄關而返

暮登扶嘯臺欲問含珠徑山月出未高羣峰忽已暝清
露滴生衣孤松偃危磴何處仰霄關雲中一聲磬

登閱江樓二首

水自蒼梧下山將荔浦連潮增炎海漲春入夜郎天樓
閣凌空起雲峰壓座偏不因衝瘴癘誰見此山川

七星橫北郭南抱閱江樓龍氣千山雨牂牁萬里流島
厓新市舶節鎮古交州好記須陵望他年賦壯遊

山海經
鬱水出

象郡入須陵東南卽
此水也時海禁初開

重遊飛來寺

我昨遊飛來乃自東峰始得隴復望蜀夢落西峰裏歸
棹粵江潯煙雨孤篷底菩提解迎客一笑呼屐齒繚繞
曲棧危宛與蜀道似數折得石壁萬笏摩空起如刀如
步櫚神工信奇詭西巖隱飛瀑迸罅流石髓鳥啼脩脩
竹花覆濛濛水平生禽尚志歎息吾衰矣笑問白足僧
胡爲羨衣紫

黃石磯夜雨

春枕夢忽破決溜鳴篷牕驚雷碾陰峽急雨縱奔瀧新
涼臥桃笙遠夢生楓江起坐祝媪龍添波送歸艫

大廟峽

三山詩話卷十一
夜泊黃石磯急雨如萬弩朝過大廟峽怪石蹲渴虎靈
祠出叢薄飛甍粲可數美人珥明璫侍者拾翠羽春蘭
與秋菊無絕此終古落帆薦溪毛蘋花媚中渚神光乍
陰陽朝雲無處所欲去更徘徊枕榔颯飛雨

大廟峽寄黃庭表太史

自清遠至湏
陽亦曰三峽

出峽復入峽舟行多苦辛青山蠻徼外黃帽越溪濱迢
遞經寒雪飄零惜好春佛桑花下酒應憶北歸人

十五夜峽口對月寄廣州諸故人

峽口今宵月其如客思何離離見珠斗穆穆展金波故
壘餘蕭勃殘山弔尉佗珠江猶一水相望似秋河

雨入湏陽峽

野泊開頭早重陰入峽寒側過釣魚石逆上牯牛灘雨
逼驚瀧失雲從大壑看十年經劍閣轉見路行難

湏陽峽

峭帆入臯石絕壁太古色山川方出雲白日轉昏黑浩
浩一水逝蒼蒼兩崖逼雄雷地中奮坤軸倏傾仄十步
一盤渦下視窈難測云中穴蛟蜃呀呬擇人食牯牛

灘名

尤險絕艱虞萬夫力石棧緣秋毫百丈牽江直慘慘鷗
鵠啼猿猱不遑息尚憶符韶州

名錫

架閣擬巴剌事往逾

百年遺踪半湮泐陵谷一俯仰感歎情何極

歸度大庾嶺

大庾連橫浦艱難此再經
鬢從五嶺白山入百蠻
青嶠水流炎海榕陰數
上驛亭今宵望南斗漸遠使臣星

抵南安

嶺南已負荔支天橫浦重過
意惘然暫借谿樓看山色

蠟花如雪寺門前

南安人以蠟樹爲業彌望皆是

舟入雙牌峽

橫浦雲陰薄晨光翳碧虛
江邊寒進艇峽口靜攤書
幔捲時來燕溪清獨羨魚
萍浮任流轉踪跡似閒居

贛州別鴈水

與君暫相見揮手古虔州孤棹山俱遠雙江水亂流急
灘穿詰曲深竹叫鉤輈離別兼羈旅中宵感白頭

吳城登望湖亭寄周南康星公

東南臨眺美何如信有孤亭切太虛極浦長風生左蠡
畫簾清晝對匡廬九江潮汐迎人遠五老鬢眉見面初
明日玉淵潭上酒共看飛瀑駐籃輿

鄱陽湖舟中望廬山

月明出彭蠡照見南康城向夕滄波闊羣峰煙霧生杖
藜訪匡續沽酒酌泉明誰識高歌意臨流自濯纓

與豹人星公往白鹿洞次迴流山

廬山何高高白雲在山腹倏忽縈山椒亦或帶山足上
下無定姿頃刻屢移矚山徑不逢人樵歌出深谷何處
遞松聲風泉滿林麓

自白鹿洞至三峽澗

溪行少阡術沿洄屢迷津馬蹄怯危石欲下還逡巡出
谷見稻畦煙火自成鄰日午聞雞啼哀徑見遺薪薜荔
衣怪樹山風恐行人舉首五老峰白雲如魚鱗遙青遞
隱現光景相鮮新望望玉峽亭聊可垂吾綸

三峽橋

五里聞瀑聲轟若車千兩谿迴見飛梁穹若虹百丈衆

流會三峽峽門扼其吭建瓴沸驚湍排空削層嶂石激
水斯怒水橫去石逾壯水石終古爭怪奇紛萬狀日射
金井潭濺沫出橋上日光散青紅雨絲亂飄颺絕境遇
兩蘇何人繼高唱

玉淵潭

已歷三峽橋更訪玉淵水水流大壑中路轉層松裏片
石橫百仞其右平如砥九十九飛瀑一門爭萬軌岸崿
直要衝跳盪不得止雪浪如車輪凸凹忽奔駛激射爲
深潭神物潛尺咫夜黑風雨來鱸鮪皆避徙久立凜毛
髮薄雲漏餘晷西眺石人峰梵唄空中起

栖賢寺

李渤讀書處乃在栖賢谷何年作招提來尋愜幽獨僧
舍如蜂房高下傳山麓雲來漢陽峰時就簷下宿古寺
無所有修竹閒喬木野衲喜客來欣然設茗粥便欲置
草堂巖栖於此卜

彭蠡守風送豹人往南昌

茫茫彭蠡雨漠漠匡山雲雨帶孤帆去雲將別緒紛蛟
龍深自喜牛馬望難分三峽橋邊水扶筇昨共聞

萬杉寺

朝過玉京山緬想陶公里谿迴得寺門曲折杉松裏雨

中念佛鳥交語清人耳風吹修竹林下有寒泉水

開先瀑布

神龍擘空冥颯沓雙峽開青天露鱗甲白晝行風雷峽
偏不得逞掉尾揚其頰千仞忽開豁下有布水臺嘗聞
龍奮迅三昧何雄哉誰能一鉢盛終古相喧豗夜來雷
雨怒大石爲崩摧龍遊引九子煙霧紛徘徊偉矣南宮
書

壁上有米元章大字

破壁鑱崔嵬有語不敢吐以俟冠古才

招隱橋

萬仞黃巖瀑流過招隱橋長松吹細雨水石共瀟瀟

佛印松

印公手植松挺若舟千斛山空孤月明傳聲亂飛瀑

南唐元宗讀書臺

猶存讀書臺不見昇元閣寂寂青桂花巖閒自開落

青玉峽

廬南萬古峽常有野雲封朝來雷雨過白日下飛龍

王文成紀功碑

文成摩厓碑其字大如手萬古一浯溪光芒同不朽

大孤山

宮亭湖上好煙鬟倭髻初成玉鏡閑霧閣雲牕不留客
蘋花香裏過鞦山

卽事二絕句

吳頭楚尾浪花麤
終日彭郎對小姑
楊葉洲邊望煙火
江南江北雨模糊

往來不見馬當船
三日蘆中少爨煙
東望皖公才百里
金陵難似上青天

江上看晚霞

彭澤縣前風倒吹
三朝休怨峭帆遲
餘霞散綺澄江練
滿眼青山小謝詩

皖城懷古四首

憶昨經過射蛟浦
今朝還望盛唐山
大江日夜流如昔

武帝雄風去不還
天馬蒲桃空塞外
飛廉桂館自人間
茂陵抔土秋風裏
玉女何曾解駐顏

龍舟曾颭錦帆風
回首淮南事不同
降郢已聞營汴上
皖公猶自落杯中
豫章一去歸何日
廬阜重來隱未終
苦憶舒州徐騎省
江潮東下雨濛濛

清水塘邊余闕祠
雲霄浩氣凜鬚眉
英姿颯爽猶橫槊
古砌荒涼只斷碑
鶴化千年非故國
雞鳴十廟不同時
皖江便是田橫島
義士悲歌爲涕洟

羅刹磯頭落日懸
侍中遺跡至今傳
楚纍有恨沉魚腹
蜀魄何心化杜鵑
家國幾看陵谷變
江山猶痛革除年

清溪血影畱遺石巾幘還應愧世賢

泊夏家口二首

秋浦猿聲夜孤舟客乍聽
星星見漁火已到卸帆亭
已近梅根冶江流更幾灣
明朝風日好應見九華山

曉望銅官山

空江寒月落坐失九華峰
回頭望秋浦何處九芙蓉
曉日銅官上洩雲連五松
碧雞好毛羽安得一相從

荻港

荻港東來指赭圻
估帆停處一鷗飛
大江小汊縱橫入
蓼岸藤灣遠近圍
勝地不畱逋客住
暮潮閑送夕陽歸

三山磯
黃公戰處今殘壘憑眺休登板子磯

三山磯

澄江日夕淨歸鳥投前浦明霞散淪漪輕颺澹容與南
臨春穀溪北眺濡須隄何處是三山沙頭駐鳴櫓

蜺磯靈澤夫人祠二首

白帝江聲尚入吳靈祠片石倚江孤魂歸若過劉郎浦
還記明珠步障無

霸氣江東久寂寥永安宮殿莽蕭蕭都將家國無窮恨
分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤塔白
樓臺缺處數峰青赭山人去生春草江水潮迴沒舊汀
更憶于湖翫鞭跡吳波不動客揚舲

天門山歌

亦曰蛾眉山

昨過蛾眉山今到蛾眉山楚江東來似明鏡雙眉日日
相彎環江水東流浸明月月上山頭更清發若教寫作
十眉圖橫雲卻月俱奇絕太白昔日賦天門謫仙風流
今尚存文漪搖曳緒颺起落霞卷舒嵐氣昏自笑一生
湖海客半載浮家仍泛宅夜涼星斗正闌干欲上山頭
呼太白

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看四壁
風颼颼蕭生何年畫此雪色壁峰巒出沒煙嵐稠元氣
淋漓真宰妬江湖瀕洞蛟龍愁吳觀越觀上海日蒼煙
九點橫齊州祝融諸峰配朱鳥瀟湘洞庭放遠遊峨眉
雪照巫峽水匡廬瀑下彭湖流須臾使我行萬里瞥如
怒隼凌清秋我生海隅近岱畎西遊曾上瞿唐舟昨登
五老弄瀑布卻臨三峽窺龍湫七十二峰身未到蒼梧
已略天南頭太白遊踪徧四海晚愛青山采石聊淹畱
丈夫當爲黃鵠舉下視燕雀徒啁啾

然犀亭

不是溫忠武誰堪第一流
飛書先赴難灑淚獨登舟
赤幘驚幽渚黃旗指石頭
孤亭臨玉鏡淅淅荻蘆秋

蛾眉亭

采石磯頭百尺亭
下臨天塹晝冥冥
天門中斷楚江闊
日日蛾眉相對青

烈山

古寺紅牆出翠微
莓苔石壁滴人衣
一行白鷺衝船起
卻上半巖松頂飛

石城橋示倪鴈園太史

三民詩話言金卷十一
昔作秦淮客朱樓賦洞蕭白頭故人盡重上石城橋

江浦道中田家

田家無面勢茅屋各東西細雨開蔬圃流泉入稻畦水
牛風處臥沙燕浦邊低農圃吾生拙飄飄愧杖藜

雨過醉翁亭

琅邪山色好蒼翠連州城日夕巾車去煙蘿通徑行四
山新雨過數里聞泉聲悵望昔人遠彌深方外情

望琅邪寺

琅邪遺古寺南望隔層巔苔蝕陽冰篆溪流庶子泉羊
牛下山徑鐘磬發孤煙未許行旒去僧房借榻眠

晚至豐樂亭

豐山高不極到寺已昏鴉一鴈含桃樹滿山烏柏花僧
雛汲幽谷泉在幽谷活火試新茶歸去松蘿暝嚴城報暮笳

西澗

西澗蕭蕭數騎過韋公詩句奈愁何黃鸝喚客且須住

野渡菴前風雨多

澗上有野渡菴
取韋詩命名

清流關

蕭蕭寒雨渡清流苦竹雲陰特地愁回首南唐風景盡
青山無數繞滁州

符離

萬里歸來兩鬢蒼
閱他南漢又南唐
短衣射虎心猶壯
重過符離古戰場

雨中渡河望黃樓

已見河魚上冥冥
雨未休一條飛白浪
十丈捲黃樓杳靄
龍山隱空濛
雉堞收平生
仗忠信欲下呂梁游

嶧山卽事

雨足煙村事不閑
家家驅犢出柴關
棗花香徧濃陰合
水碧沙明望嶧山

大汶口

岸石如羣羊
渴者飲於水
飲罷或寢訛
鞭箠驕慵起
何

來西岳精偃蹇洪濤裏

奉符古城

我行奉符城不見崑崙迹何處仙人閭青山繞長陌唯
聞党竹溪髣髴南村宅

徂徠山

雲陰移徂徠影覆汶河水下有賢人居清風被田里一
杯詎能容千秋今廟祀

石守道故居在
山下北王村

楊家磴

詰曲皆紅泉縱橫半白石石映月明時泉喧風雨夕愛
此故鄉山臨流布瑤席

甕口峽

岱宗趨肅然

吾鄉長白卽史記所謂禪泰山下陞東北肅然山亦曰副嶽也

陰齊陽則魯中有夾

谷臺連峰作門戶石壁造天關蕭蕭綠蘿雨

大洪泉

怒泉如車輪突出絕壁罅
漈漈石上鳴潺潺雨中瀉響
落千仞溪白鷗驚復下

王氏漁洋詩鈔卷十一終

王氏漁洋詩鈔卷十二

過丁香院訪張杞園不遇題壁

吟遶長廊取次行
主人不見綠苔生
蜂聲滿院日卓午
花氣撲簾春晝晴

爲朱悔人題王叔楚畫竹卷二首

叔楚名翹字時羽吳之嘉定人畫宗米芾九二

草蟲墨竹見徐氏海隅集

小竹山人寫叢竹渭川千畝起毫端
愛渠低亞清溪水
幾箇橫斜拂釣竿

茅齋青壁幾年成
溪路無人畧彳橫
一夜春雷動崖谷
四山風雨籜龍驚

王氏詩集卷十二
題注舟次乘風破浪圖四首

海外真看大九州
青天一髮是琉球
人間奇觀君知否
萬里滄溟萬斛舟

扶桑東望海天孤
虎節龍章擁萬夫
正是水犀酣戰日
樓船十道下彭湖

百靈不散石郵閑
親見神魚跋浪閒
青史他年詫奇事
天風三日到中山

竹冊親頒異姓王
歸來封事動明光
儘教乞與丹青手
寫作靈槎著日傍

將乞假歸省批家書尾示兒凍

樗散無能合乞身歸來不擬負青春池東添箇垂楊樹
要看飛花點白蘋

訪賓公大谷山居

春原麥爭秀斜日雉交飛礪水寒猶淺村煙望不稀田
家驅犢返仄徑負樵歸想見南牕下看山杜德機

柳菴同賓公寶菴作

西巖古寺隱谿谷行飯從容到日斜最愛過橋垂柳樹
一溪新水照藤花

題張賓公采芝山堂

童穉相看有鬢華杖藜隔歲訪山家野風吹斷碧谿水

林鳥啄殘紅杏花田舍初開缸面酒江船將到雨前茶
卜鄰未果平生約慙愧東陵學種瓜

長白雜詩八首同賓公作選五

書堂道中

山勢圍黃鵠書堂望處孤行旆逐禪侶荷蓀問樵夫鳥
道捫參井人煙倏有無入雲鐘梵近失喜一相呼

書堂

香界諸天外心知開士家雙林圍石壁十丈落藤花薺
樹環平野浮嵐到海涯希文畱古井先試趙州茶

葛家洞

長嘯發孤煙一聲高柳蟬山風吹斷續水石苔潺湲魚
鳥真濠濮雲林亦市廛都藍碧溪側隨意煮清泉

嘯旨有
高柳蟬

柳菴

溪行路不極溪上出香林一夜前山雨千迴石瀨深空
花春漠漠仙梵午沉沉舊識梅檀味還能悅衆心

于茲仙人祠

我愛寒山好招尋白兔公還過于茲道倚徙古祠空碧
水流春澗清猿嘯晚風傳聞駕鸞鶴來往月明中

宿唐濟武太史志壑堂卽事

新竹捎檐夜氣清忽聞山鳥報寒更單衾喚起瀟湘夢

落月已西天未明

戊辰人日雪行華山下作

吾州最愛華不注
白日青天卓虎牙
一夜山中三尺雪
曉來失卻青蓮花
忽雷閘下流漸急
華巖宮前雲霧遮
轉憶石帆亭子畔
老梅寒竹鬪橫斜

趙北口

莫問公孫事茫茫
感逝波晚潮魚簷急
夜火蟹簾多大麓
諸流會春風萬乘過
年年水楊柳頭白
此關河

歸經鵲華二山閒卽目

山海作經首鵲山
招搖之桂生其閒
麗麇音凡之水出其

下祝餘四照花爛熳今此鵲山勿乃是越人陳迹誰追
攀灤水南來紆且直羅生夾岸蘅蕪蕊隔水正望華不
注疑臨玉鏡窺煙鬟是耶非耶看不定尹邢雙照蛾眉
彎被山瑇瑁不收拾黃如蒸栗丹砂殷七十二閘遠鉤
帶如棋布子交迴環柳花滿樹綠於染杏花點地紅斑
斑始知今日已寒食潑火小雨回天慳濯纓湖亭好煙
景春波澹施去清心顏回首卻望衛河北風沙莽蕩連
雄關

女郎山

臥輿夢初起遙見女郎山雨過開奩鏡煙消露髻鬟靈

三山游記卷十二
祠空翠裏瑤瑟碧雲閒不是崔羅什何因奉玉顏

許山鋪

山市依湖岸煙光晝杳冥竹欄看鴨鬪茅屋帶龍腥一
水兼天白羣峰挾雨青漁舟與沙鳥來去墨王亭

嘯園詩十二首選十

梭山

云是天孫梭何年化空碧蕭條松桂林晻靄幽人宅不
妨折齒人長茲置巖石

漂溪

瀾漂東注海濫觴乃於此一勺出雲根石流湛清泚應

有遺世人枕流還洗耳

見山亭

張公茂蘭故居正德間京師語曰天下清官張茂蘭

入門不見日風動千籜簌孤亭在竹中猶傳清士居世

無劉伯畊豈慕貂檐楡

張官京師冬無絮衣遺者皆不受東阿劉田伯畊以衣送之乃受曰世惟劉伯畊衣可服耳

長白深處

亦名君子堂

肅然萬壑深結廬最深處昔睹封禪儀今餘采樵路惟

有漢時雲悠悠自來去

長白卽封禪書之肅然山

倚玓洞

古潭深不測石梁架巖洞中有蟄龍蟠鱗甲欲飛動明
玓照清流幽禽時一哢

三民詩言金卷十二
五
勘書閣

北齊勘書圖流傳子華作

楊子華有勘書圖

髣髴邢魏流劍珮文

林閣從容四庫閒何如百城樂

海燕樓

朱樓玳瑁梁春社紅襟燕年年思故巢
涎涎會相見花動倉琅根美人起常晏

橫翠閣

高閣冠清溪雪浪相迴薄簾捲暮山晴
衣霑空翠落煙暝竹林閒歸飛雙白鶴

淨友亭

斑竹已解裯翠莢復如雛虛堂受荷氣疎簾漾文漪風
標兩公子照影時相窺

攄梧山房

苔苔百尺桐孫枝露初引下有怪石供離立衆星隕山
月下窺人嘯歌荅虛牝

戲書蒲生聊齋志異卷後

姑妄言之妄聽之荳棚瓜架雨如絲料應厭作人閒語
愛聽秋墳鬼唱時

題查夏重蘆塘放鴨圖四首

橫塘盡日雨濛濛閑倚笭簖挂釣筒坐愛琉璃一千頃

王氏漁江詩金卷十二
菱花風急冒鳬翁

鴨母船依湖水濱
船頭長日飯龜蓴
憑誰寄謝桓南郡
不是鷺欄教鬪人

鴨頭九帖種魚經
盡日蘆碕泛渺冥
何似漁陽隨突騎
天風齊放海東青

列仙之儒形甚臞
一竿偏愛狎江湖
畫師也會幽人意
不作金盆孔雀圖

題張力臣寫真二首

瘞鶴銘邊攜屐日
羊侯祠下卸帆時
吳山楚水探奇徧
不覺秋霜點鬢絲

金石遺文太放紛摩挲千卷對鑪薰白頭更訪鴻都學
手拓陳倉石鼓文

題沈客子林屋幽居圖五首選三

五月楊梅血色斑雲林十里畫圖閒杉皮屋子青苔徑
獨占吳王消夏灣

玉堂酒渴夢江南林屋東西路舊諳煩汝封題三百顆
夜來霜信到黃柑

漁洋山下是吾家山北山南半種茶畱得繖山方竹杖
待君風雪探梅花

棲霞寺紫蜂閣前有方竹一叢予取以作杖方爾止銘之

寄題念東侍郎載酒堂

蓋頂黃茅野意存鑑湖一曲古城根疎梅亞竹臨官路
遠水浮花過縣門上日抱琴穿略約何人載酒醉宸尊
春來騎馬東華道悔不從君學灌園

追和徐東癡釣臺懷古

帝業真歸赤伏符故人不作執金吾猶嫌齊國知男子
終隱桐江學釣徒鼎足三公慎要領師中十載白頭鬢
清風萬古嚴陵瀨知有雲臺博士無

范升也

憶石帆亭寄兒涑汧四首

梅花香裏置茅亭下有蒼筤萬箇青聞道故園三日雪

與誰同聽玉瓏玲

瓏玲見揚子

磬口檀心世外香幽姿那點壽陽粧祇宜霽雪明牕裏
手搗疎花寫硬黃

仙人鸞尾何年墮池北池南共歲寒又向東華騎瘦馬
春風先問竹平安

麥顆風爐手自烹林園急雪夜三更不知賀若今存否
夢裏琴聲大蟹行

題趙松雪畫羊

三百羣中見兩頭依然禿筆掃驂驪竭來清遠吳興地
忽憶蒼茫敕勒秋南渡銅駝猶戀洛東來玉馬已朝周
牧羝落盡蘇卿節五字河梁萬古愁

王氏清言金卷十三
寄題念東先生松巢

仙人樓居苦偏仄
要與老鶴分松風
天風蓬蓬起天籟
寒濤萬頃生虛空
仙人曲肱睡正熟
馭風倏過扶桑東
下視蓬萊玩清淺
太華夜碧聞清鐘

玉峰相公齋中蕉花開索賦六首選四

漢主初開扶荔宮
甘蕉花入上林紅
今朝獨樂園中見
始信嵇含狀最工

中書退食日蕭蕭
簾捲西山爽氣饒
茶臼筆牀相對好
一林花放膽瓶蕉

玉宇微涼八月中
林塘香散木犀風
綠天深處一花坼

蝙蝠飛來相映紅

南中紅蕉花開有紅蝙蝠集花中見酉陽雜俎

木棉千樹粵江邊不及蕉花分外妍
常記五羊城畔見一枝紅壓蜚人船

浮梁令介初兄輓詩

諱臨元聊城人順治辛丑進士甲寅殉節贈江西按察司僉事

傳烽連岳麓羣盜逼杉關
抗節冰霜裏捐軀豺虎閒
黃巾何日盡白馬不生還
惟有啼鵲血春來返故山

五月初七日雨中瀛臺啓事

極目紅欄綠浪兼之細雨斜風
一幅吳淞煙雨只少天
隨釣篷

初八日晴入瀛臺再成

王氏詩話卷之十二
日照馭娑宮外風來魚藻池邊沙上水禽偶語橋頭人
柳三眠

荅陳元孝寄懷之作

不見閉門陳正字嶺雲江樹五年餘秋風欲下華陽館
粵客纔通尺素書蒲澗紅泉應不改羅浮翠羽夢全疎
天南耆舊今頭白珍重新詩獨起予

趙伸符宮贊書來云秋雨霑足山泉四溢臨流坐
石日誦莊騷賦寄三首

名泉秋谷口泉水入門流一夜南溪雨千巖瀑布秋雲
山初過鴈簾閣似浮鷗挂壁松枝塵何人解獻酬

讀書坐懷古未遣世人知被髮聞鸞嘯彈琴詠雉噫逍
遙羨蒙叟憔悴感湘纍各有清芬在君應自得師
林居常晏起蒼翠撲晴牕自富五千卷何勞四十雙采
芝綺里季作黍漢陰龐晚節思鄰並還能倒玉缸

小憩高梁橋

昔日高梁道綺羅嬌上春依然挑菜渚不見采蘭人新
水生魚纈輕絲漾麴塵不妨成漫興青草正如茵

寄懷尤悔菴太史四首選二

歸田身更健重築遂初堂

宋尤文簡公堂
名悔菴始祖也

名預耆英會心空

選佛場捲簾看鄧尉倚杖濯滄浪畫作屏風樣何妨遠

三石齋詩集卷十二
十
寄將

白詩云便是屏風樣又云
兼聞好事者寫我作屏風

何必買山隱
翛然居士家
華亭丹頂鶴
甫里白蓮花
船遞中泠水
僧分顧渚茶
筆牀將釣具
隨意泊汀沙

題姜西溟洞庭秋望圖

君家剡溪西
爲復剡溪東
王謝昔居剡
千秋緬遺蹤
我往欲就君
名山懷剡中
幾載京國遊
素心王謝同
君忽泛五湖
仙壇訪毛公
徑披笠澤雲
蓑笠青濛濛
萬頃白銀灣
倒浸七十峰
拂袖縹緲巔
五州羅心胸
腳踏巨鼇背
目送孤飛鴻
人言秋興逸
況臨水精宮
湖霜熟黃甘
林煙染丹楓
落日迴漁舟
蘆中收釣筒
欲呼天隨子
兼

挾鷗尸翁茲遊信清曠愧我羈樊籠他年剡溪歸相期
喚樵風

米海岳研山歌爲朱竹垞賦

海嶽研山不可見人閒空說研山圖研山之圖亦遭燬
雲煙過眼徒嗟吁宣和艮嶽已塵劫矧乃片石輕錙銖
永嘉流落幾百載昭陵玉匣今亦無詎知神物有呵護
星芒夜隕三天都

舊藏許文穆家

太平宰相盛文物寶此何啻千

璠璣古藤書屋花未放主人愛客招吾徒眼中突兀忽
見此乍疑几席羅衡巫壺中九華那足擬仇池枉用誇
髯蘇三茅地肺互鉤帶二華雲氣相縈紆蛟龍屈蟠待

王日涉詩集卷一
雷雨仙靈髯鬚迴輶車華蓋一峰獨秀拔宛插玉笏翹
犀株翠巒玉笋左右列雕尻股腳相欹扶上洞下洞閃
曲折潛通小有涵空虛龍池幽窈驗雨候頗疑中有驪
龍珠峰獨者蜀屬者嶧上泉有埒下有瀆座客摩抄三
歎息蒼然古色生眉鬚海嶽之菴書畫舫幾伴此老浮
江湖巧偷豪奪歷千劫閱盡春秋如螻蛄翰林好事過
顛米日餐蛾綠忘飢飬滄江夜夜虹貫月莫令光怪驚
菰蘆

再題研山絕句示竹垞

南唐寶石劫灰餘長與幽人伴著書青峭數峰無恙在

不須淚滴玉蟾蜍

元章詩研山不可見哦詩徒歎息惟有玉蟾蜍向余頻淚滴青峭數峰南唐元宗語

題河梁圖送俞蒼文歸雲閒

秋氣晚冥冥歸帆挂潞亭五茸紅葉樹三泖白蘋汀去路日已遠流波無暫停西山如送客不改舊時青

題魏禹平水村圖四首

天邊如黛九峰青一曲分湖望渺冥賸客不來苔滿徑日修蟹志補魚經

水紅花發一叢叢翡翠雙飛西復東好與吳興鬪清遠道人合住水晶宮

草閣前臨大小回銀絲鱸縷助行杯偶然小試垂竿手

正得鱸魚四十枚

寫得江南水竹村
煙波萬疊護柴門
叉魚射鴨閑家具
我亦思歸夢陸渾

題朱竹垞雪景寫真四首

天女長空散六花
疎枝冷蕊鬪橫斜
小身幻出維摩影
費我連朝玉畫叉

雪後谿山畫不如
梅花林外跨青驢
相逢莫笑酸寒甚
曾較華林七錄書

雪屋寒林斷晚煙
板橋流水尚濺濺
不逢才子安鴻漸
定是襄陽孟浩然

風急天山雪打圍下韝鷹疾掠空飛誰知驢背江南客
手拗寒香插帽歸

題竹垞小長蘆圖卷三首

史筆高三館歸心戀五湖分明鰕菜好寫出小長蘆
膝上佳兒文度眼中秋色江村歸路不須扶杖笑凭桐

孫稻孫

太史二孫名

一蓑一笠日相隨不似官人似釣師七字愛吟楊處士
亂堆漁舍晚晴時

對雪懷吳天章徵君趙伸符宮贊

趙生梁甫北吳子中條陰兩地懷人遠連朝積雪深黃

河遶蒲坂紅葉滿荆岑欲鼓幽蘭曲何人是賞音

謝盤山拙公惠芝

寄我靈芝車馬形萬年松下斲青冥菟絲聞道垂千尺
更欲從師乞茯苓

送方位齋出守登州

齊煙青九點東北盡之罘雪霽辭燕市天晴見蜃樓風
流今玉局貢錯古東牟定上蓬萊閣忘機下海鷗

冬日出署戲作

西樞慚愧握兵符五十形容壯歲徂殘雪一簾牕日晚

姬人學鑷白髭鬚

兵部督捕署在
西故稱西樞

題羨門閣學采藥圖

秦駐山中采藥歸
銀魚挂壁夢依稀
羨君攜得驂鸞侶
霧鬢風鬟木葉衣

送張寶菴宰新野

牽絲雖百里湯沐古南陽
白水清官舍青山落印牀
人祠銅馬帝城倚臥龍岡
遙憶絃歌處風流楚塞長

送李伯含郎中出守都勻六韻

作郡向炎方雲山古夜郎
三苗殊漢俗五尺啟秦疆
銅鼓祠諸葛蘆笙賽竹王
藿荂開瘴雨薏苡綴蠻粧
掉尾多盧鹿編毗半紫姜
文翁能化蜀不用薄淮陽

三民詩言金卷一二
送劉君宰建德

送者自崖返君真建德遊桐廬最蕭灑水木況清秋橘
柚紛千樹漁商聚一州新安江見底應憶古羊裘

東陳藹公於昊天寺

重來依老桺蘭若倚西城白日一何速青山無世情冢
中王輔嗣林下古先生好共蟬連語寧論世上名

昔同愚
山侍讀

奉訪於此已十三年
寺旁多古冢故戲及

送陸次公判撫州兼寄牧仲中丞

青門一尊酒言祖謝臨川人憶貝丘別鴈隨彭蠡船高
齋逢霽雪春思入江煙爲向中丞問吟髭白幾年

退朝雪中懷拙菴禪師

東望盤山三百里年年結束負行旆
偶逢金水橋頭雪忽憶梅花樹下僧
鉢裏伊蒲常施鳥巖中瀑布幾成冰
丈夫一事公無讓未許尋常將相能

唐崔趙公問徑山道欽禪師弟子出家得否欽曰出家乃

大丈夫事非將相之所能爲崔有省

題畫龍虎二首

神龍穿山張鬣鬐煙霧出沒鱗之而奔騰四海水皆立
黯澹九天雲下垂何人妙筆追董羽雷車砰訇震天鼓
飛廉屏翳紛後先直上長空作霖雨

空林白日風怒號千崖落木如驚濤於菟據地正憑怒

青兕黃熊皆遁逃太平有道麟在藪玉虎般般樂君園
空山藜藿歸去來不避豪賢亦何有

聞滕王閣落成寄宋二牧仲開府

中丞持節鎮洪州滕閣重開勝庾樓清簾疎簾過暮雨
隱囊紗帽對江鷗曾來弭棹悲殘劫未許題詩在上頭
安得乘風度彭蠡與君吹笛坐滄洲

予乙丑過南昌閣燬於火

遙題牧仲煙江疊嶂堂堂在北蘭寺

東湖勝事擬西湖幻出煙江疊嶂圖也似東坡在龍井
不知曾有辨才無

題張敦復大宗伯賜金園圖

我昔曾過龍眠山山雪蒼茫歲方晏龍眠山莊知有無

空向圖中幾回見遺墟但指璇源館

在舒城亦伯時別業

芒屨未踏

垂雲泚

見欒城集

祇今彈指越七載過眼流光等飛電龍眠尚

書早致身玉斧森沉侍清燕承

恩暫許休沐歸朱提

賜出蓬萊殿鑑湖一曲落公手草木雲嵐荷深眷數問

家金供賓客遺事蘭陵何足羨三年卻返承明廬夢寐

家山寫東絹溪流百曲學印文山色千層累重甌龍公

鸞尾嘯煙雨鹿角鼠鬚飽霜霰蛤蚧忽斷漁浦開仰見

雲中瀉飛練草堂抱膝還讀書樂此長年可忘倦此山

此圖世稀有終擬他年追勝踐待公功成歸故山江帆

王氏漁莊言金卷十二
特乞樵風便

寄題齊河王氏園

清濟來王屋東流遶祝阿閑園傍隈隩曲徑隱煙蘿野
曠山容合亭空水事多當年會盟地今日有漁蓑

和趙伸符宮贊寄洪昉思絕句

趙詩云垂堂高坐本難安身
外鴻毛擲一官獨抱焦桐俯

流水哀音還
爲董庭蘭

七條絲裏賞音難自拭龍脣玉軫寒君是開元房太尉
一生畱得董庭蘭

汪于鼎寄始信峰草堂志

避地何方好天邊始信峰人歸散花隴徑度擾龍松向

下雲煙積當門澗壑重此中猿鳥絕無路識行蹤

送吳商志之大梁二首

夢華何處是髣髴舊東京蜀洛人誰在登臨自不平堂
曾傳萼綠壘尚指青城流恨金明水春波日夜生
金梁橋上望依舊月如霜法曲傳宮伎流風說憲王中
原飽戎馬世事幾滄桑且可酣醇酒忘情錦瑟旁

烏目山人歌贈王石谷

翬

我聞慧車子昔居烏目山淳于從之受虹景一朝拂袖
升天關仙蹤窅渺幾千載惟見烏目山色高孱顏烏目
山人有仙骨早年嘯傲煙霞窟白頭不識豪貴門林臥

蕭然謝巾襪有時潑墨何淋漓人道前身應畫師胸中
五嶽起方寸落筆萬象爭神奇寸縑尺素走荒裔江神
欲奪蛟龍知疑君古人乃並世昨來忽貽十幅無聲詩
或仿營丘或洪谷或摹黃鶴或大癡偶與吳興鬪清遠
白蘋碧浪迴煙姿深黃淺絳妙點綴吳筆項墨窮毫釐
更聞應 詔大同殿 重瞳一顧親嗟咨菰蘆中人乃
有此何不高議金華爲君言掉頭且歸去尚湖秋老羹
蓴絲山中仙人待已久怪我遊戲還山遲他日相思訪
烏目慧車有約同遨嬉

得同年張蔚生郡丞書

美人佐郡古涼州書札緘題慰四愁宛馬如雲頻入塞
玉關何日罷防秋唐家都護安西府漢史功名博望侯
幕下卽聞多薦達參軍未必久淹畱

石谷與門人合寫谿堂詩思見贈題其上

谿流過雨決決鳴天風環珮來淙琤谿邊山色自太古
嶺上白雲非世情疎簾清簟晝無暑翠竹碧梧時有聲
此中幽意少人會起坐彈琴山月明

爲王令詒題松南柳磯圖二首

西風圓渚薦新涼黃柳稀疎鴈帶霜開卷相看似相識
釣魚船上謝三郎

楊柳依依水四圍
垂竿不爲鰕魚肥
蜑船萬里扶南水

回首松南舊釣磯

時赴粵東
茂名令

悼亡詩十二首選七

哭陳孺人
及女宮作

優鉢曇花現卽空
那堪搖落委殘紅
招魂欲問魂何處
冷雨淒風野寺中

十七年來憶別家
任城雲樹卽天涯
接藍一道南池水
爭忍重歌陌上花

博山香篆倚銀屏
三體唐詩梵字經
髣髴紅牕人未寢

燈前教誦雨淋鈴

孺人修梵行又喜唐絕句予口授百首皆
成誦雨淋鈴夜卻歸秦一篇所常諷詠也

銀箭金壺聽麗譙
年年空負可憐宵
拋殘斗帳紅蕤枕

手點茶湯候早朝

花謝東風月墮雲蘅蕪香歇幾時聞縱然月沒教星替
何許相逢李少君

十齡嬌女伴泉臺猶記啼聲繡祿催今日斜陽蕭寺裏

西風吹送紙錢財

阿宮附
厝僧舍

濃香銷歇掩空幃剩有羅巾印口脂只似雲車還入洛
魚山深鎖智瓊祠

文華殿大學士吏部尚書謚文襄鄴園李公輓詞

四首選二

書生矜燕領萬里取通侯列戍紛江介諸軍望節樓挽

疆朝射虎饗士夜椎牛莫訝頭須白功名百戰收
角巾東第去一棹直沽風絲竹隨安石林園待潞公神
騎箕尾立望與斗杓同家世西平舊重論社稷功

題牧仲中丞述鹿軒詩卷二首

七十二峰充下陳漁洋一點具區濱胸吞雲夢君何有

卻對漁洋憶故人

中丞有望漁
洋見懷之作

燕寢凝香畫戟枝放衙花底鶴相隨愛君五字風流甚

實有文章替左司

白樂天詩敢有
文章替左司

寄荅余澹心

甲子使粵澹心附子
及鄭山公司寇南行

江東耆舊盡無恙浣花翁龍腹名誰及蛾眉老愈工瀛

滄千里道風雪一樽同書帶今零落翻令憶鄭公

吾鄉賢山有鄭

公書帶草時
司寇新歿


甲戌除夕前二日雪集姜西溟吳商志蔣京少查

夏重宋山言周策銘殷彥來分賦得錢思公

雪下度輾轅煙中望伊水逶迤林壑閒皓然見千里車
馬渡水來云傳府公旨駛雪宜山行小住爲佳耳迴眺
二室雲蒼茫半空裏俯聆八節灘潺湲漱寒齒丞相解
憐才洛中盛文士風流映古今千載猶興起

王氏漁洋詩鈔卷十二終

宣統二年七月影印



王漁洋詩鈔精裝八冊
布定價洋一元六角

出版所

上海四馬路望平街中
時中書局

印刷所

上海老北門內長慶里
時中書局

發行所

各大書局

總發行所
時中書局

上海四馬路望平街

時中書局最新出版書籍

錢牧齋全集

連史大本 價洋拾八元
尋常本 價洋拾六元

黃梨洲遺著彙刊

連史本 價洋四元
尋常本 價洋二元八角

遠漢齋校訂本 龔定盒全集

連史本 價洋一元五角
尋常本 價洋一元

黃陶菴全集

連史大本 價洋二元五角
竹連大本 價洋二元

陳臥子先生 安雅堂稿 兵垣奏議 合訂尋常大本

價洋二元

陳臥子先生兵垣奏議

尋常大本 價洋六角

王漁洋詩鈔

連史精本 價洋一元六角

王陽明先生集要三種

洋裝精本 價洋二元四角

孟浩然 王摩詰 高常侍 岑嘉州 四唐人集

連史本 價洋一元二角

張文襄公書目答問

尋常本 價洋四角

吳愉庭先生兩疊軒尺牘

連史本 價洋八角

胡文忠公全集

尋常本 價洋一元五角

陸文裕公詩卷真迹

連史本 價洋五角

曲園先生遺墨

連史本 價洋二角

國朝文棟

尋常本 價洋五角

掛席山房十五家手扎

連史本 價洋五角

古今彗星攷 附圖

精裝本 價洋八角

柳東草堂筆記

尋常本 價洋五角

袁忠節公遺詩

尋常大本 價洋二角五分

銅版精印海上九家畫譜

尋常大本 價洋八角

古玉圖考

連史大本 價洋二元

藝粟齋墨錄

連史本 價洋四角

網鑑正史約

連史本 價洋一元二角

歷代史表

尋常本 價洋一元

水道提綱

連史本 價洋六角

蒙古紀事本末

連史本 價洋六角

中西算學大成

連史本 價洋四元

鈕玉樵先生輯觚賸

尋常本 價洋六角

普通淺近尺牘

尋常本 價洋三角

柳選四家醫案

尋常本 價洋六角



~~X~~ 00000000